

*de prima Editione hujus Synodi Bonardi
videri in Catalogo, et in Synodo Vincen-
tini pag. 6. T. 2400*

1

In Nomine Sanctæ, & Individuæ

TRINITATIS

Patris, & Filij, & Spiritus sancti

Amen.

INCIPIUNT CONSTITVTIONES,

& Decreta Diœcesanæ Synodi Hieracensis,

Quam Nos

F. VINCENTIVS BONARDVS, DEI,

Apostolicæ Sedis Gratia eiusdem Episcopus, de

cōsilio, & assensu Reuer. Capituli, totiusq;

Cleri habuimus die 11. Maij 1593.

✠ (+) ✠

PRO FIDE CATHOLICA

profutenda. Tit. I. Cap. I.



N FIDEI Catholicæ obsequium, quæ
totius iustificationis nostræ initium
est, & radix, intellectum submittere
cupientes, operepretium esse duximus
ab illius vera confessione incipere, &

supra firmissimam fidei petram, quæ pro morum
moderatione, excessuum correctione, controuersia-
rum compositione, nobis in hac synodo tractanda

A

sunt,

*Confirmat hæc
Synodus in
Synodo Vin-
centini pag. 6*

** Ordo Prædicationis
hæc ductor est
opysculi hujus
Synodi huius.*

*Cōcil. Trid.
dent. sess. 6.
cap. 7. & 8.*

*Sess. 24. c. 2.
de ref.*

Roma. 10. b.

*Incipit in-
iunctum no-
bis.*

sunt, ædificare. Vt igitur corde credamus ad iusti-
tiam, ore verò cōfiteamur ad salutem, sicut docet
Apostolus, & idipsum dicamus omnes, nec sint in
nobis schismata, fidei profitendæ formam, quam in
sua Constitutione sel. rec. Pius Papa Quartus tradi-
dit, subiicimus, atque proponimus.

FORMA PROFESSIONIS FIDEI.

EGO N. firma Fide credo, & profiteor om-
nia, & singula, quæ continentur in Symbolo
Fidei, quo sancta Romana Ecclesia vtitur, videlicet.
Credo in vnum Deum Patrem omnipotentem, fac-
torem cœli, & terræ, visibilibus omnium, & inuisi-
bilium. Et in vnum Dominum Iesum Christum Fi-
lium Dei vnigenitum, & ex Patre natum ante om-
nia sæcula, Deum de Deo, lumen de lumine, Deum
verum, de Deo vero. Genitum non factum, con-
substantialem Patri, per quem omnia facta sunt. Qui
propter nos homines, & propter nostram salutem,
descendit de cœlis. Et Incarnatus est de Spiritu
sancto ex Maria Virgine, & homo factus est. Cruci-
fixus etiam pro nobis sub Pontio Pilato, passus, &
sepultus est. Et resurrexit tertia die secundum scrip-
turas. Et ascendit in cœlum, sedet ad dexteram Pa-
tris. Et iterum venturus est cum gloria iudicare
vivos, & mortuos, cuius regni non erit finis. Et in
Spiritu sanctum Dominum, & viuificantem, qui
ex Patre, Filioque procedit. Qui cum Patre, & Fi-
lio simul adoratur, & conglorificatur, qui locutus
est

est per Prophetas. Et vnā Sanctā Catholicā,
& Apostolicā Ecclesiā. Confiteor vnum Bap-
tisma in remissionem peccatorum. Et expecto re-
surrectionem mortuorum. Et vitam venturi sæculi.
Amen.

Apostolicas, & Ecclesiasticas traditiones, reliquasq;
eiusdem Ecclesiæ obseruationes, & constitutiones
firmissimè admitto, & amplector; item sacrā Scrip-
turam iuxta eum sensum, quē tenuit, & tenet Sancta
Mater Ecclesia (cuius est iudicare de vero sensu, &
interpretatione sacrarum Scripturarum) admitto,
nec eam vnquam, nisi iuxta vnanimem consensum.
Patrum accipiam, & interpretabor. Profiteor quo-
que septem esse verè, & propriè Sacramenta nouæ
legis à Iesu Christo D. N. instituta, atque humani
generis, licet non omnia singulis necessaria, scilicet,
Baptismum, Confirmationem, Eucharistiam, Pœni-
tentiam, Extremam vñtionem, Ordinem, & Ma-
trimonium, illaque gratiam conferre; & ex his Bap-
tismum, Confirmationem, & Ordinem sine sacrile-
gio reiterari non posse. Receptos quoque, & appro-
batos Catholicæ Ecclesiæ ritus in supradictorum
omnium Sacramentorum solemnī administratione
recipio, & admitto. Omnia, & singula, quæ de pec-
cato originali, & de iustificatione in Sacrosancta
Tridentina Synodo definita, & declarata fuerunt,
amplector, & recipio. Profiteor pariter in Missa of-
ferri Deo verum, proprium, & propitiatorium sa-
crificium pro viuis, & defunctis, atque in Sanctissi-
mo Eucharistiæ Sacramento esse verè, realiter, &

substantialiter Corpus, & Sanguinem vna cum anima, & diuinitate Domini Nostri Iesu Christi, fieriq; conuersionem totius substantiæ panis in corpus, & totius substantiæ vini in sanguinem, quam conuersionem Catholica Ecclesia transubstantiationem, appellat. Fateor etiam sub altera tantum specie totum, atque integrum Christum sumi, verumque Sacramentum. Constanter teneo Purgatorium esse, animasq; ibi derentas fidelium suffragijs iuari. Similiter, & Sanctos vna cum Christo regnantes venerandos, atque inuocandos esse, eosque orationes Deo pro nobis offerre, atque eorum reliquias esse venerandas. Firmissime assero Imagines Christi, ac Deiparæ semper Virginis, necnon aliorum Sanctorum habendas, & retinendas esse, atque eis debitum honorem, ac venerationem impertiendam. Indulgentiarum etiam potestatem à Christo in Ecclesia relictam fuisse, illarumque usum Christiano populo maximè salutarem esse affirmo. Sanctam, Catholicam, & Apostolicam Romanam Ecclesiam omnium Ecclesiarum matrem, & magistram agnosco, Romanoque Pontifici Beati Petri Apostolorum Principis successori, ac Iesu Christi Vicario, veram obedientiam spondeo, ac iuro. Cætera item omnia à sacris canonibus, & œcumenicis concilijs, ac præcipuè à sacrosancta Tridentina Synodo tradita, & declarata indubitanter recipio, atq; profiteor, simulq; contraria omnia, atque hæreses quascunque ab Ecclesia damnatas, reiectas, & anathematizatas, ego pariter damno, reijcio, & anathematizo. Hanc ve-

ram

ram Catholicam Fidem, extra quam nemo saluus esse potest, quam in presenti sponte profiteor, & veraciter teneo, eandem integram, & inuiolatam vsq; ad extremum vitæ spiritum constantissimè, Deo adiuuante retinere, & confiteri, atque à meis subditis, vel illis quorum cura ad me in meo munere spectabit, teneri, doceri, & prædicari quantum in me erit curaturum. Ego idem N. spondeo, voueo, ac iuro; sic me Deus adiuuet, & hæc sancta Dei Evangelia.

Cap. II.

SUb hac verborum forma, & non alia Fidem Catholicam profitebuntur in manibus nostris, vel nobis impeditis coram generali Vicario nostro omnes in hac nostra Diœcesi ad curam animarum assumpti, idque intra duos menses ad minus, à die possessionis adeptæ, qui etiam in Romanæ Ecclesiæ obedientia se perpetuò manere, suisque in beneficijs residere curabunt. Profitebuntur etiam omnes de dignitatibus, & de canonicatibus non solum in Cathedrali, sed in quavis alia collegiata prouisi, & ij non solum coram nobis, vel Vicario nostro id facient, priusquam possessionem adipiscantur dignitatum, seu canonicatum, verum etiam in Capitulo in ipso possessionis adipiscendæ actu. Insuper omnes quaruncumque artium, & scientiarum doctores, nec non ludi magistri, qui de cætero nec scholas aperire, nec lectiones in Diœcesi nostra inchoare audeant, antequam professi fuerint, idq; sub pœnis

*Concil.
Trid. sess.
24. cap. 12.
de ref.*


Sess. 3. c. 1.

in Pij

Incipit, in in Pij Quarti felic. record. constitutione contentis,
Sacramēta. alijsque arbitrio nostro infligendis.

Cap. III.

Quia verò summopere optandum est, ut fides
 Catholica augeatur in nobis, eademque sem-
 per illibata permaneat, præsertim verò au-
 geatur verbi Dei prædicatione; nam, ut inquit Apo-
 stolus fides ex auditu, auditus autem per verbum
 Christi. curabunt Parochi, cæteri; animarum cu-
 ram habentes, singulis dominicis, alijsque festiuis
 diebus, & præsertim magis solemnibus populo, siue
 intra Missarum solemnia, siue aliquo alio opportu-
 niori tempore aliqua de Cathéchismo Romano pro-
 ponere, fideique rudimenta iuxta illius interpreta-
 tionem docere. Poterunt etiam Evangelium expo-
 nere, seu homilias, & sermones proponere. Si qui
 verò per se ipsos id præstare non poterunt, ne in-
 pascendis proprijs ouibus negligentes sint, id
 per alios viros idoneos à nobis approban-
 dos præstare studebunt, idque sub
 poenis in sacris canonibus con-
 tentis, alijsque arbitrio
 nostro.



DE SACRIS CONCIONIBVS,

Prædicatoribus, eorumque electione.

Tit. II. Cap. I.

IN Aduentu Domini, & Quadragesima omnino conciones haberi volumus, non solum in Cathedrali nostra, in qua Deo nobis auxiliante, proprium munus exercere sæpè sæpius curabimus; verum etiam in omnibus Terris, Oppidis, & Casalibus Diœcesis. Prædictum verò prædicationis officium fieri poterit per Præsbyteros, vel etiam Diaconos sæculares, siue etiam regulares per nos approbandos. Hortamur etiam regulares omnes, & in Domino requirimus, vt in proprijs Ecclesijs, quas in Ciuitate, & Diœcesi habent, benedictione à nobis accepta, ad eiusdem Concilij præscriptum conciones tam præfatis, quàm alijs anni temporibus habere velint, vel sacrae Scripturæ, seu Casuum Conscientiæ lectionem.

*Concil.
Trid. ubi
supra.*

Cap. II.

Icet Sacri Tridentini Concilij decretis inherentes, necnon multorum Episcoporum vestigia sectantes, possimus Prædicatorum electionem tam in Cathedrali, quàm in alijs locis, nobis reservare, & illos suo tempore ad prædicandum mittere; nihilominus cum Christi ouibus nobis commissis benigne, & paterne procedere volentes, & consuetudini

*Locis ubi
supra cita-
tis.*

iam

iam antiquatæ adhærere, permittimus, & concedimus locum Dominis, seu etiam Vniuersitatibus, vt singulis annis Prædicatorem pro futura Quadagesima eligere possint, hanc tamen lege, vt priusquam Prædicatori electo nunciatur, electio nobis significetur, quatenus ipsam approbare possimus; vel etiam iustis de causis reprobare; idq; ne oues lupum, dum non cognoscunt, in pastorem eligant. Quo facto poterunt illum vocare, vt suo tempore, habita tamen à suo superiore licentia, nostraq; benedictione, & licentia ad verbum Dei prædicandum veniat.

DE DOCTRINA CHRISTIANA.

Tit. III. Cap. I.

1. Cor. 14. 8.

NE ex Pastorum negligentia ouibus Christi nobis commissis id accadat, quod scriptum est, omnis ignorans ignorabitur; quod proculdubio erit his qui Dei præcepta, articulos Fidei, & reliqua religionis nostræ prima rudimenta ignorare inuenti fuerint; omnibus, & singulis Archipræsbyteris, Parochis, siue alijs animarum curam habentibus mandamus in virtute Spiritus sancti, & sanctæ obedientiæ, & sub poena vnius rotuli cære quoties contrafecerint, vt singulis diebus dominicis, & festiuis, per totum annum hora competenti, à prandio, vsq; ad vespervas, siue etiam post vespervas in proprijs Parochijs pueros, & puellas Doctrinam Christianam doceant, & omni diligentia studeant, vt addiscatur ab

illis,

illis, & memoria recitetur, inq; ea recitanda sæpius exerceantur, propositis etiam aliquibus puerilibus præmijs, vt emulentur, & hæc scire contendant, quæ oportet.

Cap. II.

Igitur cum audierint parentes, & alij Clericum campanam pulsantem per Parochiam, pueros, & puellas ad Doctrinam Christianam audiendam conuocare; gratias agentes Deo, qui proprijs natis occasionem salutis præbet, & ipsos tam grandi onere leuat, solliciti erunt illos ad Ecclesiam transmittere, adhibitis etiam minis, & verberibus, si eos accedere non viderint; nec eos docere negligant, quod indulgentiam ex huiusmodi exercitio ex Pij V. & Gregorij XIII. munere consequuntur. Nec solum parentes carnales hanc curam habere tenentur filiorum, verum etiam parentes spirituales, qui eos vel ex sacro fonte leuauerunt, vel coram Episcopo cum confirmarentur, tenuerunt.

Const. quæ incipit ex debito, & Gre. in Cōstit. illius qui.

DE HAERETICIS DETEGENDIS,

& libris prohibitis non legendis.

Tit. IV. Cap. I.

Illibata verò seruetur fides, cum vigilatur à nobis, & inimicus homo prohibetur, ne clam vt sui moris est, veniens, super bonum fidei semen zizania superfeminet. Vigilabunt igitur omnes, & si quos cognouerint viros leprosos, pestilentibus hæ-

B

resibus

Laudat hic Tit. in Lunolo Vincentini pag: 35..

resibus resperfos, & verba blasphemiae in fidem catholicam proferentes, statim ad nos deferent omni correctione postposita, idque sub excommunicationis latae sententiae poena, alijsque in sacris Canonibus contentis.

Cap. II.

Quia verò ut cancer serpit malae doctrinae venenum, id facient non solum cum hereticum hominem cognouerint, verum etiam cum diuinator, fortilegus, superstitiosus, magus, veneficus, incantator, & quicumque; alius huius generis perditus homo illis occurrerit, & praesertim si in thesauri scrutatorem offenderint, cum soliti sint huiusmodi à Fide catholica apostatare, cupiditate duce, quae omnium malorum radix est, ut inquit Apostolus.

1. Tim. 6. b.

Cap. III.

Magnum quidem est damnum, quod à prauis hominibus, ijsque infidelibus, verumtamen viuus, catholica fides patitur; sed nec minus contemnendum est, quod eidem infertur quotidie à mortuis; idque sit ex eorundem lectione, in quibus auctores curiosa sectantes, non modo necessaria omittunt, verum etiam perniciofa docent. Quamobrem omnes abstinebunt ab illorum librorum lectione, venditione, donatione, seu quauis distractione, qui in Romano indice, alijsque vel Apostolicis, vel deputatorum decretis prohibetur, idque

*Cōc. Trid.
Ses. 4. Const.
qua incip.
Dominicis
Gregis,*

sub

sub poenis, & censuris in Bulla sel. rec. Pij IV. alijsq;
contentis.

Cap. IV.

AT quia fieri facile potest, vt vel ex ipsius indi-
cis imperfecta notitia, vel ex modo quo vsu
recipitur, & obseruatur, multi, sed ignoranter pœ-
nes se libros prohibitos, vel suspensos habeant; om-
ni diligentia curandum nobis est, ne etiam hoc mo-
do superseminentur zizania; igitur à presentis Syno-
di publicatione post quindecim dies omnes quo-
modocumq; libros habentes, siuè non prohibitos,
eorundem indicem nobis præsentabunt, vel etiam
Vicario nostro; qui re nobiscum collata, si quos in-
uenerimus (quod absit) vel prohibitos, vel suspec-
tos, in eisdem remedijs opportunis animaduerte-
mus, si verò nihil offenderimus scandali, eosdem in-
dices manu nostra subscriptos, eorundem dominis
reddemus.

Cap. V.

HAeredes, vltimarumque voluntatum executo-
res quamprimum hæreditatē adepti fuerint,
intra quindecim omninò dies, inuentarium librorū,
quos inter alia bona repererint, facere, illudque no-
bis præsentare teneantur: nec sub excommunicatio-
nis pœna de huiusmodi libris quouis pacto dispo-
nant, nisi inuentario per nos, siuè à deputatis reco-
gnito, & approbato; fieri enim facile potest, vt ali-
quem librum prohibitum, vel suspensum, iuxta etiā

*In Indice
Pij IV.
Reg. 10.*

causa urgente, per superiores facta fuerit licentia legendi defuncto, quę tamen nullo iure transit ad heredes.

Cap. VI.

*Vbi supra,
& in eadē
reg.*

Bibliopolę, & alij librorum venditores, & qui etiam in sarcinulis de loco ad locum libros, & quasdam cantilenas, orationes, historias deferre solent, sub poena excommunicationis, & amissionis librorum in ipso ingressu Diöcesis, si illos vendere voluerint, teneantur Vicarijs foraneis quibus occurrerint, indicem integrum, & verum librorum quos deferunt, præsentare; qui statim per Diaconum aliquem siluestrem ad nos, siue deputatos illum approbandum transmittent; ante approbationem verò nullo pacto vendere audeant. Quod si ad ciuitatem pergere primo voluerint, ibique vendere, idem vicarius foraneus sigillo suo signabit capsas, sarcinulas, & alia in quibus libri continentur, & librorum dominum suis literis ad nos diriget.

Cap. VII.

CUm experimento compertum sit vagos quosdam homines, qui per Ciuitates, & loca discurrunt, & publicè in plateis, & vicis multa loquuntur, & obloquuntur, & nonnulla vendenda proponunt adiunctis quibusdam schedulis, & cartulis, siue etiam libellis, simplices viros, & mulieres superstiosa docere, & sæpe ea proponere, quę honestati, bonisque

bonisque moribus aduersantur; idcirco malo etiam huic, ut Fides Catholica illibata permaneat, occurrentes, sub eiectionis, & amissionis omnium eorum, quæ deferunt, poena, prohibemus, ne nobis inconsultis, & priusquam nobis exposuerint, & quæ proponunt, & quæ vendunt, vel scamnum ascendant publicè loquuturi, vel aliquid venale proponant.

*Concil.
Med. pri-
mum.*

DE SACRAMENTIS.

Tit. V. Cap. I.

QUæ à Sacrosancta Tridentina Synodo de Sacramentis diffinita, sancitaque fuerunt, toto corde suscipientes; aliqua tantum ad eorum usum spectantia, ut eisdem tanquam visibilibus signis Fidem Catholicam protestemur, & inuisibilis nobis conferatur gratia, subnectemus: cumque singula ex tribus consistant, materia scilicet, forma, & ministro incipientes, curabunt ea administraturi intentionem firmam habere faciendi semper, quod intendit Ecclesia, & ab omni simoniacæ prauitatis, seu etiam auaritiæ labe alieni, non modo gratis, verum etiam sine omni mercedis spe ea conferent petentibus, eo tantum contenti, quod vel ex sacrorum canonum concessione, vel ex veteri, & approbata consuetudine illis conceditur. Quæ verò Sacramenta Sacerdotem ministrum habent, ab eodem non nisi superpellicio, & stola induto (poenitentiae sacramento excepto) administrari debent, qui si peccati alicuius mortalis reum se esse senserit, ne illi acci-

Sess. 7. c. 1.

*Sess. eadem
can. 11. &
14 cap. 9. &
21. cap. 1. &
24 c. 1. 3. 14
& 17.*

2. Reg. 6. b. accidat, quod Oze aliàs euenisse legimus, vel peccatorum confessione, vel saltem contritione Deo se ipsum reconciliare studebit.

Cap. II.

Cōc. Trid.
Sess. 7. 13.
14.

MAterias providere curabunt singulis Sacramētis proprias, siue aqua illa sit, siue oleum, panis, aut vinum; nec de proprietate tantum, verum etiam, de qualitate materiarum solliciti erunt, vt sint mundæ, nitidæ, & ex melioribus, quæ haberi possunt; vt pote quæ sacris vsibus, & nostræ sanctificationi deseruire debent. Igitur ad sacrum Baptisma administrandum, aquam adhibebunt elementarem, & non aliam: pro sanctis oleis conficiendis oleum ex oliuis, & non seminibus, seu fructibus aliarum arborum deseruiet; & pro Sanctissimo Eucharistiæ Sacramento panis triticeus tantum, & vinum ex vua factum in materiam præparabitur.

Cap. III.

Locis ubi
sup. citatis.

DEmū Sacramenta administraturi formas proprias singulis, & non alias, nec sub alijs verbis proferent, quam ijs quæ in Sacerdotali, seu etiam Missali libro habentur expressè; & id præsertim curabunt, vt verba formarum proferant, cum lauant in baptisinate, vngunt in extrema vnctione &c. & semper quantum fieri potest illa materiebus coniungant, quas etiam fideliter memorię mandare curabunt,

rabunt, quatenus maiori facilitate, & promptitudine Sacramenta administrentur ab ipsis. Hactenus de Sacramentis in communi, nunc verò aliqua de singulis subiungemus.

DE BAPTISMATE.

Tit. VI. Cap. I.

A Baptismate verò incipientes, quod aliorum omnium est ianua, & sine quo reliqua conferri minime possunt, à proprio Parocho illud suscipient baptizandi: cum verò illud erit collaturus, stabit superpellicio indutus, & stola, habebitque candelam accensam in manibus vna cum ritualium libro, in quo leget quæ necessaria erunt. Hæc verò omnia obseruabuntur, nisi necessitas aliud postulauerit; tunc enim absente Parocho, per alium Sacerdotem, eoque deficiente per Diaconum, & successiue per alium Clericum, vel per virum, & deum per mulierem; nec non ubicunque conferri poterit, dummodo conferentes formam baptizandi calleant, quæ est; Ego te baptizo in nomine Patris, & Filij, & Spiritus sancti. Amen. Debitam materiam adhibeant, aquam scilicet simplicem, & elementarem, & omnino intentionem habeant facienti, quod facit Ecclesia: studeant etiam ita verba formæ proferre, dum abluunt baptizandum, vt semper coniungantur materiæ, & vno eodemque tempore manus abluendo, lingua proferendo verba, suum munus exercent.

*Cap. vniuers.
de presbyt.
non baptiz.
c. constit. de
Conf. dist. 4.
Cl. unica
de baptis.*

*Cap. in ne-
cessit. de
Conf. d. 4.*

*Conc. Tri-
dent. sess. 7.
cap. 2. & 4.*

Cap.

Cap. II.

Cap. i. de
Sac. nō ite-
randis, c. 1.
de Baptism.
& eius ef-
fectu.

Baptizandus infans infra octauum diem per ob-
stetricem, vel aliam personam prę foribus Ec-
clesiæ pręsentetur, nec vltra differri possit sine cul-
pa. Cum verò viderit Parochus ante se infantem,
si certo sciuerit illum domi per obstetricem, vel
aliam personam baptizatum fuisse, caueat ab eo re-
baptizando, sed tantum ommissas adimpleat solem-
nitates, nec etiam sub conditione baptizet, nisi con-
tingat eum dubitare de baptismo, an ritè collatum
fuerit. Nomen autem quod in baptismo renatis
imponitur vnicum tantum sit, siue simplici, siue
duplici dictione significetur, & quantum fieri po-
test Sanctorum tantum imponatur, vt eorum no-
mina suscipiant Christi fideles, quorum vitam imi-
tari debeat, & męrita apud altissimum eis suffragari
possit.

Cap. III.

Cap. quam-
uis de co-
gnat. spir.
& c. nō plu-
res de cons.
d. 4. Concil.
Trid. ses. 24
c. 2. de reso,

Cap. non li-
cet cum seq.
d. 4. ca. cum
excommuni-
cato 2. q. 3.

VT vnicum tantum nomen in baptismo fide-
libus est imponendum, ita ex pręscripto Sa-
crorum Canonum, nec non Sacrosancti Tridentini
Concilij vnus tantum vir, siue fœmina adhibeatur,
qui baptizatum de sacro fonte leuet; in gratiam ve-
rò parentum, si duos adesse voluerint, animaduertat
Parochus eos esse vnum virum, & vnā mulie-
rem, haud tamen duos, vel duas. Is verò qui hoc
munus est suscepturus non sit excommunicatus, pu-
blicè criminofus, infamis, interdictus, aut hereticus,
vel

vel qui tempore ab Ecclesia statuto Pœnitentiæ, & Sacrosanctæ Eucharistiæ Sacramenta non suscepit sit verò rudimentorum fidei non ignarus, ut potest qui ad docendum ea quem suscepit, se obligavit, quod suscipientibus omnibus significare debet Parochus. Regulares verò admitti nolumus absque superiorum suorum licentia, quam in scriptis ostendere teneantur.

*c. parvuli, de
confi. dist. 4.
& c. nos au-
tem omnia.
ibidem.*

Cap. IV.

Diligenter admoneant Parochi susceptores baptizati, eiusq; parentes inter eos cognitionem spiritualem contractam fuisse, videlicet inter suscipientem, & baptizatum, eiusdemque patrem, & matrem, item inter baptizantem, & baptizatū, nec non baptizati patrem, & matrem, quæ etiam in eisdem gradibus in confirmatione contrahitur; estque tanti momenti, ut non modo matrimonium impediat contrahendum, verum etiam contractum dirimat.

*Conc. Triā.
sess. 24. c. 2.
de ref. Pius
V. Gēst. quæ
incip. cum
illius.*

Cap. V.

VT verò baptizatorum omnium ætas, parentes, natales, spiritualis cognatio, aliaq; huiusmodi semper sciri possint, curabunt Parochi in libro ad hunc usum destinato, statim post collatum baptismum baptizati nomen, & cognomen describere, & insimul notare, legitimisnè natalibus sit ortus, & demum nomina eorum, qui eum de sacro fonte suscepunt.

*Conc. Triā.
ubi supr. de
ref. mar.*

*Cap. 1. de
Cnf. Euch.*

perunt. Monemus autem Parochos omnes, vt diligenter præfatum librum custodiant, & in inuentario bonorum Ecclesiæ inter alia mobilia connumerent, atque ad maiorem cautelam in visitationibus, vel in Synodo (cum habebitur) eius copiam Magistro actuario nostro consignent, reponendam ad futuram rei memoriam, in Archiuio Episcopali.

Cap. VI.

*Cap. in Sabbatho de
conf. d. 4.*

DE cetero in singulis nostræ Diocesis Parochijs aqua baptismalis quotannis Sabbatho Sæcto, & Penthecostes renouabitur, eidemque sacra olea Cathecumenorum. s. & Chrysmatis commiscebuntur, & hoc solemnî ritu benedicta, & consecrata in vasis æneis, & stanno linitis, quæ ad hunc vsum fieri mandauimus, & per singulas Parochias distribuimus, conseruabitur. Ipsa verò ænea vasa cum suis operculis intra vasa marmorea contineri volumus: & vt puluere, alijs quæ huiusmodi infici non possint; panno serico, vel laneo erunt cooperta; & vt non sint omnibus peruia, tegumento ligneo claudentur apposita clauæ, & pessulo, quæ semper erit pœnes ipsum parochum. In ipso verò fonte baptismali si commodè fieri poterit, vel in alio loco decenti, clauæ tamen obsignato, habebit parochus vasa duo argentea, vel stamnea cum suis inscriptionibus, in quibus sacrum Chrisma, oleumque Cathecumenorum asseruabit: aderit etiam tertium vas, vel vitreum, vel alterius honestæ materiæ ad caput baptizan-

*Cap. omnis
Prasby. vbi
sup.*

Cap. de Trinit. vbi sup.

tizan-

tizandi lauandum. Item sal exorcizatum, bombix, mappulæ, candela benedicta, & alia, quæ cum sacrum baptisma datur, sunt oportuna. Si verò propè baptismi fontem aderit sacrarium, in eo effundet baptismalem aquam, quæ ex baptizandi capite defluet, nec non & lotionem manuum suarum, sed si sacrarium longè à fonte situm erit, hæc omnia in vase aliquo mundo recipiet, effundenda suo tempore in sacrario. Caueant verò diligenter ne cuiquam aquam, olea, sal, & reliqua superius dicta præbeant, ne uè à quopiam ea asportari sinant sub excommunicationis poena, & alijs nostro arbitrio infligendis.

Cap. VII.

Perperæ cum primum valuerint, Ecclesiam adire curabunt, tum acturæ Deo gratias de prole suscepta, tum ut Sacerdotalem benedictionem accipiant. Et si non dum monitæ fuerint, monentur sub grauissimis poenis fuisse mandatum, ne infantes ante decimum octauum mensem completum secum in lecto retineant, idque ob suffocationis periculum, quam sepe numero etiam præter omnem intentionem parentum accidisse compertum est.

*Cap. vii. de
purgation.
partur.*

*Cap de in-
famibus, de
his qui fil.
occi.*

DE CONFIRMATIONE.

Tit. VII. Cap. I.

Sanctum Confirmationis Sacramentum ut à digniori confertur ministro, ita & baptismo quodam-

*Cap. de his
& sequ. de
conf. dist. 3.*

*Conc. Trid.
Sess. 7. c. 3. de
confirm. &
Sess. 23. c. 7.
de sacr. or-
dinis.*

quodammodo nobilius esse nemo est, qui ambigat; sed licet non tantæ necessitatis, sicut baptismus, haud tamen contemnendum est fidelibus, siquidem in eo sicut & in cunctis alijs, nedum confertur gratia, verum etiam specialis quædam gratia nobis datur ad confirmanda corda nostra, ut palam Christi nomen, fidemque profiteamur, & tanto Spiritus sancti muniti præsidio, contra diaboli regnum totis viribus dimicare possimus. Nullus igitur ex fidelibus, vel per negligentiam illud suscipere omitat, vel usque ad ultimam differat senectutem, sed qua ætate ab Ecclesia statutum est, à fidelibus omnibus suscipiatur.

*Pont. Rom.
c. de consi.*

Cap. II.

*Conc. Trid.
ubi supra
Sess. 7.*

Igitur Parochi curabunt ne coram Episcopo, qui solus est huius Sacramenti minister, cum ipsum conferre contigerit, statuatur confirmandi minores septennio, & qui orationem dominicam, & articulos Fidei recitare nesciant, & sicut docendi sunt parentes, ne filios, (ut præfatum est,) minores offerant: ita monendi sunt ne ultra duodecimum annum, vel ad summum quintumdecimum eos differre faciant. sic enim fiet ut eos non pudeat grandiam ætate confirmari, & ob id sine hoc Sacramento ab hac vita migrare, vel ea de causa, quod non recordantur se confirmatos fuisse, coram Episcopo iterum sisti. Sacramentum si quidem istud irreiterabile est, & absque sacrilegio suscipi iterum minime potest.

*Cap. distū,
& sequ. de
cons. dist. 5.*

Cap.

Cap. III.

Quia verò in confirmatione, sicut & in baptis-
mate cognatio contrahitur spiritualis, quæ
non solum matrimonio contrahendo est
impedimento, verùm etiam & contractum dirimit:
ne per ignorantiam aliquem errare contingat, man-
damus, ut cum à nobis, siue in ciuitate, siue per di-
uersa diocesis loca hoc Sacramentum administra-
bitur, adsint non solum Curie nostræ Actuarij, qui
confirmandorum, & eos tenentium nomina, & co-
gnomina conscribant; verum etiam Parochi ipsi in-
tersint, ut nomina eorum describant, qui propriæ
ipsorum Parochiæ sunt adscripti.

*Conc. Trid.
Sess. 24. c. 24
de ref. mat.*

Cap. IV.

Nullus fidelium à pluribus quàm vno, vel vna
teneatur, sicut de baptismo dictum est; ab
hoc autem pietatis officio arcendi sunt proprii pa-
rentes, infideles omnes, qui non sunt confirmati, &
qui censuris Ecclesiasticis sunt innodati, & reliqui
alij, qui superius de sacro fonte leuare prohibiti sunt.
Tenentes verò, ut potè qui onus suscipiunt, confir-
matis rudimenta fidei docere, diligenter attendant,
ut ipsi sciant, quod, alios docturi sunt. Cum autem
confirmandum sistere debent coram Episcopo, ac-
cedant reuerenter capite detecto, & si fuerit infans,
ipsum habeant in brachio dextero, si autem adul-
tus, & grandæuus, eum stantem Episcopo offerant,
tenen-

*Conc. Trid.
ubi sup. &
locis supra
citatis: de
bapt. c. 3.*

*Pont. Rôm.
in c. de con-
firm.*

tenentes matrum ipsius dexteram, pedemque item dexterum confirmandi superpositum habeant pedum dextero. Cum autem confirmatus fuerit, deferant coram aliquo ex præsbyteris, à quo fascia cum bombice (quam confirmandi omnes deferre debent) supposito in fronte ligetur, quæ ante quatuor horas nec solvatur, nec ab alijs, quam Sacerdotibus solui debeat, quorum etiam sit, frontes confirmatorum lauare, bombicem comburere, & vnà cum cineribus, & ablutione in sacrarium proijcere.

*Cap. si quis
voluerit,
glo. de conf.
dist. 4.*

DE SANTISSIMO EVCHARISTIAE SACRAMENTO.

Tit. VIII. Cap. I.

*Conc. Trid.
Sess. 13. c. 1.
2. 3.*

3 q. 73. 2. b.

Iob. 6. d.

Psal. 110. b.

Sacrofanctæ Eucharistiæ Sacramentum omnibus alijs dignius, ac nobilius esse credendum est; vt potè quod non solum rei sacræ est signum, & gratiam, quam significat in semetipso continet, & fidelibus confert; quemadmodum omnia alia Sacramenta faciunt, verum etiam ipsum gratiæ auctorem Iesum Christum Dominum nostrum realiter continet. Quo factum est, vt Sanctus Thomas docere non sit veritus, in ipso tria reperiri, rem scilicet; Sacramentum; & demum tertio, id quod res est, & Sacramentum. Hoc, quod cibus est spiritualis interioris hominis, pascimur, & cibamur omnes fideles in Christo renati, vt verum sit quod regius Prophetæ dixit, Memoriam fecit mirabilium suorum misericors, & miserator dominus, escam dedic-
tamen-

timentibus se. Estq; etiam ipsum necessitatis Christo domino nostro eius auctore asserente, nisi manducaueritis carnem filij hominis, & biberitis eius sanguinem, non habebitis vitam in vobis. Quamobrem consulte satis pia Mater Ecclesia præcepit omnibus, vt cum ad annos discretionis peruenerint, semel in anno hoc Sacramentum suscipiant, quod præceptum absque mortali culpa transgredi nemo potest. Doceant igitur Parochi subditos suos, vt non modo illud omni qua decet reuerentia venerantur; verum etiam ad illud suscipiendum diligenter se præparent, vt spiritali hoc cibo nutriti, eiusdem fructus, qui diuini sunt, consequi possint.

Iob. 6 f.

*Cap. omnis
de panis &
remissio.*

Cap. II.

IN Cathedrale nostra, omnibusque Archipresbyteralibus, & Parochialibus Diocesis Ecclesijs Sanctissimum hoc Sacramentum in tabernaculis lapideis, vel ligneis diligenter, & fideliter asseruabitur, sera, & claue adhibitis, quæ poenes ipsos Archipresbyteros, vel Parochos, seu Capellanos erit, & de cetero sub poena vigintiquinque rotulorum cere eam non relinquent super altare, aut alijs in locis ex quibus Laici, vel alij eam accipere possint, vt vel ea vtantur, seu aliquid temerarium attentare præsumant. Tabernacula verò erunt auro ornata, vel depicta, & serico conopæo iuxta temporum qualitatem cooperta; intrà ipsa tabernacula erit corporale mundum extensum, atque etiam in interioribus, & su-

*Cap. sac. de
celeb. Mis-
sarum, c. 1. de
cust. Eucha.
c. Præb. de
conf. dist. 2.
Conc. Trid.
sess. 13 c. 6.*

& superioribus partibus erunt panno serico, vel alterius honestæ materiæ ornata; aderit quoque pixis aurea, aut argentea, vel si ænea, auro tamen linita, & intra quam corporali extenso particulæ conseruabuntur, eritque, & ipsa operculo eiusdem materiæ munita, & sericis tentoriolis cooperta. In eodem tabernaculo nec reliquiæ Sanctorum, nec olea sancta, aut quoduis aliud custodiatur; sed tantummodo pixis, in qua Sanctissimum Sacramentum continetur; & curabunt Parochi, vt ante ipsa tabernacula, vna, vel plures lampades accensæ pro locorum qualitate colluceant; vtiq; de quindena in quindenam ad summum particulæ consecratæ renouentur, omnemque diligentiam adhibeant sub pœnis in Sacris Canonibus contentis, ne mures, tineæ, vermes, & alia huiusmodi aliquam ex particulis corrodent, & consumant, vel per quamuis negligentiam aliquid tanti Sacramenti depereat.

*Cap. sancti
de celebrat.
Missarū, &
c. 1. de cust.
Euch.*

Cap. III.

Altare super quod Sanctissimum Sacramentum conseruatur, decet, vt sit omnibus alijs magis ornatum, mundum, & nitidum. Quamobrem præsto sit bursa cum corporali, quod cum administrari debet Sacramentum, super ipsum extendatur; item purificatorium ad abstergendos digitos Sacerdotis, duo saltem candelabra cum candelis, & ante ipsum Altare duo, vel saltem vnum candelabrum magnum cum intortitio, quod cum candelis pro oportunitate accen-

accendi possit : Aderunt etiam ampullæ vini, & aquæ, & cyathi christallini, vel alterius decentis materiæ ad ablutionem laicis porrigendam ; nec non, & calix, in quo ablutio digitorum Sacerdotis hoc Sacramentum administrantis recipi possit, & tobaleæ ante pectus suscipientium extendendæ. Sacerdos verò cum hoc Sacramentum dare debebit fidelibus, erit superpellicio indutus, & stola, habebitque poenes se ministrum superpellicio similiter indutum, nec illud ministrabit nisi in Altari fidelibus ante, se genuflexis, & capitibus denudatis, oculisque demissis illud adorantibus, & fumentibus.

*Cap. sanc.
de celebr.
Missarū.*

Cap. IV.

DOceant sæpè Curati Parochiales suos panem hunc supersubstantialem quotidianum esse, & quotidie sumendum ab his qui quotidie peccant, & si non quotidie, Dominicis tamen diebus, vel singulis mensibus, vel in præcipuis festiuitatibus, & præsertim Ciuitatis, vel loci patroni, (vt sancti Patres, sacraque concilia docuerunt) sed omnino saltem, & ad minus semel in anno, ex Ecclesiæ præcepto illud suscipere non omittant, nisi velint Ecclesiasticis carere liminibus, & in morte etiam sepultura, idque in Paschate, & toto tempore, quod Paschale dicitur, videlicet à Dominica Palmarum, vsque ad octauam resurrectionis Christi inclusiue. Qui verò in dicto tempore ad hanc mensam non accesserint; vel sine proprii Parochi licentia absti-

*S. Aug. ser.
28. de Ver.
Domin. 10.
10. S. Amb.
lib. 4. de Sa-
cram. cap. 6
10. 4. S. Aug.
lib. de Escl.
dogm. c. 53.
tom 3. c. 51.
non frequen-
tius de con-
sec. distin. 2.
Innoc. ii. in
Concil. Lat.
can. 21.
Cap. omnis
de penit. &
remissio.*

D

nue.

nuerint, notentur, & eorum nomina quam primum ad nos transmittantur; vt oportunis adhibitis remedijs, vel Ecclesiæ præceptis obtemperent, vel ex Sacrorum Canonum dispositione tanquam inobedientes interdican- tur, alijsque pœnis innodentur.

Vt verò hæc facilius obseruari possint, non admittant Parochi excusationes dicentium se alibi confessos, & communicatos fuisse, etiam quod ex licentia nostra id fecisse asserant, nisi eam in scriptis manu nostra, & sigillo obsignatam ostenderint. Nec etiam si aliquibus itineris faciendi causa licentiam concesserint, vt in locis, in quibus tunc temporis fuerint, hoc Sacramento reficiantur id eos fecisse credant, nisi fidem confessarij, & Sacerdotis, qui Sacramenta administravit, ostenderint; cum experimento compertum sit, inobedientes filios hanc ad inuenisse artem dicendi se alijs in locis Sacramenta suscepisse, ad euitandas Ecclesiasticas pœnas. Doceant etiam sacramentalem Confessionem præcedere debere Sacramenti sumptionem ad se ipsos bene probandos, & de pane cœlesti ædendum, quemadmodum Apostolus dixit, & Sacrosanctum Concilium Tridentinum exposuit.

1. Cor. 11. f.

Ses. 13. can.
10.

Cap. V.

Matth. 15.
6.

Q Via verò panis filiorum minimè dandus est canibus, vt pia mater Ecclesia hortatur, filios omnes ad hanc mensam patris accedere; ita & arcet eos, qui inter canes merito computantur.

Quare

Quare hæreticos, excommunicatos, vsurarios, & concubenarios publicos, infames, & reliquos huius generis perditissimos homines omnino ab hac Domini mensa excludant Parochi, nec eis tantum Sacramentum administrare præsumant; nec illis credant cum dicunt quòd ab alijs confessarijs absolutionis beneficium consecuti fuerint, nisi in scriptis de eo docuerint, & poenitentię signa, peccati statum omnino relinquendo, ostenderint. Pueros ante plenum rationis vsum, & quod cognouerint differentiam, esse inter panem mensæ Christi, & mensæ communis, non admittant: nec amentes, aut à dæmonibus obsessos, nisi cum lucida patiuntur intervalla, aut non semper à dæmonibus vexantur, & quòd de eis timendum non sit, quòd vel Sacramentum euomant, vel aliquid indignum faciant.

S. Cypr. lib. 2. Epist. 10. in princip. S. Aug. lib. de medic. poen. c. 3. t. 9.

Cõc. Carth. 3 can. 35. c. non prohibeat de Cõf. dist. 2. c. nulli de conse. dist. 4. Cõc. Arausi. si can. 3. & habetur c. qui recedunt de Cõf. dist. 2.

Cap. VI.

INfirmis hoc Sacramentum non solum non est denegandum, verum ad proprias ipsorum domos per Parochos est deferendum, & si ex ea qua laborant agitudine decedere timent, illis non modo in cibum, sed etiam in viaticum, quo maximum iter peragraturi labores omnes sustinere possint est præbendum. Sed consultius omnibus erit, si ex præscripto constitutionis Pij V. san. mem. Medici post triduum non visitabunt infirmos, nisi fuerint poenitentiae Sacramento purgati, & sancto hoc pane refecti. Cum igitur Sacerdos communicaturus

Cõc. Trid. sess. 13. c. 6. de Sacram. Euch. & locis ibi citatis.

Incipit sup. gregem.

erit infirmum, ipso prius visitato diligenter inquireret, an impedimento aliquo laboret, quo suscipere nequeat Sacramentum, ut potè quod de euomitio-
 ne timeat, vel fauces, seu guttur habeat infectum, ut deglutire non possit, & nisi magna urgente necessitate non communicetur infirmus, qui non sit ieiunus; quo casu etiam animaduertere debet Parochus tale tempus eligere, quod non oporteat, vel nocte, vel horis alijs pomeridianis Sacramentum deferre, præterquam necessitate urgente, ut dictum est. In domo verò in quam deferendum erit, curabit paruum componi Altare cum sacra Imagine, & luminibus, ad Sanctissimum Sacramentum reponendum, & monebit omnes, ut qua maiori possunt munditia, etiam exteriori, Dominum vniuersorum recipiant. His peractis facto signo cum campana, confratres, & alios conuocabit ad Sanctissimum Sacramentum associandum, & omnibus necessarijs præparatis, videlicet umbella, siue baldacchino, luminaribus, lanterna, tintinnabulo, libro, aspersorio, corporali cum sua bursa, ipse cocta indutus, & stola, nec non pluiali, cum in ciuitate, vel locis insignioribus erit, pixidem vtraque manu suscipiens, procedit sub baldacchino, & à deferentibus intortitia associatus, & capite denudato, oculisque demissis, qua maiori poterit corporis compositione incedet, & domum infirmi ingressus, his omnibus adhibitis ceremonijs, quæ in Sacerdotali libro habentur, illum sacro hoc vatico reficiet: cuius etiam si opus, fuerit prius confessionem audiat, & saluari imposi-
 ta poe.

ta poenitētia absoluat, si autem dum domi erit communicaturus infirmum, nouum aliquid id impediēs superuenerit, eo casu tantummodo adorādum præbeat Sanctissimum Sacramentum. Infirmo communicato, eodem quo venerat ordine reuertatur ad Ecclesiam, & ante aram Sanctissimi Sacramenti, dicto confiteor, & facta absolutione publicet indulgentias, populumque sacra pixide benedicat, quam tandem suo loco reponat. Animaduertat verò ne Sacramentum delaturus, vel tabernaculum vacuum particulis relinquat, vel vnā tantum secum deferat, sed in alia parua pixide argentea, vel alterius honestæ materiæ alias particulas in tabernaculo relinquat, & duas ad minus secum portet, vnā pro infirmo cōmunicando, alteram reportandam ad Ecclesiā, cum reuertitur infirmo communicato. Si verò per loca inuia, & ferè inaccessa eum pergere contigerit, vt sunt in hac Diocesi Præacordis, Potamiæ, & huiusmodi alia, vel etiam in locis à parochialibus per vnum, vel duo milliaria distantibus: eo casu vnicam tantum deferat hostiam, & communicato infirmo faciat absolutionem, & publicet Indulgentias, atque extinctis luminibus, deposita stola, & cocta sine tintinnabuli sonitu ad Ecclesiam, vel domum suam, reuertatur.

Cap. VII.

CUm Dioecesim hanc nostram lustraremus, admodum gauisi sumus, quòd in omnibus locis
San-

Sanctissimi Sacramenti capellas decenter, & oportune ornatas vidimus, & ipsarum curam habere cognouimus confratres, & societates, quæ ferè omnes Archiconfraternitatibus Sanctissimi Sacramenti de Vrbe ad gratias, & Indulgentias consequendas à Summis Pontificibus concessas, sunt aggregatæ. Vt verò quòd laudabiliter est inchoatum, & à multis iam peractum, sequantur, & amplexentur omnes, curabunt Parochi, & Capellani locorum quàmprimùm erigere ubi non sunt societates, & illas aggregare Romæ; quod etiam curabunt facere illi, apud quos sunt erectæ, & non dum aggregatæ. Confratrum verò, & consororum societatis peculiare munus erit Sanctissimum Sacramentum associare, cum ad infirmos deferatur, & singulis cuiusq; mensis tertijs diebus dominicis ad Ecclesiam conuenire, Missæ adesse, Sanctissimumque Corpus Christi cum cereis, & faculis accensis comitari, cum in processione vel per Ecclesiam, vel per eius ambitum deferatur; alijsque pietatis operibus vacare, quæ ex Archiconfraternitatis, cui sunt aggregatæ capitulis, sunt præscriptæ.

DE SACRAMENTO POENITENTIAE

Tit. IX. Cap. I.

*Super illud
Esa. 3. peccatum suum
Eccl. 10. 5.*

Poenitentia, quæ Sancto Hieronymo id affirmante, secunda est post naufragium tabula; & ipsa vnum est ex septem Ecclesiæ Sacramentis, ad remittenda peccata post baptismum commissa, institutum.

tutum. Hoc docuit Saluator noster cum dixit Apostolis; Quorum remiseritis peccata, remittuntur eis, & quorum retinueritis, retenta sunt: quod hac etiam de causa credere debemus, quod scriptum est, nisi poenitentiam egeritis, omnes pariter peribitis. Eius tres sunt integrales partes, scilicet cordis contritio, oris confessio, & operis satisfactio. Et sicut cætera Sacramenta proprio gaudent ministro, materia, & forma, ita & ipsa Sacerdotem habet ministrum; materiam actus, & opera poenitentis, contritionem scilicet, confessionem, & satisfactionem; formam demum ea verba, scilicet, ego absoluo te; quæ licet diuersis sint formulis, antecedentibusq; & subsequētib; verbis expressa, animaduertere tamen debet Sacerdos absoluens, vt ea semper proferat nullis alijs interpositis verbis (vt plerique faciunt) sed vel præcedant, vel subsequantur alia verba, semper eadem oratione nō interrupta dicere debet, ego absoluo te.

*Conc. Trid.
Sess. 6. c. 14.
et Sess. 24. c.
1. lo. 20. e.*

hic 13. a

Sess. 14. c. 3.

Cap. II.

Licet verò, vt dictum est, Sacerdos sit tanti Sacramenti minister, & quilibet cum sacro Sacerdotali caractere insignitur hac inter alias potestate polleat: nihilominus quia non omnes Sacerdotes, vt habent potestatem ordinis, ita gaudent iurisdictione; ideo sanctè decretum est non omnes Sacerdotes absoluendi facultatem habere nisi ordinariam, aut delegatam habeant iurisdictionem, aut ab habente potestatem, hæc illis facta sit facultas; quod non

*Conc. Trid.
Sess. 14. c. 7.
et Sess. 23. c. 6.
15. de ref.*

*de sep̃ cap.
omnis de
Clem. dudū
S. ac deinde
p̃en. & re-
miss. Cap. si
Ep̃s. de
p̃en. in 6.*

non modo pro sæcularibus, sed etiam pro regularibus Sacerdotibus verum est, tametsi multis gaudeant priuilegijs, sic enim Sacri Canones, & demum sacrosancta Tridentina Synodus sanxerunt. Estque admodum rationi consentaneum; vt in hoc spirituali iudicio animæ in subditos feratur sententia, ne frustra absoluantur, seu ligentur. Igitur in Diœcesi nostra absque licentia à nobis in scriptis habita, & approbatione præcedente, nullus sacras confessiones audire audeat, sub pœnis tanta præsumptione condignis. Concedimus verò Parochis, vt de proprijs Parochi licentia, eorum qui alterius sunt Parochiæ, confessiones audire possint: eosque pro potestate quam habent absolvere, salutaribus pœnitentijs impositis.

Cap. III.

Sicut nō omnes Sacerdotes potestate iurisdictionis gaudent, ita ex Sacerdotibus, qui aliorū curam habent, vel ad audiendas confessiones exponuntur non vtique possunt ab omnibus quibuscunq; criminibus commissis peccatores absolvere; sed sanctissimo consilio factum est, & vsu receptum, quod grauiora quædam crimina à summis, & maioribus tantum sacerdotibus absoluantur. Vt igitur Romanus Pontifex, qui vniuersali Ecclesiæ præest, multos sibi casus, & absolutiones reseruat: ita & Episcopi hoc idem in suis Diœcesibus faciunt, & ab his inferiores Sacerdotes absolvere minime possunt, nec etiam suorum priuilegiorum virtute, si sint regulares,


*Cap. si quis
suadente 17
q. 4. cap. ita
quorundam
de iud. c. cō-
quaste de
sent. ex cō-
mun. Conc.
Trid. Sess.
14. c. 7.*

res, sic enim sacra Cardinalium Congregatio, Sacrosancti Tridentini Concilij locis declarandis præfecta Illustrissimo bon. mem. Carolo Bonrhomeo Sanctæ Praxedis Præsbytero Cardinali rescribens, literis ad eum directis censuit. Tenor autem literarum est, qui sequitur. *A tergo Illustrissimo, & Reuerendissimo Domino, Domino meo obseruandissimo. Domino Cardinali Bonrhomeo, intus vero. Illustrissime, & Reuerendissime Domine.* Cum à Sacra Congregatione Cardinalium, qui præpositi sunt Decretis Concilij Tridentini interpretandis. Illustrissima Amplitudo tua quæstuerit, an regulares ex priuilegijs à Sede Apostolica impetratis, præsertim autem ex eo, quod nominant Mare magnum, possint in ijs casibus, quos sibi Episcopus reseruauit absoluerе consistentes, hæc de re ubi congregatio accuratè egisset, deinde ad sanctissimum Dominum nostrum retulisset, illius sanctitas etiam de sententia Congregationis censuit, ex facultatibus per hoc Mare magnum, aliaue priuilegia regularibus concessa, factam eis non esse potestatem absoluedi in casibus sibi ab Episcopo reseruatis. Deus Illustrissimæ. Amplitudini tuæ perpetuam vitam tranquillitatem, & incolumitatem largiatur. Roma die 10. Septembris M. D. LXXII. Illustrissimæ, & Reuerendissimæ Amplitudinis tuæ, humilissimus seruus, Philippus Bõcompagnus Cardinalis Sancti Sixti, Ne vero contingat Sacerdotes per ignorantiam absoluerе à quibus non possunt casibus, seu censuris, de cætero in sedibus confessionalibus, non solum affixa habebunt exemplaria Bullæ Cœnæ Domini:

verum etiam casuum, qui à nobis reservantur. ij autem sunt infra scripti.

Casus Reservati.


- 1 **N**on soluentes decimas.
- 2 Periuri in iudicio, vel actu publico.
- 3 Abutentes chrismate, oleo sancto, Eucharistia, aut alia re sacra ad alium usum, quam fuerint ordinata.
- 4 Homicidium voluntarium.
- 5 Procurantes abortum cum effectu, seu sterilitatem.
- 6 Opprimentes filios ex proposito, vel ex casu.
- 7 Incestum committentes in primo, vel secundo gradu.
- 8 Concubinarij publici tam clerici, quam laici, & eorum concubinæ.
- 9 Sodomitæ, vel coeuntes cum brutis.
- 10 Committentes furtum quibuscunque in rebus ad Missæ sacrificium, vel diuinum cultum pertinentibus.
- 11 Mutantes terminos possessionum quarumvis Ecclesiarum.
- 12 Notarij, & Actuarij, qui dolose diminutam informationem capiunt, vel dicta testium omnia non scribunt.
- 13 Percussores parentum.



Cap. IV.

Saeculares Sacerdotes cum ad audiendas Confessiones à nobis approbantur, caueant terminos transgredi ipsis in facultate præfinitos, quare in ijs tantum locis eas audiant, in quibus est eis data facultas, & his temporibus, quæ à nobis sunt expressa. Regularibus verò cum approbati fuerint, concedimus vt ex suorum priuilegiorum gratia omnium, & quarumcunque personarum Dioecesis, præterquam Sanctimonialium; nec non omni tempore, etiam Paschatis, & in articulo mortis confessiones audiant. Caueant tamen tam illi, quam etiam isti à casibus, & censuris reseruatis absoluerè, nisi velint ex concilij Viennensis decreto in excommunicationis sententiam incidere Romano Pontifici reseruata. Cum verò vigore iubilæi, vel aliarum similium facultatum, Sacerdotes expositos, & approbatos poenitentes absoluerè contigerit, diligenter aduertant verba in rescripto Apostolico contenta, vt non nisi concessa vtantur potestate, cum in absoluendis peccatoribus à censuris, & casibus, tum in commutandis votis, nec quouis pacto irregularitatibus dispensandis se interponant, nisi specialiter, & verbis clavis, & expressis eis facta fuerit dispensandi facultas.

*Clem. II.
de Priuilegijs.*



DEcet Sacerdotes, & præsertim curatos omni honore hoc Sacramentū administrare. Quare cum frequēs esse solet numerus poenitentium, superpellicio, & stola induti in suis sedibus sedebunt, (haud tamen cum virga in manibus, eā etenim poenitentiario excepto neminem uti volumus;) & cum mulierum confessiones audierint, maioris etiam totius corporis compositione se muniant. Caueant igitur ab illis audiendis in locis remotioribus, & magis secretis; sed ea eligent loca, quæ omnibus sint conspicua, in quibus tamen à nemine audiri possint, similiter nolumus mulierum confessiones extra necessitatis casum, præterquam in Ecclesijs audiri, & quantum ad temporis conditionem attinet, omnino prohibemus ne ante solis ortum, vel etiam post eiusdem occasum illas audiant, etiam in Ecclesijs, sub poenis arbitrio nostro infligendis. Sedes pro confessionibus audiendis habebunt ligneas, & quæ tabulato intermedio separent personas poenitentium ab ipsis; & in tabulato crates erunt ferreæ, vel ligneæ, cū ad facilius quæ dicuntur, audienda, tum ad personas accedentes cognoscendas. Si verò contigerit Sacerdotem confessiones audientem, aliquem ex confitentibus non absolueret, ex eo quod potestatem nō habet, vel quod poenitens dispositione caret, ne ab alijs circumstantibus id cognoscatur, curabit Sacerdos ea adhibere exteriora signa, quæ alijs cum absoluuntur adhiberi solent, atque etiam cum poenitentibus minime

nime altercari, seu indignantis, vel displicentis animi
signa aliqua ostendere.

Cap. VI.

OMnis vtriusque sexus fidelis cum ad annos discretionis peruenit, curabit semel in anno, & saltem in Paschate peccata sua proprio confiteri Sacerdoti, sub poenis superius cum de sacra Communione ageretur expressis. Verum ut quo decet spiritu, huic sanctissimo subiiciantur iudicio, hortamur omnes, ut recogitantes, in amaritudine animæ suæ anteaactæ vitæ dies corde contrito, & humili, nec non demissis oculis, & quæ possunt poenitentis animi signa ostendendo, ad pedes Sacerdotis procumbant. Sacerdotis vero erit eos docere, ut signo sanctissimæ Crucis se muniant, & dicto (prout sciunt, & possunt confiteor, propria peccata cum suis circumstantijs explicent; eis etiam considerata qualitate personarum, auxilio esse debet ad explicanda, & distinguenda, nec non etiam in memoriam reducenda peccata, & eos pro personarum qualitate mone-
re, ut de præteritis doleant, & in futurum à peccando abstineant; demum illos absoluerè à censuris prius (si oportet,) postea verò à peccatis, & salutari imposita poenitentia dimittere. In poenitentijs verò iniungendis animaduertant non omnia medicamenta omnes infirmitates curare posse, sed alia alijs adhiberi solita remedia, quare ea imponent opera facienda, quæ sunt animi ægritudinibus conuenientia,

*Cap. omnis
de Pœn. &
remis.*

&

*Sess 14. c. 3.
 & 8. de Sa-
 cram. pœn.*

& quibus non solum de male acta vita poenam te-
 nere possint, verum etiam, & futuræ rationem ha-
 bere, & proximo cum oportet satisfacere. In impo-
 nendis verò poenitentijs, persolutionis eleemosina-
 rum, & Missarum, ab omni auaritiæ suspitione caue-
 bunt; quare vel locis pijs applicandas imponent, vel
 in communi capsâ eleemosynas pro Missis recipiât.

Cap. VII.

*Clem. uni-
 ca de pœn.
 §. ultimo.*

IN audiendis ægrotantium confessionibus Sacer-
 dotes tam sæculares, quàm regulares caueant il-
 lis molesti esse de sepultura eligenda, & multo ma-
 gis vt promissionibus, seu iuramento se obligent, id-
 que sub poenis in iure expressis. Similiter abstineant
 à testatorum, seu legatorum etiam ad causas pias di-
 spositione, sed tantum salutarî consilio, & monitis
 ipsos, prout oportet, adiuent, & licet in articulo
 mortis possint poenitentes ab omnibus censuris ab-
 soluere; sciant tamen nullo modo se inter ponere
 debere incertorum restitutioni, vel alijs huiusmodi,
 quæ nobis iure ordinario sunt reseruata. In Villulis
 verò, & Pagis, in quibus haud potest præsto esse no-
 tarius, & qui ad testamenta conficienda sunt neces-
 sarij, Sacerdos, vt cum contigerit, fidem facere pos-
 sit de infirmi testamento, & præsertim legatis pijs,
 eius vltimam voluntatem in scriptis recipere cura-
 bit, & saltem coram quinque testibus, quorum no-
 mina vel subscribi faciet, vel cum nescierint scribere
 signo Crucis, ipsimet obsignabunt, vt moris est.

*Conc. Trid.
 Sess. 14. c. 7.
 de Sacram.
 Pœnit.
 Cap. pasto-
 ralis, §. præ-
 terea de off.
 ord. ca. 2. de
 pœn. & re-
 missin 6. &
 ibi glos. in
 verbo re-
 seruati.*

DE

DE SACRAMENTO EXTREMÆ
Vnctionis. Tit. X. Cap. I

Infirmatur quis in vobis, inducat præsbyteros Ecclesiæ, qui orent super eum, & vngant vunctione misericordiæ, & oratio iusti alleuiabit infirmum. His verbis Sanctus Iacobus Apostolus commendat, hortaturque fideles ad suscipiendum extremæ vunctionis Sacramentum: quod proculdubio sicut reliqua à pijsimo illo samaritano, qui homini sauciato obuias, vt ipsi mederetur, super eius vulnera, oleum effudit; & vinum institutum est ad peccati reliquias tollendas, gratiamque conferendam, & augendam, vt callidissimo hosti qui totis viribus insidiari conatur calcaneo nostro, eo maiori virtute resistamus, quod minora iura, debilioraque, peccati etiam reliquijs deletis, in nobis habere dignoscitur. Hoc sicut & reliqua tribus constare fatemur, agente, seu ministro qui proprius est Parochus, vel cui vices suas commiserit, materia, oleum scilicet ab Episcopo feria quinta maioris hebdomadæ solemniter benedictum, & forma, verba illa, per istam vunctionem &c. quæ in Rituali Romano habentur, & ad singulas vunctiones proferuntur. Estque ex his Sacramentis quæ reiterari possunt: quare si infirmi post susceptam hanc vunctionem conualuerint, iterum huius Sacramenti subsidio iunari poterunt, cum in aliud simile vitæ discrimen inciderint.

Iac. 5. c.

Cap. præsbi.
95. dis. c. 1.
§. 1. de Sa-
cram. Vnct.
Conc. Trid.
Sess. 14. c. 1.
de Sacram.
extr. vnct.
c. 2.

Gen. 3.

Conc. Trid.
ubi sup. c. 3.

Cap.

Cap. II.

*Vbi sup.**Cap. de ext.
unct.*

Igitur Parochus, vel cui id commiserit, siue his
absentibus, si pro temporis mora periculum
infirmi imminet, vt sine hac sancta vnctione dece-
dat, quilibet alius Sacerdos ritè ordinatus hoc Sa-
cramentum administrabit, eritque superpellicio, &
stola indutus, secumque habebit, si fieri commodè
poterit alios Sacerdotes, seu Clericos, qui ipsum in
ministerio, & præcibus, quæ dicuntur, adiuuent: ea
verò omnia circa infirmum inungendum, siue vir
sit, siue foemina: obseruabit quæ in libro rituali ha-
bentur. Curabit insuper diligenter animaduertere
progressus infirmi, vt si fieri potest petat inungi, &
hoc Sacramento muniri: & tanto temporis interual-
lo præcedat vnctio, vt ea completa adhuc superui-
uat, quòd si dum Sacramentum confert, infirmum
mori contigerit, statim ab vnctione prosequenda
abstineat, si verò, vt sæpe accidere solet, in dubio est
an decesserit, an adhuc viuatur, tunc hac conditione
apposita, si es viuus per istam vnctionem &c. adim-
pleat ministerium suum. Fieri etiam potest, vt er-
rore deceptus Sacerdos vno pro alio vtatur oleo,
puta chrismatis, vel cathecumenorum quo ca-
su cum id cognouerit, & adhuc superui-
uit infirmus, iterum ad eum quam
primum accedat; & infirmo-
rum oleo iterum etiam
proferendo verba
inungat.

Cap.

sum inungendum; ut his talibus subueniat, una cum
 Sanctissimo Sacramento deferat oleum infirmorum,
 & aegrotis communicato, ipsum quoque inungat;
 moneat tamen adstantes; & eos qui infirmi curam
 habent, ne cum auxilio, & corporis cura destituant;
 ut pote quod adhuc non est mortuus, & quam plu-
 res etiam ex his qui cum infirmi essent, iuncti fue-
 runt; adhuc superuiuant.

Cap. IV.

Cathe.
 Rom. ubi
 supra.

VT nihil omittatur à Parocho eorum, quæ ad
 moriendum in Domino adiumento possunt
 esse fidelibus, valde opportunum erit, ut antequam
 inungat infirmum, ipsum ab omnibus censuris, ab-
 soluat; inunctus vero ubi fuerit eius animam com-
 mendet Deo, adiunctis sacris Litanis, & Precibus,
 quæ de more recitari solent; & demum renunciet
 illi indulgentias, quas pro ordinaria Episcopali auc-
 toritate conferre possumus, quadraginta scilicet die-
 rum, nomine quæ nostro benedicat. Moneat verò
 mulieres, aliasq; supersticiosas personas, ne morien-
 tibus infirmis ad eorum aures appropinquent, & ver-
 ba quædam inania, & incantatoria proferant, quod
 non solum indecens est, verum, & peccatum non
 leue, quinimmo graue, & execrabile. Poterit quoq;
 pro loci, & temporis opportunitate hortari, cum in-
 firmum, cum etiam alios, qui adstant ad patientiam,
 & ut Domino, à quo est omne datum optimum,
 etiam de charissimi morte gratias agant, & omnino

non

Iac. i. d.

1. Thes.
 4. 6.

non contristentur, sicut, & ceteri, qui spem non habent. Quare abstineant à vanis quibusdam, & stultis verbis; cantilenasque, quas reputatrices dicunt, nullo modo admittant; nec capita depilent, aut alia huiusmodi faciant, quæ nec Ethnicos quidem, vel gentiles decet, non modo Christianos, & qui suorum corporum resurrectionem credunt.

*Reputatrices
nam in
Synodi Re-
gni sine line*

Cap. V.

NE amplius in posterum id accadat, quod alias in hac dioecesi, & eo tempore, quo in ea residemus, contra sacrarum cæremoniarum ritum contigisse notimus: nempe Parochos, & Cappellanos nonnullos, adeo negligentes fuisse in Oleis sacris à Cathedrali sumendis, quod non modo illis uti non potuerunt Sabbatho Sancto ad aquam baptismalem consecrandam, sed nec ea prompta habuissent ad infirmos inungendos, si opus fuisset, cum aliqui per hebdomadam, ne dum per dies post Pascha transactos ea sumere soliti fuerint. Et excusari non valeant, quod propter ingentes pluuias, & currentium fluminum magnum impetum, tutus accessus non datur, vel quod hominem non habeant sacris initiatum, quem transmittant; de cætero hic ordo per diocesim omnino seruabitur. Et primo volumus, quod ex remotioribus locis, ut sunt Castri Veteris, Roccellæ, Blanci, aliisque similibus accedentes, in feria quartæ maioris hebdomadæ sint præsentés in ciuitate. Ceteri vero proximiores accedere potest.

runt, vel in sero, vel summo mane, vt omnes præ-
sentès sint cum olea consecrantur. *Id est prout*

Archipræsbyter Castri Veteris sumet olea pro
alijs Parochijs, & Casalib; fabritiæ.

Archipræsbyter Agripteræ pro alijs Parochijs, &
pro Casalibus Mammole, S. Ioannis, & Martonis.

Archipræsbyter Blanci pro Turre Brutiani, Mot-
ticella, Præacorde, Sancta Agatha, & Casignano.

Archipræsbyter Bobalini pro Carerio, Sæcto Lu-
ca, Natili, & loco, qui dicitur, il Fondaco.

Archipræsbyter Condoianis pro Sancto Nico-
lao, Ardore, & Casalib; Ciminiæ.

Archipræsbyteri Roccellæ, Gioiosa, Sideronis;
Capellani Agnæ Canalis, Portigliolæ, Antonimina
singuli ex Cathedrali.

Omnino volumus, & mandamus sub poena ro-
tutorum decem ceræ, quod omnes Archipræsbyte-
ri, Parochi, & Capellani in sero feriæ sextæ para-
fœuæ habeant in suis Ecclesijs olea sancta noua, vt
illis vti possint in consecratione aquæ baptismalis, &
inunctione infirmorum, si occurrerit. Quod vt fiat,
singuli ex aggregatis curabunt haberi aliquem apud
eum Archipræsbyterum, qui pro eis olea sumat in
sero feriæ quintæ, nisi velint ipsimet accedere. Quia
verò ex antiquissima, & immemorabili consuetudi-
ne, qui olea à Cathedrali sumunt, certum quendam
numèrum candelarum, & ouorum transmittunt, ne
ex hoc ordine Episcopalis mensa suis priuetur iuri-
bus, declaramus, quod singuli ex aggregatis debent
à Dominica palmarum, quam primum transmittere

illi Archipræsbytero, cui sunt aggregati, illum candelarum, & ouorum numerum, quem Cathedrali soluere tenentur; & caueant Archipræsbyteri à negligentia in exigendis præfatis candelis, & ouis, nisi velint proprijs expensis ea soluere. Declaramus etiã singulos ex aggregatis teneri debere ad ratam expensarum, quæ ab Archipræsbyteris fient, transmittendo unum, vel duos pedestres, vel etiam equestres ad sumenda sancta olea. Curabit etiam œconomus generalis nostrę mensæ singuli Archipræsbyteris notam dare ex libro plateæ reddituum Episcopaliū desumptam, vt sciant quem numerum candelarum, & ouorum exigere habent ab aggregatis, & ad nos transmittere.

Arg. 184
+ 902

DE SACRAMENTO ORDINIS.

D Ecet populum fidelem, qui Domini sabaoth, exercitus est visibilis, suo gaudere ordine, cū ad cōfusionem vitandam, quæ multorum malorum causa esse solet; tum vt terribilis sit aduersarijs, semper incedēs, vt castrorum acies ordinata; atq; etiam non desint populo Dei viri ad hoc specialiter electi, vt bonorum omnium largitori sacrificia, & hostias, offerant, & plebem doceant fide, & spe, & charitate, illum colere. Ob has, aliasque quam plures causas, quas cōsulto omittimus, institutum fuit in nouo testamento Sacramentum Ordinis, quod vt alia, verbis, & signis exprimitur, & per ipsum sicut per bap-

2. d. 11

23. d. 11

23. d. 11

23. d. 11

23. d. 11

Cant. 6. d.

Heb. 8. a

Concil.

Trid. sess.

23. c. 2. 3. 4

de Sacr.

Ord.

boup

tismum,

quod legunt non intelligat, & legitimo matrimonio sint procreati, habeantque requisitam ætatem, & à proprio Parocho, vel Iudi magistro bonum testimonium, quod literis incumbant, & bonis moribus se ipsos ornare studeant, & tam initiati, quam promoti sciant se clericalibus beneficijs non gaudere, nisi cum habitu, & tonsura incedant, prout in locis, in quibus commorantur, moris est, & Ecclesiæ inseruiant, quamobrem declaramus omnes in nostra Diœcesi ad huiusmodi ordines promotos, Parochialibus, vel Matricibus Ecclesijs inseruire debere non solum festiuis, verum etiam ferialibus diebus, cum id fieri oportuerit.

Cap. IV.

AD sacros ordines promouendi, oportet vt vel beneficium habeant Ecclesiasticum, vel patrimonium, quorum vtrumque valoris sit ducatorum viginti quinque, & saltem alterum realiter, & cum effectu possideant, eaque possidere iuridice coram Vicario nostro probent, data cautione de eo nobis inscijs, nullo pacto alienando. Doceant insuper de legitimis natalibus, sufficientique ætate, videlicet subdiaconi, quod completum habeant vigesimum primum annum; diaconi vigesimum secundum; Sacerdotes vigesimum quartum, idque Parochi, vel aliorum sufficienti testimonio. Insuper ostendant literas testimoniales aliorum susceptorum ordinum, & si ante præfixa temporum intervalla fue-

runt promoti, ostendant quæ auctoritate, quibusque de causis, cum ipsis fuerit dispensatum; de literis vero, & sufficientia examinatorum iudicio decernemus, examini, ut semper fecimus, adstantes, & cum ipsis super admissione, vel exclusione deliberantes. Qui ex nostra Dioecesi ad sacros ordines sunt promouendi, hæc quæ diximus de beneficio, seu patrimonio, ætate, &c. docere studeant statim ab affixis, & publicatis edictis, ne nos contingat his occupari, cum examinibus vacare debemus; quibus propter externos aduenientes vix eo tempore sufficit dies. Current promouendi eorum ordinum, quos suscipere habent, cæremonias in Pontificali Romano legere, ut nedum Episcopus, verum etiam ipsi, quæ agenda sunt, sciant, & singuli secum deferant, quæ pro ordinibus suscipiendis deferri solent.

De sacris ordinibus promouendis, oportet etiam vel
 Cap. IV. De beneficiis habentibus

Clerici qui etiam primum sacrum ordinem susceperunt, sciant se teneri ad horas canonicas recitandas, quas omittere non possunt absque mortalis peccati reatu, & si beneficium habent Ecclesiasticum absque partis fructuum amissione; quare videant etiam examinatores, an sciant recitare diuinum officium, & si sunt Sacerdotes, sciant valde condecens esse, ut singulis diebus festiuis celebrent, Diaconi vero, & Subdiaconi saltem singulis mensibus confiteantur peccata sua, & Sanctissimo Eucharistiæ Sacramento reficiantur; & omnino diebus

bus statutis sacro Altari ministrent. Animaduertant etiam diligenter singuli in ordinibus ministrantes, ut illis sacris vestibus sint induti, & ea omnia habeant ornamenta, eoque modo deferant, quo proprijs ordinibus sunt aptata Subdiaconi, & Diaconi ministeria peracturi, per Magistrum Cœremoniarum de requisitis cœremonijs doceantur, & examinentur, quod etiam fieri debet cum Sacerdotibus, priusquam Missæ sanctissimum Sacrificium offerant. quâobrem neminem ex ordinatis volumus in ordinibus suscepris ministrare, nisi de licentia nostra, & quod nobis constiterit, eos sacras cœremonias bene agere didicisse. Tandem declaramus, quod de cetero dimissoriales literas pro ordinibus suscipiendis, nullo pacto concedere decreuimus, sed nobis cordi est, omnes nostræ Diœcesis promouendos, per nosmet ipsos (si Deus id concesserit) ordinare, & malumus eos ordinationes à nobis tenendas expectare, quam eis licentiam concedere ad alios Antistites adeundi, significantes omnibus, qui eam petierint, quod rem ingratam nobis semper facient.

DE SACRAMENTO MATRIMONII

Tit. XII. Cap. I.

VT nihil desit eorum, quæ necessaria sunt populo Dei, & semper verissimum sit, quod Sanctus Paulus Apostolus dixit, aduenisse Christum Saluatorem nostrum, ut mundaret sibi populum acceptabilem; sectatorem bonorum operum, salu-

*Lib. de
Nupt. &
concup. c. 2
tom. 7.*

*Gen. 21. 4
Iob. 8. d*

*Sess. 14. ca.
1. de refor.
Matr.*

tari consilio factum est, ut matrimonium quod contractus tantum, & vinculum naturæ erat, deinceps Sacramentum magnum esset in Christo, & in Ecclesia, idque ad multiplicandam cum benedictione plebem fidelium. Igitur instituyente Christo factum est Matrimonium Sacramentum, quod ut rei sacre signum, coniunctionem representat Christi, & Ecclesie, ita etiam sicut cœtera omnia, proprijs constat materia, forma, & ministro. Ut verò tria nuptiarum bona, quæ Sanctus Augustinus dixit, fideles consequi possint fidem scilicet, prolem, & Sacramentum æquum est rem tam sanctam non nisi pie, & religiose, & Sanctorum Patrum exemplo, Abraam presertim, & Tobie tractare, quare omnia quæ à sacris Canonibus, & postremo à Sacra Tridentina Synodo de matrimonij Sacramento constituta fuerunt, volumus inuiolabiliter obseruari. Utque tam contrahentes, quàm ipsimet Parochi aliqua non valeant ignorantia excusari, præcipimus sub poenis arbitrio nostro infligendis omnibus animarum curam habentibus, ut saltem bis in anno dicti Concilij decreta, quæ ad matrimonij reformationem spectant populo proponant, & vulgari sermone explicant.

Cap. II.

*ex manus.
Archiep.
Hierac.*

Vetustissimæ verò, & immemorabili Ciuitatis, & Diocesis nostræ consuetudini adhærentes, quæ nè hominum memoria excideret, singulis annis in die Coenæ Domini cum alijs Synodalibus capitulis

pitulis tam in Cathedrali, quàm in alijs Curatis Ecclesijs publicè lecta semper fuit, & quam bonè memoratus Andreas Candida, & Octavianus Pasqua in suis Synodis renouarunt, & confirmarunt, & pro qua extant responsa Congregationis Illustrissimorum Dominorum Cardinalium, qui Decretis Concilij Tridentini interpretandis sunt præpositi; videlicet sub xij. Kalendas Septembris M. D. LXXVIII. Si ante Concilium aderat legitima consuetudo; Concilium non substulisse; Et iterum iij. Kalendas Octobris M. D. LXXXVII. Contrahentes edicto hoc omisso incidere in pœnam excommunicationis constitutionibus Synodalibus propositam; omnibus Parochis, eorumque coadiutoribus, etiam si ad nutum amouibiles sint, sub excommunicationis pœna præcipimus, vt ante denunciationes, quæ ex Tridentini Concilij præcepto fieri debēt, nullo modo matrimonijs ineundis intersint, aut ipsas denunciationes faciant, nisi prius à generali nostro Vicario per illos ad quos spectat, obtenta fuerint edicta ad matrimoniū contrahendum, quæ per contrahentium Parochum, seu Parochos primo die denunciationum in Missa Parochiali recitare, & deinde ad communem omnium notitiam ad Ecclesiæ ianuam per totum tempus trium denunciationum affixum remanere decernimus. Si verò contrahentes in diuersis locis tã Ciuitatis, quàm Diœcesis domicilium habere contigerit, volumus ex eadem veteri consuetudine duo edicta eiusmodi ab eodem Vicario obtineri, quæ per vtriusque sponsi Parochos in eorū Ecclesijs, & publicè

*Ex reg. lit.
ad Episc.
Hierac.*

*Sess. 24.
cap. 1.*

legi, & earundem valuis affigi, vt supra dictum est, iubemus. Et quæ de edictis obtinendis diximus, declaramus necessaria esse non solum pro his, qui de præsentī, verum etiam de futuro sponsalia contrahunt, in quibus exprimenda erit ætas, tam maris, quam foeminæ, idque non solum in sponsalibus de futuro, verum etiam in matrimonijs de præsentī; & si de ea dubitatur, omnino probationes sumantur, antequam concedantur edicta. Quæ vero de edictis diximus, volumus etiam observari quando aliter, vel vterque contrahentium exterius est, dummodo in Diecepsi sponsalia, vel matrimonium contrahere velint; nec omitti debent edicta, etiam cum illi contrahunt, qui dispensationem propter gradus prohibitos, vel alia de causâ à Sede Apostolica obtinuerunt. Quod si aliqua de causâ, nobis tamen bene visa, denunciationes, quæ ex Concilij decreto fieri debent, remittendas esse in totum iudicauerimus; tunc idem fiet de edictis, cœterum si vnica, vel bina denunciatio facienda erit, tunc etiam semel tantum, vel bis publicabuntur edicta. Generalis autem noster Vicarius, cuius erit huiusmodi edicta concedere, curabit ea non expediri, nisi excommunicationis latæ sententiæ apposita pœna, pro eorundem observatione, & secundum formulam ordinariam, & consuetam Diecepsis. Nullus verò Parochus, seu quæuis alia persona Ecclesiastica cuiuscunque gradus, & conditionis existat, sub eadem excommunicationis latæ sententiæ pœna, & alijs arbitrio nostro imponendis, absq; licentia nostra audeat huiusmodi edicta

*Sess. 24 ca.
7. de Re-
form.*

edicta expedire, quæ in omnibus ferè Diœcesis locis iurisdictionis Episcopalis semper fuerunt; & pro cuius conseruatione, nolumus Vicarium etiam generalem alicui vices suas delegare posse, pro huiusmodi edictorum expeditione.

Cap. I I I.

Edicta subsequuntur denunciationes, quæ ex eiusdem Concilij decreto debent esse numero tres, nisi aliud Episcopo visum fuerit; & quæadmodum edicta, ita, & denunciationes publicari debent per Parochum in Ecclesia inter Missarum solennia, & quando maior adest multitudo populi, vt ad omnium notitiam perueniât, fierique debent tribus festiuis diebus continuis, & in eisdem sub anathematis poena præcipere, vt scientes impedimenta denuncient. Si verò in illarum aliqua impedimentum aliquod etiam per famam, aut vnicum testem innotuerit, tunc à reliquis denunciationibus desistât Parochi, & transmissa ad nos depositione eius, qui impedimentum opposuit, sponsis sub excommunicationis poena, simul cohabitare, & versari prohibeant. Denunciationes faciendæ erunt in vtraque Parochia, cum ex diuersis erunt contrahentes; nec non in Archipresbyteratibus, seu Matricibus Ecclesijs in locis, in quibus hætenus fieri consuetum est. Animaduertant Parochi mulierum, ad celebrationem matrimonij non procedere, nisi prius habito testimonio per Parochos virorum, & eorundem manu signato, quod denun-

*Sess. 24 c. 1
de Refor.*

*c. super eo
de consa. et
affin. cap.
propterea
de spons.
Matr.*

*Cœc. Trid.
Sess. 24.*

ciatio

*Endem.
Sess. 24.*

ciationes factæ sunt, & nullum fuit impedimentum
oppositum. Cum verò ex alienis diœcesibus erunt,
vel vterque, vel alter ex contrahentibus, præter Pa-
rochi fidem volumus aliam haberi Reuerendissimi
Episcopi, vel eius generalis Vicarij sigillo munitam,
& quod per testium depositionem fiat, quæ maior
fieri potest inquisitio super contraheantium conditio-
ne, & qualitate. Nemini autem liceat, sicut de edic-
tis dictum est, in totum, vel pro parte prædictas de-
nunciationes remittere, vel post contractum matri-
monium, ante illius consumationem postponere,
cum id totum Episcoporum prudentiæ, & iudicio
sacra Tridentina Synodus reliquerit; pro cuius ma-
iori obseruatione, & ne tam salutaris solemnitas cur-
su temporis in desuetudinem vadat, nolumus gene-
ralem Vicarium, nisi nobis absentibus, de denuncia-
tionibus disponere posse; & si quis ex Parochis, seu
eorum substitutis, his quæ diximus aduersari ausus
fuerit, sciat se acriter arbitrio nostro puniendum. Si
autem aliquando contigerit denunciationibus per-
actis, matrimonium intra duos menses non contra-
hi, animaduertant Parochi eosdem sponsoſ matri-
monio non iungere, antequam iterum pro eo de-
nunciationes fiant, nisi aliter à nobis prouisum fuerit.

*Endem.
Sess.*

Cap. IV.

*Sess. 24. c. 1
de ref. mat.
cap. 1. s. 1.*

VT Concilij Tridentini decretis omnino obtem-
peremus, de cœtero matrimonia non nisi in
facie Ecclesiæ, præſente, scilicet proprio Parocho,
vel

vel alio Sacerdote, cui hoc onus iniunctum fuerit, duobusque, vel tribus testibus celebrentur, & hanc formam omittere nullo pacto liceat, quin ex laudabili, & antiqua Ciuitatis, & Diocesis consuetudine, quæ non solum ex cursu temporis facta est altera, lex, sed maiorem vim habet ex eo, quod Illustrissimi Domini Cardinales, qui supra, suis literis insinua-uerunt, maximè optare, vt obseruetur, in ipsius materialis Ecclesiæ ianua, vel ante fores Ecclesiæ fiant; idque hoc Synodali decreto præcipimus, & mandamus sub poënis arbitrij nostri, vt non omittatur, nisi aliter, & ex rationabili causa nobis prouisum fuerit. Si quis verò Parochus, seu Sacerdos, cum minori testium numero, quam dictum est, & testes qui sine Parocho, vel Sacerdote matrimonio contrahendo præsentés fuerint, nec non ipsi contrahentes præter poënas Tridentino iure inflictas, alijs etiam pro vt nobis videbitur, sciant se puniendos. Omnino verò caueant omnes à clandestinis matrimonijs, nempe, quæ fiunt absque solemnitatibus à Tridentina Synodo decretis, nec solum docebunt Parochi ea, neque vera, neque rata matrimonia esse, verum etiam quæ primum, si qua suspicione laborabunt, quod huiusmodi matrimonia compleri possint, de illis nos certiores faciant, vt oportunis adhibitis remedijs tantæ inobedientiæ, & malo occurramus. Doceant etiam contrahentes, ne in gradibus prohibitis, matrimonio iungantur spò facilius obtinendæ dispensationis; cum præter poënas, quas incurrunt, ipsa etiam dispensatione priuantur: idque ex Romanæ curiæ stylo,

*Ex man.
Archie.
Hierac.*

*Ex Regis
litter. ad
esr. Hier.*

*Cœc. Trid.
ubi supra.*

ubi sup.

*Cœc. Trid.
Sess. 13. c. 5
de refor.*

*Cœc. Trid.
Sess. 13. c. 5
de refor.*

figlo, qui semper probari, & laudari debet ab omnibus.

Cap. V.

*Seff. 25. c. 1
de reform.*

EX eiusdem Sacrosancti Concilij decretis, præter ea quæ diximus, antequam coniungantur, benedici per Sacerdotem debent sponsi, idque per proprium Parochum, vel eum in cuius Parochia matrimonium consumandum erit. Si quis verò alius Sacerdos sine nostra, vel Parochi licentia id facere præsumperit; iustis poenis se mulctandū sciat quod etiam Parochis comminamur, si absque probabili causa ipsos contrahentes benedicere neglexerint, vel sacrum hunc Ecclesie ritum sponfos benedicendi damnauerint. Laudabilem verò Civitatis, & Diocesis consuetudinem approbantes, declaramus, & volumus, vt non nisi in Ecclesia, & in Missæ celebratione, cui reuerenter, & genibus flexis ipsi sponsi intersint, benedicantur, & Missa ea recitetur, quæ in Missali habetur pro benedicendis sponis. Si autem de festo, vel sancto, pro tempore celebranda erit Missa, tunc in ea collecta dicatur pro sponis. Et in eadem Missa curet Sacerdos, vt suo tempore per ministrum, non autem per ipsummet Sacerdotem pax sponis detur; nec de cætero domi benedicantur etiam cū Missa (quæ vulgò dicitur sicca) quemadmodum ab aliquibus fieri solet, nisi ex aliqua rationabili causa aliter nobis visum fuerit. Hunc autem sacrum ritum vt sine crimine non omittitur, cum primis nuptijs copulantur coniuges, ita inobedi-

*6 vir an-
tem de fe-
rijs nuptijs
& ibi gl'f.*

dientia esset eum adhibere, cum ad secundas transeunt. Igitur secundæ nuptiæ minimè benedicantur, nisi constet primas benedictas non fuisse, & nisi secundæ sint ex parte viri, primæ verò ex parte viri, primæ verò ex parte mulieris; haud tamen omittendum est etiam in secundis nuptijs Missæ sacrum, quod semper faciendum est. Si qui verò posteaquam reliqua de iure, vel consuetudine obseruanda in matrimonijs contrahendis adimpleuerint, benedictione Sacerdotalem ultra tres menses accipere distulerint, in huiusmodi seu Ecclesiasticorum rituum cōtemptores animaduertemus hiis poenis, quæ in sacris Canonibus continentur. Demum animaduertant Parochi tempus aliquod esse ab Ecclesia statutum quo interdicitur sponsis benedici, & matrimonio iungi: illudque esse ex Concilij Tridentini præscripto, ab Aduentu Domini, vsque ad Epiphaniæ festum, & à feria quarta cinerum, vsque ad octauam Paschæ inclusiuè: & hanc temporis proscriptionem significare habebunt populi sibi subiectis, cum alia ad Sacramentum Matrimonij spectantia nunciant, vt in principio dictum est.

*Cōc. Trid.
Sess. 24. c. 1
de reform.
Matr.*

*Sess. 24. c. 2
10. de ref.
Matr.*

Cap. VI.

CUm admodum necessarium sit pro multis humanæ vitæ occurrentibus casibus, matrimoniorum quæ sunt tam in Ciuitate, quam in Diocesi perennem memoriam haberi, de cœtero Parochi ex eiusdem Sacrosancti Concilij decreto omnino li-

*Sess. 24. c. 3
de reform.
Matr.*

H

brum

brum habeant, in quo edicta, & denunciationes ab ipsis factas, & celebrati Matrimonij diem, & locum, coniugum, testiumque nomina, & cognomina describantur, & præfati libri transumptum ipsorum parochorum manu subscriptum, singulis annis, cum pro oleis sanctis suscipiendis mittunt, ad nos deferendum curent in Archiuio Episcopali conseruandum: quod sub poenis tanta negligentia condignis adimplere curabunt. Formula verò quæ ab omnibus in conscribendis matrimonijs seruari debet, erit tenoris vt infra.

Ego N. Rector Parochialis Ecclesie. S. N. de locali Hieracensis Diœcesis fidem facio, me tribus diebus fastiuis continuis, inuicem tamen à se distantibus de præcepto Ecclesie, vel si de huius Ecclesie consuetudine in festo S. N. in Ecclesia S. N. in Parochiali Missa publicè denunciassè etiam per edictum matrimonium inter A. & B. contrahendum, nulloq; legitimo impedimento adducto, ac viro, & muliere à me interrogatis, eorumque mutuo consensu intellecto. Die . . . Mensis . . . Anno . . . matrimonium inter dictos A. & B. in ipsius Ecclesie ianua, iuxta huius Ciuitatis, & Diœcesis laudabilem consuetudinem, seruata in cæteris forma Tridentini Concilij fuisse legitimè celebratum; nec nõ in eiusdem mea Missæ celebratione, cui ipsimet sponsi interfuerunt, eos præcibus, & cæremonijs adhibitis benedixissè, præsentibus N. N. N.

Ego N. Rector Parochialis Ecclesie S. N. manu propria.

Quod

Quod si aliquando ex causis nobis bene visis, denunciationes in totum, vel pro parte remittendas, siue contracto matrimonio, ante illius consummationem faciendas iudicauerimus, in eo describendo in superiori formula his vtetur verbis, quæ id ipsum exprimant, scilicet, *Ego N. fidem facio me matrimonium hoc inter A. & B. contrahendum, ex Reuerendissimi Episcopi rescripto mihi exhibito, non nisi semel, vel si duæ solum sint constitutæ denunciationes, bis in Parochiali Ecclesia S. N. & in die festo. S. N. vel tali die Dominico publicè per edictum denunciasset, vel si omnes postponantur, contracto, non autem consummato matrimonio, tres denunciationes solitas, celebrato matrimonio per verba de presenti postposuisse, nulloque &c. vel si omnes omittantur, nullas denunciationes fecisse nulloque mihi deducto impedimento obstante matrimonium, &c. vt supra.*

Cap. VII.

VT res sancta sancte etiam tractetur, Parochi hortentur coniuges, quemadmodum etiam sacrosancta Tridentina Synodus eos hortatos esse voluit, vt antequam contrahant, vel saltem triduo ante matrimonij consummationem propria peccata, confiteantur, & Sanctissimo Eucharistiæ Sacramento reficiantur. Ipsidem de causis ad coercendam quorundam patulantiam, qui pecudum, aliorumque brutorum more potius quam hominum, ad hunc Sacramenti contractum consummandum accedunt,

*Sess. 24 c. 1
cap. aliter,
30. q. 5.*

*Ex anti-
qua, & im-
memo. con-
suet. Ec-
clesia Hie-
rac.*

sub excommunicationis poena eo ipso incurrenda,
& viginti quinque ducatorum multa; coniugibus
omnibus cuiuscunque conditionis, & gradus exi-
stant, etiam si advenæ sint, & de proximo, vel in-
futurum matrimonium contracturi, etiam si spon-
salia inierint: interdiciamus, & prohibemus non so-
lum matrimonij consumationem, in eademq; domo
cohabitationem, vel ad alterius domum publicum,
sive secretum accessum; sed ne quovis modo mu-
tuam consuetudinem, commerciumque ad inuicem
habeant, priusquam matrimonium ipsum in Ecce-
lesia per verba de presenti celebratum fuerit, & dein-
de Sacerdotali benedictione munitum. Vsu enim,
& quotidiana experientia cognitum est, quod com-
plures vix de matrimonio contrahendo verba fece-
runt, capitula non subscripserunt, nec de contrahen-
do promiserunt; & nihilominus in tanti Sacramenti
contemptum, propriæque conscientiae offensionem,
nec non bonorum scandalum, se coniunxerunt, &
quod peius est, in adulterio sub matrimonij figura,
suscepta nonnunquam etiam prole, multo temporis
spatio vixerunt, quodvis potius cogitantes, quam
solemnitates adimplere, matrimoniumq; rite con-
trahere cum benedictione, prout deberent. Quibus
omnibus declaramus, quod nec sponsi, neque
sponsæ, sed adulteri, & infames nuncu-
pandi sunt, eorumque proles haud
legitima censenda est.



dui

s. H.

Cap.

Cap. VIII.

OMnino non omittant Parochi docere sibi subiectos, in quibus gradibus tam consanguinitatis, quam affinitatis post sacrum Tridentinū Concilium prohibitum est, quod matrimonio iungantur. Ex eiusdem etiam præscripto doceant in quo gradu cognationis spiritualis, item ratione affinitatis ex fornicatione contractæ, necnon publicè honestatis contrahi denegetur; idq; ut nullus audeat in Sacrorum Canonum contemptum, propriæque animæ præiudicium semetipsum illaqueare; & quod non excusantur, quinimmò eis difficilior redditur dispensandi ratio, si ad facilius dispensationem obtinendam coniungantur ad inuicem. Quibus verò opus est mandatum de dispensando obtinere à Sede Apostolica, eos doceant veras semper causas exprimere debere, non figuratas, aut palliatas, nec occulta impedimenta tacere, ne dispensatio ipsa reddatur inanis, & vacua. Qui verò mandatum de dispensando à Sede Apostolica obtinuerunt, sciant minime cum eis dispensatum fuisse, nisi prius per nos, vel generalem Vicarium nostrum, cui literæ dirigentur de supplicatis, & expositis iudicatum fuerit. Nullus Parochus, seu Cappellanus, aut substitutus audeat huiusmodi literas executioni mandare, nisi ipsi specialiter, & nominatim directæ fuerint (quod scimus in usu non esse) idq; sub poena priuationis beneficii, & curæ, & ducatorum centum. Sponsalia de futuro si quæ mutuo partium consensu contracta fuerint,

Sess. 24. ca. 4. Pius V. const. q. incip. ad Romanum, et aliq. incip. Cū illis

Conc. Trident. Sess. ubi supra cap. 5.

Cap. præterea 1. de spons. cap. de sponsata 28. q. 2.

rint, non possint dissolui, nisi parte audita, & causa dicta coram nobis, etiam quod ipsamet partes in dissolutionem consenserint. Qui vero his non servatis ea dissolvere, & quod plus est, cum alijs matrimonium contrahere ausi fuerint, præter excommunicationis poenam, quam ipso facto hac vna pro tria monitione præmissa in eos pronunciamus, alijs etiam arbitrarijs se ferendos sciant.

Cap. IX.

*Cap. Gem-
ma de spōs.
Cōc. Trid.
Sess. 24. c. 9*

DEmum ad matrimonij libertatem conseruandam, & vt minimè valeat quouis consensu per vim, & metum extorto violari; sub excommunicationis poena ipso facto incurrenda præcipimus, ne quis minis, promissis, alijsque violētiam, vel moctum inferentibus, quouis prætextu, vel causa moctus, audeat aliquos ad contrahendum compellere, vel etiam retrahere. Et quemadmodum ad matrimonia contrahenda necessaria sunt edicta, & denunciations, aliæque solemnitates quas supra diximus; ita nec ea dissolvere aliquis arbitrio proprio præsumat, vel etiam quoad cohabitationem publicè separare, nisi altero coniuge coram nobis conuento, & causa dicta, idque ne audeat homo separare, quod Deus coniunxit; & hoc sub grauissimis poenis in sacris Canonibus contentis, nec non alijs arbitrarijs. Vt verò permittimus matrimonia cum fiunt exteriores lætitiæ signis celebrari; ita etiam ea omnia prohibemus, quæ superstitionem, aut gentilitios mores

*C. significa
sti c. porro
de diuor-
tijs. Conc.
Trid. Sess.
24. can. 12
Matt. 19. c
Marci 10
b*

mores præferunt, & præsertim, quod huiusmodi vana in ianuis Ecclesiæ, vel in ipsis Ecclesijs fiant; item quæ superfluum pompam sapiunt, sicuti est sponfos sub baldacchino Sanctissimi Sacramenti ad Ecclesiam conducere, eosdemque domum reducere, & alia similia; haud tamen ita strictæ, quin aliquibus reformatis, pro personarum qualitatē ea quandoque admittenda esse non arbitremur.

DE ECCLESIIS, & EARVM IMMVNITATE.

Tit. XIII. Cap. I.

Ecclesias, quæ domus Dei sunt, magna decet sanctitudo, ut potè in quibus Deus inhabitat, in ipsis orationes nostras audit, sacra administrantur Sacramenta, nec non sanctum Dei verbum fidelibus prædicatur. Ut igitur eas omni maiori reuerentia, & tum exteriori, tum etiam interiori cultu prosequamur, volumus ut de cætero Ecclesiæ omnes tam Matrices, quàm Parochiales, & aliæ etiam non curatæ sua habeant hostia cum seris, alijsq; instrumentis, quibus claudi horis suis possint; & exceptis Cathedrali nostra, & alijs Matricibus Ecclesijs nolumus alias quascunque per totum diem manere apertas; sed tantum illis horis, quibus sacra peraguntur, nisi vel consuetudo, vel occasio alicuius indulgentiæ consequendæ, vel festiuitatis earundem, aliud in contrarium suadeat. Præ foribus Ecclesiarum, & præsertim curatarum adsint depictæ Imagines Sanctorum, in quorum honorem sunt dedicatæ.

*Psal. 92.
2. Par. 7.*

dicatæ. Et si quæ adsunt priuatarum domorum fenestæ, per quas in eas prospici possit, etiam si sint ipsorum met rectorum, omnino intra mensem parietem constructo claudantur; & si quæ itidem adsunt fenestæ, ex quibus in eas facile patere possit aditus, eadem, vel fabricentur, aut cancellis ferreis, vel ligneis muniantur.

Cap. II.

*Cap. I. de
Eccl. edif.
vel repa-
rã.*

CVrent Ecclesiarum rectores, quod earundem tecta sint bene composita, ita ut pluuiam non admittant; similiter pavimenta minimè diruta sint, & indecentia. In Cathedrali, & Parochialibus adsit suggestum altum, & ornatum, ad verbum Dei fidelibus proponendum; item scamna, & sedes auditorum commoditati aptatæ. Non desint confessionales sedes ad confessiones fidelium audiendas; & omnino curent quod Altaria sint bene disposita, & omnibus ad sanctissimum Missæ sacrificium offerendum necessarijs munita. Quare si non sunt consecrata, habeant tamen altariola parua lapidea consecrata, & super vnumquodque Altare sit Icona, vel Imago, quæ serica, aut linea operiatur vela: adsint candelabra, tobaleæ ad sufficientiam; linteola, pallium, vel ex serico, vel saltem ex corio deaurato, & depicto, scabellum paruum, siue pulvinar, super quo reponendum erit Missale, necnon scabellum inferius sub pedibus Sacerdotis tantæ longitudinis, & latitudinis, quantæ est ipsummet Altare, quod omnino volu-

mus

mus esse altitudinis palmorum quatuor, longitudinis sex, latitudinis verò trium.

Cap. III.

IN omnibus Ecclesijs adsit sacrarium, siue piscina; nec non vas marmoreum saltem vnum ad aquam lustralem continendā, quæ vt munda quantum fieri potest recipiatur à fidelibus, singulis Sabbathis renouabitur. In Cathedrali verò, Collegiatis, & Parochialibus adesse debet fons baptismalis eo modo, & forma dispositus, quibus supra diximus, cum de baptismo ageremus; & vt Ecclesiæ munda semper sint, sacristæ erit eas saltem octauo quoque die expurgare, & verrere, & quandoque etiam bis in hebdomada pro diei festi, & rerum occurrentium oportunitate, & necessitate. Animaduertant quoq; sacristæ, quod mortuorum sepulchra bene clausa custodiantur, ne foetorem emittant, & molestia sint in Ecclesijs permanentibus. Canes, pueros discurrentes, homines deferentes accipitres, arma, hastata, sclopetæ ab Ecclesijs expellant, nisi fuerint curiæ ministri, seu officiales. Omnibus vero ex sacrosancti Concilij Tridentini decreto prohibitum sit deambulare per Ecclesiam, præsertim, cum sacra peraguntur mysteria; idque sub poena arbitrio nostro infligenda, præcipuè Ecclesiasticis personis, si eas delinquere contigerit.

Ca. omnis
presby. de
conf. dis. 4.
cap. aqua
dis. 3.

Cap. non
op. de cōf.
d. 1.

Sess. 22.
decr. de
obs. cr. &
enit. in
Miss.

Cap. I V.

*De immu-
nit. Eccl.
li. 6 cap. 2.
Pius V.
Conf. q. in-
cip. cū pri-
mu de sust.
Eucharist.
cap. 2.*

IN Ecclesijs nulla de cœtero fiant vniuersitatum parlamenta, siue quarumcunque personarum congregationes, & concilia. In eisdem nullius deponantur bona cuiuscunque sint generis absque licentia nostra, nullus pernoctabit siue vir, siue mulier etiam vigiliarum, & fœstorum dierum occasione; nullus mercabitur, aut merces venales exponet, sed id tantum fiet, ad quod factæ sunt. Per earundem vero ambitum, præsertim cathedralis ludere etiam trocho prohibemus, idque sub pœnis in edictis nostris contentis; & caueant omnes ne Ecclesiarum ambitus, in quibus fidelium cœmeteria olim erant, obsœnis seruiijs deturpent; idque sub pœnis arbitrio nostro infligendis his qui contrafœcerint.

*Clem. 7.
de celebr.
Missarū.*

Quare in earūdem atrijs, & vestibulis nolumus choræas duci, prophanas cantilenas decantari, negotiationes, & præsertim nundinas fieri, aliaquæ similia, ex quibus facile violari possunt Ecclesiæ. Per easdem minime licitum sit mendicare præsertim cum diuina persoluuntur officia, vt constitutione sua cautum reliquit Pius V. sanctæ recordationis Pontifex, &

*vbi supra,
§. pauperes.*

cui nos adhærendo, nolumus siue in limine, siue prope aquæ benedictæ fontem pauperes, seu iacentes, seu stantes eleemosynas quærere, sed tantum ante Ecclesiarum fores.



Cap. V.

NOn sine graui animi nostri moerore, cū Diocēsim lustraremus, tam in ciuitate, quā in suburbij, alijsq; ipsius terris, & oppidis, quam plures Ecclesias, easq; beneficiatas, vel temporum iniuria, vel rectorum negligentia quod magis nos vrget, dirutas vidimus; & quod pœius est, absque vlla spe, quod restaurari possint. Et licet ex sacri Tridentini Concilij decreto, eas vel in cathedralem, vel in alias viciniore translatas viderimus, earundemque nonnullas nos ipsi transfulerimus, nihilominus huic malo occurrere volentes, & quod fidelium piæ voluntates, quæ fuerunt executioni mandatæ, pro viribus conseruentur, committimus admodum R. generali Vicario nostro, vt omni executione posposita, & absque vllius personæ acceptione, omnem adhibeat diligentiam, vt ea quæ pro earundem restauratione, siue tamquam ordinarius, vel etiam tamquam Sedis Apostolicæ delegatus decreuimus, omnino executioni mandentur, etiam sequestrando fructus, & redditus, omniaque iuris, & facti remedia adhibendo. De cœtero vero nec edificentur Ecclesiæ, seu oratoria, & etiam religiosorum monasteria, vel in ædificatis Altaria erigantur, aut destruantur, vel aliquid circa ea addatur, vel minuatur, etiam si sacræ Imagines sint, absq; licentia nostra. Hortamur verò omnes, qui ad Ecclesias accedunt, vt semper præ oculis habeant, quod ad domum Dei visitandam descendunt, & semetipsos in conspectu Dei, sancto-

I 2

rum-

*Seff. 21. c. 7
de reform.*

*C. sicut nō
alijs. Cler-
rici. qui ca-
nulli pres-
byt. c. nemo
de consecr.
d. 1. cap. de
Monac. 18
q. 2. et ibid.
c. quidam
Cœc. Trid.
Seff. 25 c. 3
de reg.*

Luc. 18. b

rumque eius statuunt; quare decet eos cum omni humilitate, & reuerentia in domo Dei conuersari, exemplo publicani, qui à longe frans oculos ad celum non audebat leuare, sed percutiebat pectus suum dicens, Deus propitius esto mihi peccatori.

Cap. VI.

60117 2
- 11111 1

OMnes beneficia Ecclesiastica habentes, memoria firmiter tenent, se non solum iuramento, verum etiam sub beneficiorum priuationis poena obstrinxisse, bona tam stabilia, quam mobilia, actiones, obventiones, iura beneficiorum, & Ecclesiarum que ipsis commissæ sunt, nullo pacto alienaturos, vel distracturos. Quamobrem non solum intransgressores poenis à iure statutis, etiam priuationis animaduertemus; verum ut Ecclesiastica bona, quantum fieri potest conseruentur, volumus quod quamprimum, seu tempore per nos inferius assignando, quicunque beneficia Ecclesiastica habent, exhibeant inuentaria omnium bonorum suarum Ecclesiarum cum suis finibus, & terminis; nec eis vlla admittatur excusatio, quod alias dicta inuentaria exhibuerint, & quod ad ea se referunt, idque sub poena vigintiquing; ducatorum, his qui non paruerint. Locationes, siue quas dicunt gabellas dictorum bonorum non faciant vltra triënum, nec sine scripto, cuius copiam, vel saltem minutam ad nos transmittant intra mensem, in Archiuio Episcopali conseruandam, idq; sub poena ducatorum decem. Per-

Extrau.
ambitiose
de rebus
Eccl. non
alienam.

Sixtus V.
const. qua
incipit pro
uida Ro-
mani Pöt.

Extrau.
ambit. ubi
supra.

muta-

mutationes nullas fieri volumus nobis inconsultis, nec etiam census, seu quos dicunt perpetuos canones, & nullo pacto cum potestate affrancandi, seu liberandi; sed hæc omnia cum per nos fuerint examinata, quod in evidentem Ecclesiæ utilitatē sunt, tunc curabunt habere Sedis Apostolicæ consensum, & beneplacitum; & eo intra præscriptum temporis terminum non habito, irritæ omnino censeantur, & nullæ.

Cap. VII.

IN nonnullis Dioecesis nostræ locis ab eorum incolis soluuntur sacerdotibus decimæ, quæ ab aliquibus mutato nomine nuncupantur Canonico, ab alijs Cenerico, aliquâdo. Inglistastico, & demum Artentico; que cum populorum negligentia, & paruo admodum Dei timore, nec non rectorum incuria ferè in defuerudinem abierint, ne tanto ingratitude peccato fideles inquinentur, & poenis à sacris canonibus inflictis subijciantur, iubemus omnibus, & singulis, ad quos de iure huiusmodi decimarum solutiones spectant, ut quocunque nuncupentur nomine, eas quibus legitime debentur, integre iuxta locorum consuetudinem persoluant. Nec liceat Parochis, vel quibus debentur, quouis pacto super eandem solutione cum suis subditis componere, seu transigere, idque sub poena, quæ alienatoribus Ecclesiasticorum bonorum debetur; & ne tam ipsi, quam qui ad decimarum, solutionem tenentur, per quamvis prætenfam ignorantiam excusari valeant, sacro-

*c. ad m. c.
nem^o cum
seq. 16. q. 2.
Coc. Trid.
Sess. 25. c.
10. de ref.*

*In extr.
ambitiose.*

ubi supra. sacrosancti Concilij Tridentini decretis inhærendo, in quibus multa de decimarum debito, & solutione habentur, volumus Parochos, & verbi Dei concionatores tam in Aduentu, quàm in Quadragesima publicè docere populum de earundem solutione, & quod est de iure diuino, & quantis poenis eas non soluentes subijciuntur, & demum quòd ad restitutionem tenentur, qua omiſſa, peccatum non remittitur.

Cap. VIII.

Cap. fratres. 17. q. 4 ca. inter alia exir. de Immu. Eccl. ca. 2. & in fi. de his qui ad Eccl. con-fugiunt.

Seſſ. 23 c. 6

SCiant omnes non solum Ecclesias, & earundem bona, verum etiam personas ecclesiasticas immunitate gaudere. Quare nullius vniuersitatis decreto, vel constitutione ad gabellas, seu quasuis alias taxas nouas soluendas compelli possint, idque sub excommunicationis latæ sententiæ pœna. Nullus etiam officialis, seu quisuis potestatem localem habens easdem detinere, carcerare, seu quouis modo illis violentiam inferre, aut processare sub eadem pœna audeat, præter quàm si infraganti eas inuenerit, quo casu detinere, & vt ad nostras carceres eas conducat requirimus, & hortamur. Volumus autem Sacrosancti Concilij Tridentini decretis inhærendo; quòd Clerici primam tonsuram, vel quatuor minores ordines habentes, vt hac immunitate, forique priuilegio gaudeant, non solum bullas suæ promotionis habeant, verum in habitu, & tonsura Clericali incedant: & quod Cathedrali, seu Archiepiscopis-

præsbyterali, vel propriæ Parochiali inseruiant, vel ad aliquod Ecclesiæ ministerium applicati sint, pro-
ut in eodem Concilio habetur.

DE SACRISTIA, ET SACRISTAE OFFICIO.

Tit. XIV. Cap. I.

DEo nobis auxiliante in Cathedrali nostra Sacristiam nullam speciem habentem, restitui-
mus, eidemque armarijs, & capsis suis locis aptè disposi-
tis aliquam formam dedimus, & ut de cœtero ordi-
natè omnia fiant tam eidem, & cathedrali; quàm
canonicis, & cappellanis, nec non sanctissimi Sacra-
menti sodalibus ad eorum mobilia, sacramque sup-
pellectilem conseruandam, propria loca destinaui-
mus. Quare de cœtero nullus sub quinque ducato-
rum poena eiusdem sacristiæ conseruationi applican-
dorum, in eadem capsas, scriniola, seu quævis huius-
modi ad pallia, seu coctas, aliaque recondenda, re-
tinere audeat; & quilibet stipum sibi consignatum
curare, & tueri teneatur. Cum verò alicui ex pro-
mouendis ad canonicatum, siuè ad capellam dabi-
tur possessio beneficij, simul etiam per Notarium
assignabitur locus pro suis mobilibus reponendis.
Utque Cathedralis Ecclesiæ vestigia sectentur aliæ;
hortamur omnes parochialium rectores, eisdemque
præcipimus, ut quàm primum in proprijs Ecclesijs
sacristias habere curent, easq; quantum fieri potest
ornatas, & decentes, nec non tutas, & quamprimum
conficiant illis portas, & seras, quibus bene claudan-
tur.

Cap.

Cap. I I.

*S. Aug. in
reg.*

*Cap. omne
presb. a de
conf. d. 4.*

Non solum sacristia deseruit sacrae suppellecti-
li, sanctorumque reliquijs conseruandis; sed
locus quasi secretus esse debet, in quem se recipiant
Sacerdotes ad orandum, propria confitenda pecca-
ta, sacras vestes accipiendas, & ad Missae sacrificium
se disponendos. Cumque in oratorio nemo aliquid
agere debeat nisi ad quod factum est, Sacerdotibus,
seu alijs Clericis, sub poena arbitrio nostro infligen-
da (his praesertim qui per sacristam moniti contra-
fecerint) non liceat in ea ad longum colloqui, seu
confabulare, vel quouis modo sacristae, & celebra-
turi impedimento esse. Curabit vero sacrista, quod
in ea semper adsit aqua cum manutergijs ad manus
abluendas, intortia, & candelae promissis celebra-
ndis cum tintinnabulis, sintque paramenta non dissu-
ta, & sordida, sed composita, & nitida, praesertim
amictus, alba, cingulum, purificatoria, & corpora-
lia, quae cum opus fuerint per aliquem in sacris con-
stitutum lauentur: quod etiam de calicibus suo tem-
pore fieri iubemus. Non desit vinum album bonum
pro sacrificio, nec non vireoli ad ipsum pariter, &
aquam subministrandam. Adsint particulae orbicu-
lares ad Christi fideles communicandos, & denique
ea omnia, quae pro Dei, & Ecclesiae seruitio requi-
runtur. Ipse vero sacrista, ut decet rerum sacrarum
ministerium, dum sacra fiunt, incedat cotta indutus, &
toto corporis gressu se modestum, nec non in ver-
bis grauem, & morigeratum ostendat.

Cap.

Cap. III.

CAntoris erit per singulas hebdomadas tabel-
lam conscribere, eandemque loco competen-
ti in sacristia affigere, idque sabatho futuram heb-
domadam præcedente, in qua descriptum sit de
quo singulis hebdomadæ diebus faciendum sit offi-
cium, Missæque cantanda, item cuius erit in diaco-
natus, & subdiaconatus ministerio sacro Altari de-
servire. Describet etiam duos, vel tres clericos mi-
nores, qui auxilio sint Sacerdotibus sacrum facienti-
bus. Præcipimus verò Aeconomo nostro, & Reue-
rendi Capituli procuratori, nec non duobus Capel-
lanis, quos nominabimus quòd intra decem dierum
spatium debeant in scriptis redigisse ad quem nu-
merum Missarum celebrandarum teneatur mensa
Episcopalis, capitulum, nec non singuli ex Capella-
nis, & quæ Missæ celebrari debēt; quarum omnium
tabellam in Sacristia affixam esse volumus, vt cura-
re possit sacrista quod debitæ persoluantur. Nullus
nobis, aut Vicario nostro inconsultis, audeat buxu-
lo in quo hostiæ conseruantur, schedulam appone-
re, qua hortentur Sacerdotes ad orandum in Mis-
sis. Et demum curet sacrista quòd tam Altaria,
quàm Sacerdotes celebraturi his utantur paramen-
tis, quæ pro temporum differentia, & qualitate re-
quiruntur, & quòd Sacerdotes nō utantur stolis, &
manipulis, qui cū casulis, & planetis nō sint eiusdem
coloris. Quæ diximus de Cathedralis sacristia, & sa-
crista, servari volumus ab omnibus alijs Ecclesiarū

rectoribus per semetipfos, seu alios clericos quos idoneos iudicauerint, idque sub arbitrij nostri pœnis.

DE CAMPANILI.

Tit. XV. Cap. I.

CAmpanile cathedralis nostræ reperimus campanis satis plenum, veruntamen pro maiori parte confractis, & quæ cum pulsarentur non modo ullam melodiam non resonabant, verum audientium aures offendebant. Et cum Deo dante, illas restituerimus, condecens est vt omnem adhibeamus diligentiam ad ipsas conseruandas. Curabit igitur sacrista illud semper obseratum claue tenere, ne peruius sit omnibus in ipsum aditus; simul etiam vt sit mundum tam in tabulatis, & schalis, quàm exterius, & interius propè terram, & si quos inuenerit illud quomodolibet deturpantes, vt poterit corrigat: vel ad nos, seu Vicarium nostrum rem deferat ad oportunum, adhibendum remedium. Nullo pacto admittat laicas personas ad pulsandum, nisi eandem probitas, & discretio sit illi nota, quòd etià de pueris non admittendis intelligimus, idque absq; exceptione aliqua. Similiter nolumus cāpanas pulsari nisi ad pios, religiososq; vsus; & cum deceat Cathedralis Ecclesiæ exemplum alias (& presertim curatas) Ecclesias imitari, volumus quòd in singulis Parochialibus adsit campanile cum duabus campanis ad minus, maiori scilicet, & minori. In reliquis verò saltem vna, si plures pro reddituum tenuitate neque-

*De Campanili
ad Tit. XV. Cap. I.
in causa in
Synodo No-
stræ de
anno 1546.
Tit. XIII.*

nequeunt fieri. Quod si campana aliqua ab vna, ad
 aliam Ecclesiam translata fuit, præcipimus eam ad
 propriam Ecclesiam reportari intra spatium vnus
 mensis; idque sub poena ducatorum vigintiquinque.

Cap. I I.

Non erit sacriffæ pro libito vnâ, vel plures,
 aut etiam omnes campanas pulsare: verum
 pro foestorum, aliorumque dierum qualitate, & so-
 lemnitate, modò vnâ, modò duas, & quandoque
 tres, & omnes pullabit, iuxta rubricam sibi assignan-
 dam. Singulis diebus in aurora, meridie, & vesperi
 ter ternis istis campanam maiorem pulsabit; qui-
 bus horis hortamur omnes Christi fideles d.œcessis
 nostræ, vt capite denudato, & flexis genibus, præ-
 terquàm in tempore paschali, beatissimam Dei Ma-
 trem saluent cum antiphonis, & orationibus dici-
 solitis pro indulgentia consequenda. Probamus eti-
 am consuetudinem nuper introductam pulsandi cā-
 panam post dimidiam noctis horam in estate, & post
 integram completam in hyeme, ad excitandos fide-
 les, vt pro animabus in Purgatorio detentis oratio-
 nes, & præces offerant. Consuetudinem admodum
 piam pulsandi campanas ad aeris tempestates repel-
 lendas, & commonefaciendos fideles, vt ad Eccle-
 siam accedant, Deoque præces offerât, vt antiquam
 in Ecclesia, & à sacris ritualibus probatam, obserua-
 ri volumus, dummodo non ad arbitrium cuiuslibet
 hoc fiat, sed de licentia nostrâ, vel Vicarij generalis:

K 2

quod

*Hoc etiam
 tam Bene-
 dictus XII.
 pro uniuerso
 populo Christiano
 anno 1700
 sua Consti-
 tutione quales
 incipit: ...*

*Cap. pro
 obuentibus
 ca. anima
 23. q. 1.
 Cœ. Trid.
 Sess. 24. de
 Purgat.*

*Super alio
 libro pro
 diocesi Ache-
 nensi in
 edito pro
 diocesi Ache-
 nensi
 1723.*

quod etiam dicimus de ipsis pulsandis pro adiuuandis mulieribus in partus angustijs positis.

Cap. III.

CUm pro mortuorum exequijs campanæ omnes pro personarum qualitate pulsandæ erūt, quod solet esse signum cōuocandi capitulum, & totum clerum ad tumulandum defunctum, id facere nullo pacto audeat Sacrista Reuerēdi Capituli procuratore inconsulto, nisi velit expensis omnibus, quæ nomine eleemosinæ capitulo debētur subiacere. Et potiatursacrista cum socijs pro huiusmodi campanarum pulsatione, mercede quæ dari solet, præsertim postquam alijs campanis additis, eorum etiam labor est auctus. Non solum in Cathedrali, verum etiam extra Ciuitatem in Matricibus, seu Archipresbyteralibus Ecclesijs volumus, & mandamus obseruari, vt in eleuatione Corporis Christi, quæ fit in Missa maiori, pulsetur campana; quod etiam dicimus de pulsandis vesperis singulis diebus in præfatis Ecclesijs, & Parochialibus insignioribus, idque sub pœna transgressione condigna non parentibus. Quæ verò de campanarum pulsatione, & horis, quibus pulsandæ sunt, superius diximus, ad omnes curatas Ecclesias diœcesis respectiuè extendimus; hoc adijcientes, vt Sabatho sancto nullus etiam exemptus, & regularis campanas pulsare præsumat priusquam in Ciuitate eas pulsauerit Cathedralis, & per Diœcesim Matrices, seu Archipresbyterales Ecclesiæ, idque

que sub poena ducatorum centum in Ciuitate, per
diocesim verò vigintiquinq; applicandorum locis
pijs provt de iure debetur.

DE CHORO, ET DIVINIS OFFICIIS.

Tit. XVI. Cap. I.

VT diuinam illam maledictionem vitemus, quæ
seruis Dei comminatur Propheta dicens, Ma-
ledictus omnis qui facit opus Dei negligenter, om-
nem diligentiam adhibeamus oportet in canonicis
horis persoluendis, sacrisque in choro faciendis. Igi-
tur ex sacrorum canonum institutione non solum
reuerenter, & deuotè in chorum accedendum est,
& omnes suis cottis, & superpelliceis induti esse de-
bent pro personarum differentia, & qualitate, verum
etiam ab existētibus in choro silentium omninò ob-
seruari volumus. Singuli in suis sedibus sedeant, & in
ipsis modestè se contineant, non oscitando, aut dor-
miendo, vel manibus, & cubitis complicatis cohæ-
rendo, sed cum omni modestia, & quātum fieri po-
test sanctos Angelos imitando, qui in conspectu Dei
psallunt. Curent habere cottas nidas, & dealbatas,
quòd etiam de collaribus dicimus, & de biretis; quæ
pariter munda, & minime maculata esse debent.
Nullus per chorum vagetur, nisi propter diuinæ rei
seruitium, nec de punctis, causis, mortuorum exe-
quijs, alijsque huiusmodi à procuratore, seu ab alijs
aliquid in choro tractetur, nec aliquis dum diuina
aguntur, horas canonicas priuate recitet, libros, seu
lite-

Ier. 48. b

*C. i. de im-
mun. Eccl.
lib. 6.*

*Ca. in loco
benedict. 5
quest. 4.*

*S. Cyp etc.
b quoniam
exponi Na
uarr. de
orat & ho-
rar. ca. 13.
num. 24.*

Psal. C.
33.

literas legat, aut quoduis aliud faciat, vt de omnibus dici possit, ecce nunc benedicite Dominum omnes serui Domini. Canonicis, & Personatibus siue pluribus, siue vno in chorum accedentibus, omnes alij canonici, & personatus assurgant, & denudato capite eos recipiant, nec sedeant, donec accedens fuerit in propria sede collocatus; quod multo magis erga hebdomadarium, & cantores cum venerint pluuiialibus induti, obseruandum est. Ipse verò accedens cum in medium chori venerit, primum inclinet coram nobis si in choro erimus, deinde omnibus canonicis in dextro choro existentibus, & postea in sinistro, & demum ad suam sedem vadat, in quam cum se receperit, non genuflectat, & orationem faciat ad Altare conuersus, sed statim stet, vel sedeat, prout ceteri sedent, vel stant.

Cap. II.

EX ea parte chori hebdomadarius maneat, & diuinum inchoetur officium, intonentur antiphonæ, psalmi, legantur capitula, orationes, & reliqua per hebdomadarium persoluenda fiant in qua per hebdomadam chori tabella est affixa. Quod si noluerint dignitates, & canonici proprium stallum mutare, eo casu per aliquem alium superiorem, vel inferiorem existentem in choro ex parte tabellæ, hebdomadarij officium adimpleatur; & hoc volumus ita stricte obseruari, vt poenæ vnius ducati sciat se esse subiectum is, qui contrafecerit. In festis duplici


plicibus, in quibus hebdomadarius pluuiali indutus choro adesse debet, si nos in choro erimus, stabit in sinistra parte chori in prima sede, nõ obstante quod tabella chori sit à parte dextra, idque ea ratione, quòd prima sedes post Episcopum danda est hebdomadario pluuiali induto: si verò absentes erimus à choro, pro ipsius chori differentia stabit in prima sede dextri chori, etiam supra Vicarium, vel in prima sinistri, si tabella fuerit in sinistro choro: decet enim (vt dictum est) hebdomadarium sic indutum in digniori loco illius partis stare, in qua officium suum est peracturus. Quod etiam volumus obseruari in diebus sabathi, cum in capella sanctissimæ Deitriæ laudes recitantur. Cantores cum erunt pluuialibus induti, vel sedebunt in primis sedibus inferioribus vtriusque chori, vel in schabellis super omnes alios sedentes in ipsis. Cum erit in choro aspergenda aqua benedicta, dandum incensum, siue pax, si nos erimus in choro, primi aspergemur per ipsum Sacerdotem celebrantem: incensabimur verò, & recipiemus pacem per maiorem ex dignitatibus. In vesperis autem Sacerdos pluuiali indutus, & qui hebdomadarij officio fungitur incensabitur ad Altare, priusquam in chorum veniat: haud enim condecens esse videtur nos post hebdomadarium in choro existentem incensari, vel ipsum hebdomadarium ante omnes incensum non recipere; fiet igitur vt dictum est. Nobis verò incensatis, dabitur incensum Vicario nostro, & demum existentibus in ea parte chori in qua est affixa tabella, prout moris est huius

huius Ecclesiæ. Idem dicimus de aspergendo post nos Vicario, eidemque pacem dando. Cum in choro erimus, dignitates, & canonici in superioribus sedibus stantes, nobiscum qui proximior erit confessionem faciet, reliqui verò inter semetipsos bini, & bini; nobisque sedentibus sedebunt, & assurgentibus assurgent, & similiter genuflectent. Quando verò pro temporum, & festiuitatum exigentia in Sede pontificia maiori, & quæ est proximior Altari stabimus, ea omnia obseruabuntur ad vnguem, quæ in Pontificali Romano præcipiuntur obseruari, dum Missa cantatur Episcopo præsentē. Quare omnino abolemus cæremonias quasdam (sed melius abusus) introductos vt sunt, quod Sacerdos celebrans facta confessione osculetur manum Episcopi, & idē faciat finita Missa postquam Episcopus benedixerit populo: & quodd Episcopo benedicente fiet genuflexus ante eum; & quod grauius adhuc est, incensandi Episcopū priusquam incensetur Sacerdos celebrans; & quod aliquando non sine scandalo factū fuit, incensandi superiorem per ipsummet celebrantem, & alios huiusmodi (vt diximus) abusus, qui veteris, & germanis cæremonijs contrarij sunt volumus enim in omnibus (vt dictum est) eas tantum obseruari, quæ scriptæ habentur, & arbitrarias, voluntariasque cæremonias prorsus omitti.



Cap. I. I. I.

H Vnc etiam vsum in cathedrali nostra infurre-
 xisse cognouimus, quod sæpe sæpius, & ex
 qualibet leuissima causa mutatur ordo diuini offi-
 cij, nec iuxta ritum sanctæ Romanæ Ecclesiæ, &
 noui Kalendarij institutionem recitatur, verum pro
 deuotione quarundam reliquiarum, quæ apud nos
 sunt, & sanctorum particularium, seu in honorum
 alicuius Ecclesiæ, vel Capellæ etiam ruralis, de illis
 sanctis officium fit, quorum reliquæ habentur, vel
 quibus sunt dedicatæ Ecclesiæ, seu Capellæ, quem
 tamen reformare volentes his præsertim de causis,
 quod valde condecens est Romanum sequi ritum,
 volumus, & præcipimus cantori, vt omnino curet
 officium, & Missam celebrari singulis diebus prout
 in ordine Romani officij habetur, exceptis diebus
 festiuis Sancti Philippi de Argirò, Sancti Antonij de
 Hieracio, & Sanctæ Veneræ. Et præterea aliquo-
 rum Sanctorum dies, qui ex antiqua ciuitatis con-
 suetudine sunt festiui; celebrentur non sub simplicis,
 sed sub duplicis solemnitate, vt est festiū Sancti Pan-
 thaleonis, & dies festi Sanctorum, qui sunt patroni
 locorum diocesis respectiue ad loca, & sanctos. In
 reliquis omnibus siue dominicis, siue ferialibus die-
 bus obseruetur (vt dictum est) nec aliter fiat, con-
 sulta prius Romæ sacra Cardinalium Congregatio-
 ne, qui ritibus explicandis sunt præfecti.



Cap. I. K.

Licet oculata fide cognouerimus pauperes admodum, & tenues esse distributiones, quæ canonicis, & capellanis diuinum officium persoluentibus dantur, & nobis cordi sit (Deo auxiliante) illas augere etiam apud sanctam Sedem Apostolicam intercedendo, & procurando: interim tamen haud admittimus quod ab aliquibus dicitur, nolumus accedere, nolumus etiam distributionibus gaudere, quādoquidem si id ab omnibus diceretur, quod fieri facile posset, rem in exemplum deducendo, non haberet Ecclesia canonicos, seu cappellanos, per quos diuina persoluerentur officia. Quare unusquisque per suam hebdomadam curer choro interesse, & illa subire ministeria, ad quæ ex dignitate, & officio tenetur, idque non solum sub pœna, quæ per punctatorem signatur, verum etiam alia arbitrio nostro infligenda in eum, qui negligentissimus repertus fuerit. Singulis sabbathis volumus omnes completorio, & laudibus adesse, quod etiam intelligimus de diebus dominicis, & alijs festiuis: prout in tabella super hoc confecta adnotauimus, indecens enim, & indecorum valde est, ut populo in Ecclesia sacris officijs adistente, canonici, & cappellani, qui ipsi exemplo esse debent, per plateas, & vicos spatientur.

Cap. unic.
de Cleric.
non resi-
den. in 6.

Cap.

Cap. V. Amicus bonus, iustusque
non ordo in angelis illis in singulis

Habet chorus punctatorem suum, cuius vultus partes choro prospicere, ut debito non defraudet obsequio, & absque personarum acceptione negligentes notare, atque distributionibus privare, ita etiam advenientibus in chorum debet auxilio esse, & operam dare, ut illis distributionibus potiantur, quibus negligentes privati fuerunt; hac enim lege cum ad hanc Ecclesiam advenissemus, inter alia, capitulo concessimus, ut puncta de cœtero non applicarentur alijs pijs operibus, prout tempore antecessoris nostri applicabantur. Curabit igitur inter primos choro adesse, & in promptu habere de quo agendum sit officium, & cantanda Missa, & una cum cantore diligentiam adhibere, ut distinctè, & clarè psallatur, sitque psalmodia nec nimis morosa, seu celer, sed mediocri cursu legatur, siue etiam cantetur, & præsertim quod in singulis versibus ea fiant puncta siue flectendo, siue mediando, quæ sunt notata, nec ab alio choro inchoetur versus, donec à priori distinctè antecedentis versus ultima syllaba prolata fuerit. Idem observari volumus ab hebdomadarijs in recitandis capitulis, orationibus, & alijs, ut enim non intendimus eos ad morosam, & prolixam psalmodiam obligare, quæ monachorum, & heremitarum est propria, ita nec censemus satisfacere, & sine peccato horas persolvere, cum ita tractim recitantur, & iam frequenti verborum collisione, ut ab adstantibus vix auditu percipi

*Summistæ
 omnes ver.
 Hora canonica.*

possit, quod dicitur. Qui ad gloria patri primi psal-
mi, seu ad Kyrie in Missa præsens in choro non fue-
rit; signabitur per punctatorem, & priuabitur distri-
butione illius horæ, & Missæ; & licet condonemus
provt cōdonantur singulis hebdomadis his qui sunt
de hebdomada tria puncta, haud tamen volumus,
quodd omnibus eodem die condonentur, vel singuli
eodem die illis gaudeant, sed sat cuilibet esse debet,
vt si ter in hebdomada à choro absentes fuerint, hu-
iusmodi absentiae ratio non habeatur.

droq Cap. VI.

PER totum annum singulis secundis ferijs volu-
mus cantari Missam de requiem cum oratio-
nibus, & responsorio post Missam; quod si propter
festum aliquod fieri non poterit; transferatur in
aliam feriam vacantem; & sciant quod in diebus, in
quibus duæ Missæ dicendæ sunt in choro, non so-
lum Missæ quæ cantatur adesse debent hebdoma-
darii; verum etiam illi quæ legitur adesse tres saltem
ex ipsis; ita enim vna sicut altera est Missa, ad quam
tenetur chorus, & choraliter persolui debet. Caue-
ant ne dum post Missam maiorem horæ recitantur,
vel in Quadragesima vespere eo tempore dicatur
in Altari maiori Missa quarta, quam non nisi com-
pleto officio in choro incipi volumus; idque

sub poena arbitrij nostri transgressoribus;

De cæterò cum nos solemniter

celebrare;

DE

DE SANCTISSIMO MISSAE SACRIFICIO.

Tit. XVII. Cap. I.

Missa, quæ memoriale est peremne passionis Domini nostri Iesu Christi, & qua patri misericordiarum, & Deo totius consolationis incruento sacrificio, filius suus pro nobis immolatus iugiter offertur, omni est devotione facienda, eidemque attente assistendum non solum cum est de præcepto, verum etiam cum ex devotione, vel pia populi consuetudine celebratur. Quare celebraturi Sacerdotes corde puro, conscientia bona, & fide non ficta ad sanctum Dei Altare accedant, & his indumentis ornati, quæ ex sacrorum rituum dispositione requiruntur, populusque qui Missæ dum celebrantur est præsens, cordis humilitate, corporisque compositione tantis mysterijs incumbere debet. Sit igitur accuratus Sacerdos in providendo quæ legenda, & facienda sunt in Missa, ne barbarismis, solacismis, silabarum collisione indecenti, & sordido habitu, aliisque huiusmodi mentes perturbet astantium. Stet etiam genuflexus, vel erectus pro tempore populus, ut cum silentio audiat, & attendat his quæ fiunt, ne evagandi ab eo quod intendere debet, occasionem præbeat Sacerdoti. Curet sacrista quod Sacerdotis indumenta sint munda, non dissuta, non confarcinata: hostiæ albæ, corporalia, & purificatoria nitida, calices, missalia, & reliqua benè composita, ut superius dictum est; nec non canes abijcere, mendicantes, & quæstuarios coercere, eaque om-

Cœc. Trid.

Sess. 22. c. 8

C. 24.

Fbi supra

c. 4. C. 5.

Pius V.

Const. que

incipi. cum

primus.

nia

nia amouere, quæ cum celebrantis, tum adstantis populi deuotionem impedire possunt.

Cap. II.

*Cœ. Trid.
Sess. 22.
dec. de obs
& eius.*

*C. Missarū,
c. sicut
cap. nullus
presbit. ca.
non ap. de
conf. d. 1.*

*C. soluis. de
celebrat.
Missarū.*

*Ca. nullus
Episco. de
conf. d. 1.*

1611. 3. 25.

IN Missarum celebratione ea adhibeantur, & omnino obseruentur ceremoniæ, quæ in Romano Missali in rubrica de ritu celebrandi Missam habentur, & vt vniformis earum vsus habeatur ab omnibus, ad nouæ Missæ celebrationem non admittantur nuper ordinati Sacerdotes, nisi per magistrum ceremoniarum, vel alium cui iniunctum fuerit, Nobis, vel Vicario nostro fides fiat, eos rectè ceremonias didicisse, & absque errore celebrare posse. Obseruetur etiam tempus, & locus, ita vt non nisi Ecclesijs, cappellis, oratorijsq; ad hoc designatis, & approbatis celebretur, nec etiam horis incongruis, vt est ante auroram, & post meridiem, excepta nocte Natiuitatis Domini Nostri, in qua ex sacrorum canonum dispositione in media nocte celebrari potest, quòd de prima tantum, non de duabus sequentibus Missis est intelligendum. Transgressores, & non obseruantes tempus, & locum debitum, suspensionis poenam aliasque nostro imponendas arbitrio sciant se subituros. Celebraturi Sacerdotes ex sacrificia non exeant nisi delatis ad Altare luminibus, & vrceolis, & reliquis quæ sunt necessaria; anulos deponant, nisi sint in dignitate constituti, item lignea calceamenta, & sandalia, & detecto capite sacrum faciant. Nemini peregrino, & ignoto Sacerdoti asque ordinarij

narij sui dimissorialibus literis non solum in Ciuitate, verum etiam per diocesim celebrandi detur facultas; quod etiam de publicè, notorieque criminosis intelligendum est.

Cœc. Trid.
vbi supra,
& Sess. 23.
c. 1.6.

Cap. III.

Certum Missarum, & candelarum numerum, & reliqua quæ superstitionem sapere possunt, à tanto sacrificio omnino remoueantur, & si quos cognouerimus Sacerdotes qui mercede, vel quauis alia causa ducti hæc fecerint, grauiter prout sacra iura volunt in eosdem animaduertemus. Quia verò omnis turpis lucri, & simoniæ labe à Missarum celebratione abesse debet; ideo cuiusvis generis mercedis conditiones, pacta, & quicquid pro missis votiujs celebrandis datur, nec non importunas, atque illiberales eleemosinarum exactiones, potiusquam postulationes, aliaque huiusmodi omnino prohibemus. Hortamur autem in Domino fideles omnes, vt tantum Sacerdotibus celebrantibus eleemosinæ elargiantur, quantum sufficiens sit ad eorum vitam illo die sustentandam, sintque ad minus sex, vel quinque grana monetæ vsualis. Postremò tandem loco Sacerdotes monemus, eisdemque precipimus, vt festiuis diebus, & quando Missa audienda est de præcepto, illis horis celebrare velint quæ commodiores sunt populo, nec enim decet, vt ab omnibus eodem tempore Missæ celebrentur. In parochialibus verò, & Matricibus Ecclesijs, in quibus matri-

Cœc. Trid.
Sess. 22. lo-
co super
cit. no.

Solut. 4. d.
13 q. 2. d. 1
§ quo cir.
Nau. in
summa c.
25. nu. 92.

monio-

Cap. 1. de
conf. d. 3.

Coc. Trid.
Sess. 22. lo-
co sup. cit.

moniorum edicta, vigiliae, festi dies sunt renuncian-
di, & docendus per parochum populus; nullus Mis-
sam celebrare audeat ante ipsum parochum, vel
absque ipsius licentia; nec parocho liceat vel ante
lucem, vel post meridiem celebrare, sed competen-
ti hora, qua populus adesse possit, & signo cum
campana saepius facto secundum loci consuetudi-
nem: quod etiam extendimus ad alias, non tamen
exemptas Ecclesias, seu cappellas, quæ præter paro-
chias in terris, seu casalibus habentur. Et quia ex-
perimento didicimus, quod quamplures propter
executiones, quæ pro civilibus causis, & debitis fi-
unt ab audienda Missa etiam diebus festiuis, & quan-
do est de præcepto retrahuntur, idcirco prohibe-
mus huiusmodi executiones fieri diebus festiuis, nisi
à prandio, & completis Missis, haud tamen in ipsis
Ecclesijs sub poenis in constitutione felic. rec. Gre-
gorij XIII. contentis.

DE MORTVORVM EXEQUIIS, ET SEPULTVRA.

Tit. XVIII. Cap. I.

2. Math.
12.
Iob 2. c

IN sacris Scripturis legimus sanctam, & salubrem
cogitationem esse pro defunctis exorare, vt à
peccatis solvantur, & Thobiam sepeliendo mor-
tuos placuisse Deo. Quamobrem hortamur omnes,
vt parentum, amicorumque, qui ex hoc seculo trā-
sierunt, misereantur, & pro eis elemosinas erogent,
orationes, nec non S. Altaris sacrificium Deo offe-
rant:

rant: vel offerri faciant in ipsorum quoque corporibus hoc pietatis opus exercent, ut ea sepultura tradant. Prosumt quæ pro mortuis sunt ipsis, qui in Domino dormierunt, sed adhuc purgatorij poenis tenentur adstricti. Sepultura verò præterquàm quod nos à foetore, & horrore, liberat, argumentum est futuræ resurrectionis, quando canet tuba, & mortui surgent incorrupti. Pro omnibus in Christo renatis orandum esse diuina suadent iudicia, quæ ut sunt nobis occulta, ita scire non sinunt quisquam odio, vel amore sit dignus. Omnium etiam Christi fidelium corpora sepelienda sunt, præterquam eorum, quibus Ecclesiasticis decretis hoc est interdictum: Quibus autem ecclesiastica prohibita sit sepultura multis habetur in locis, & præsertim quod ea carere debent, qui semel in anno propria peccata confessi non fuerint, & in Paschate sacra communione se ipsos non refecerint. Quare cum de aliquo suspitio suborta fuerit, hæc suo tempore non fecisse, caueant Parochi ab illis Ecclesijs, seu cœmeterijs sepeliendis, nisi prius fide digno testimonio oppositum probatum fuerit. Quod si fuerint peregrini, seu ignoti, rem ad nos deferant, ut de ea deliberemus. Et si quis ex parochis, seu alijs Sacerdotibus ad confessionum audientiam expositis, alicui testimonium falsò reddiderit confessionis, & communionis factæ in Paschate, sciat se non solum suspendendum esse à sacrorum ordinum executione, verum etiam alijs poenis plectendum.

1. Cor. 15.

5

Ro. 11. 4.

Ecc. 9. 4.

Silue. 4.

alijs in st-

mis, 5. se-

pultura, 6.

c. omnis de

panis. 7.

remiss.

Cap. 10.

parte d.

sepul-

Cap. II.

Cap. 1. de
sepult. Cōc.
Lat. Sess. 2.

Clem. vi.
de penit.
S. vi.

U. 1. 12.
de univ.
- 11. 2. 1. 1.
- 1. 1. 1. 1.
- 1. 1. 1. 1.

de Cruce. 1.
de sepult. 1.
de sepult. 1.
de sepult. 1.
de sepult. 1.
de sepult. 1.
de sepult. 1.
de sepult. 1.
de sepult. 1.
de sepult. 1.

Parochis omnibus ius sepulturæ conuenit, quo ne defraudentur sacrosancti Concilij Lateranensis decretis inhærendo, præcipimus omnibus, etiam regularibus, & exemptis, ne quemlibet defunctum priusquam proprio Parocho id significant in suis Ecclesijs, vel locis sepelire audeant, idque sub poenis arbitrio nos ro infligendis. Qua occasione ad memoriam reducimus regularibus sub excommunicationis latæ sententiæ poena cautum esse, ut ad eligendam in suis Ecclesijs sepulturam neminem iuramento obstringant. Cum vero eorum corpora sepelienda sunt, qui cum sint nobilitate, & diuitijs præditi maiorem honorem appetunt, si capitulum, & alij regulares ad exequias conuenerint; suas Cruces tam capitulum, quàm regulares deferant, nec non Contraternitates, & alij, & eo ordine procedant qui nunc in Hieracensi ciuitate, & per diocesim seruatur, Pauperum corpora curabit Parochus, ut sepeliantur ea maiori pietate christiana, qua fieri poterit. Non desint defunctorum hæredes elemosinam, & candelas erogare; & sciant candelas, cereos, & reliqua luminaria, quæ cum mortuis ad Ecclesiam deferuntur, ita illi Ecclesiæ addicta esse, ut absque peccato, & furti nota distrabi hequeant; excepta quarta, quæ de iure, & consuetudine Episcopali mensæ debetur, etiam cum extra Cathedrallem, & in alijs Ecclesijs defunctorum corpora tumulantur. In associandis defunctorum corporibus

si capitulum exit cum toto clero, rationi admodum consentaneum est, ut maiori procedant apparatu, & honore. Quamobrem volumus omnes in Cathedrali Ecclesia, & in choro conuenire, & ex ea Cruce procedente cum suis cottis, & almutijs binos, & binos omnes etiam regulares cum silentio exire, & procedere, & procuratoris capituli erit obseruare eos, qui in Ecclesia non conueniunt, & per iter ordinem perturbando processioni immiscentur. Procedant etiam hoc ordine, videlicet clerici minores, beneficiati, parochi, canonici, & dignitates; nec vnus ordo commisceatur cum alio, ut fieri saepe vidimus. Defuncto ad aliam Ecclesiam quam cathedralem delato, omnes praterquam regulares, & confraternitates, eodem ordine Crucem ad cathedralem associantur; nec alicui liceat a processione discedere absque procuratoris licentia, idque sub poena amissionis elemosinae, quae pro illa vice discedenti obuenit.

Cap. III.

Institutum nostrum prosequendo, quo singulis annis antecessori nostro diem anniuersarium fecimus, volumus ut prima die post defunctorum omnium commemorationem, fiat in cathedrali anniuersarium pro Episcopis defunctis, & secunda die expensis capituli pro dignitatibus, canonicis, & capellanis, qui obierunt. Idem fiat a singulis parochis in suis parochijs, & ab archipresbyteris in Matricibus Ecclesijs, videlicet quod hi faciant cantare: Mis.

ſam prima die pro Episcopis defunctis, & ſecunda pro archiprebyteris, & alijs clericis, quorum corpora in eorum requieſcunt Eccleſijs; illis verò duas Miſſas lectas dicant, primam pro Episcopis, ſecundam pro Parochis, & alijs Sacerdotibus defunctis in eorundem Eccleſijs tumulatis. Idem fieri mandamus ab omnibus confraternitatibus pro animabus fratrum, & ſororum defunctorum. Poſtremò loco hortamur omnes Parochos, & Eccleſiarum Capellanos, eoſdemque monemus in Domino, vt diligenti cura defunctorum corpora cuſtodiant; nec vllò pacto patiantur eorum oſſa extra cœmeteria, & Eccleſias diſpergi; & quod abſque licentia noſtra corpora ab vna ad aliam Eccleſiam transferantur.

DE TESTAMENTIS, ET VLTIMIS
VOLUNTATIBVS.

Tit. XVIII. Cap. I.

Eſa. 38. a **I**Ta omnibus in Chriſto renatis cordi eſſe debet, quod per Eſaiam Prophetam Deo auctore Ezechie Regi dictum fuit, diſpone domui tuæ, quia morieris tu, & non viues, vt tanquam cuilibet ſingulariter dictum, debeant omnes; dum mente, & corpore ſani ſunt, de rebus ſuis diſponere, nec vltimas horas expectare, & in illud tempus incidere, quo nedum infirmitate grauamur, verum etiam dicere poſſumus, circumdederunt me dolores mortis, pericula inferni inuenerunt me, quibus omnibus ita opprimimur, vt dum plura intendimus, mi-

Pſal. 17. a

nor fiat per singula sensus. Igitur de rebus suis omnes, qui de iure possunt, disponant, & illis præsertim personis executionem mandent, quas pietate, & charitate qua fulgent, sibi defuturas non verentur. Quod verò de testamentis condendis diximus, eo magis adimpleri debet, quod cum intestati decedunt homines, nobis ex immemorabili consuetudine ius est acquisitum, ut certam bonorum decedentium partem pijs operibus pro eorū animabus applicemus. Quo circa animaduertant archipresbyteri, parochi, cæterique animarum curam habentes, multum differre quod decedat aliquis, intestatus, vel absq; Sacramentis; & minime tamen propterea quod quis sacramenta suscepit, censendum est testatum decessisse, sed oportet, quod vel scripto per tabellionem, & testes stipulato, de suis rebus disponat, vel coram Parocho, & testibus declaret legata pia, quæ facere intendit, quod dicimus tum ad eorum errorem explodendum, tum etiam ut de cætero maiori zelo Cathedralis Ecclesiæ iura nobiscum prosequantur, & tueantur.

Cap. II *Incipit epistola ad archiepiscopum*

Cum ad hanc Ecclesiam accessimus, inter alia inuenimus prædecessorem nostrum regularibus interdixisse, ne fidelium, confessiones in articulo mortis audirent; quod ut privilegijs eorum, & sacra regularium congregationis rescripto cōtrarium non admisisimus; ita eosdem hortamur in Domino, & monemus, ut quæ iustitiæ, & gratitudinis ergo fecimus,

*ex Archiep.
Hieraceni.
Cōc. Prou.
Nec. de
Testam.*

*Six. 4. in
mare ma-
gno, & alijs
Pontif. in
alijs pri-
uil.*

cimus, grato animo suscipiant, & iuste exequantur: nec enim desunt qui nos admoneant hoc mensæ Episcopali præiudicium asserre posse. Igitur testamentis condendis, legatis ad causas pias faciendis non se interponant, & omnino abstineant à sollicitandis testatoribus, ut potius huic, quam illi pio operi applicentur. Idem dicimus de incertorum restitutione, & dispositione, quæ nobis reservata est.

Cap. I I I.

Gl.in c. 2.
de pæn. &
remi. & c.
cum sit cir
ca finem
de iudicij
de iudicij
de iudicij

e. nos qui-
dem, ca si
here. c. tua
nobis, cap.
Ioan. de
Testam.
Clem. quia
contingit
de reb. dō.
Cōc Trid.
Sess. 22.
cap. 8.

London in
Synodo un-
versali Tr.
de Testamē-
to. v. 2. 2. 2.

95

INter alia quæ ex sacrorum canonum dispositio-
ne, Episcopo sunt delata, præcipuum locum ob-
tinent, quod legata pia suæ fidei, & executioni sint
commissa; idque ne hæredum incuria, seu avaritia,
defunctorum voluntates defraudentur. Quo circa
volentes huic nos ro muneris satisfacere, omnibus,
& singulis tabellionibus, scribis, actuarijs, seu quo-
vis alio nomine nuncupentur, sub excommunica-
tionis poena præcipimus, & mandamus, ut à notitia
præsentis constitutionis intra duos menses teneantur
omnia legata pia, quæ in testamentis per eos condi-
tis, habentur, Nobis, vel archipresbytero, seu Vica-
rio foraneo terriæ, in qua commorantur significare,
ut re quam primum ad Nos delata, ea facere possi-
mus, quæ ad Nos attinent. Deinceps verò post duos
dies, quod testamenta fuerint aperta, & publicata,
idem sub eadem poena significare teneantur in ciui-
tate parochis, in quorum parochijs testatores obie-
runt; extra verò ciuitatem archipresbyteris, sed Vi-
carijs

carijs foraneis, qui nisi velint prænarratam subire
pœnam, intra tres dies Nos de legatis prædictis cer-
tiores facient; quòd etiam intelligimus de Sacerdo-
tibus, qui à personis in extremis constitutis testa-
menta suscipiunt, eademque describunt.

DE PROCESSIONIBVS.

Tit. XX. Cap. I.

Sacrarum supplicationum institutum, quod ab *S. Gregor. Nazianz. serm. de sacr. lum.*
ipsius nascentis Ecclesiæ primordijs initium
sumpsisse credimus, maiori qua fieri potest cordis,
corporisque compositione prosequendum est, tum
ad eas obtinendas grâtiâs, pro quibus altissimo præ-
ces fundimus; tum vt reuerenter astemus Domino,
qui verbis suis est pollicitus, nobiscum in medio fore, *Matth. 18. c*
quotiescunque in eius nomine congregabimur.
Cum igitur siue ex Romanæ Ecclesiæ instituto, siue
ex veteri ciuitatis, & diœcesis consuetudine, vel
quauis alia causa per Summum Pontificem, vel
Nos in dicta Processiones generales habendæ erunt,
præterquam quòd significabuntur, vel concionato-
ris, vel publici præconis voce, pulsatione etiâ cam-
panarum, omnes qui conuenire debent conuoca-
buntur. Conuenient autem omnes clerici, siue secu-
lares, siue regulares sint, & quantum ad seculares at-
tinet, hoc extendimus ad omnes clericos, etiam si
primatū tonsuram tantum habent, item Confrater-
nitates omnes ciuitatis, idque sub pœnis arbitrio no-
stro infligendis his, qui negligentes reperti fuerint.

Horta-

Hortamur Magnif. DD. Capitaneum, Sindicos, & Electos ciuitatis, aliosq; officiales, quod & ipsi prout hucusque fecerunt, conuenire velint. Regulares, & confratres conuenient cum proprijs Crucibus, & Vexillis, & omnes in Cathedralem se recipient, ex qua semper Processiones initium habebunt. Clerici omnes sub vna Cruce incedēt, prout infra dicemus, & singulis erunt talarib. vestibus, & cottis, induti, & cum biretis, nec non almutijs, qui illis vtuntur. Saceris verò vestibus induti erunt cantōres, Sacerdos cum ministris, & alij pro temporis oportunitate. In procedendo omnes incedeat bini, & bini, graui corporis gressu, oculorū compositione, & à colloquijs, & confabulationibus, alijsque puerilibus, risibus scilicet, & cacchinnis abstinebunt; & omnes alacri voce, & hylari corde cantabunt, quę cantanda proponētur.

Cap. I I.

INuenimus in hac Cathedrali moris esse deferre duas Cruces, tam in supplicationibus, quàm etiam in mortuorum exequijs, quòd vt non abrogamus, sic de cetero aliquo ordine fieri intendimus, ne admirationem exteris pariat, & obloquendi præbeat occasionem. Qua propter sub vna Cruce procedet totus clerus, videlicet omnes tam in minoribus, quàm in maioribus ordinibus constituti, nec non capellani, & parochi, sub alia verò canonici, & dignitates. In Processionibus is ordo præcedentię omnino seruetur, qui vsque modo seruatus fuit, &

serua-

seruatur; nec aliqui sub vigintiquinque ducatorum
poena ipsum perturbare audeat, quod etiam intelli-
gimus pro regularibus, & sodalitarum confratribus.
Si qui verò in aliquo se grauatos senserint; coram
nobis compareant ad suas exponendas rationes, nec
quouis pacto auctoritate propria aliquid innouent;
sub poenis vt supra. Quæ vero de processionebus
obseruanda proposuimus, eadem per totam dioecesim,
suis modo, & ordine obseruari decernimus.

DE VITA, ET HONESTATE

CLERICORVM.

Tit. XXI. Cap. I.

CLericos qui in sortem Domini vocati sunt, de-
cet vt præ cæteris omnibus eius obsequijs, &
seruiijs vacent, ipsique placere studeant; quare eos
præsertim monemus, vt non solum bona provide-
ant coram Deo, & hominibus, verum vt sanctus pa-
ter Augustinus docuit, in incessu statu, habitu, & in
omnibus eorum motibus nihil sit, quod aliorum
offendat aspectum. Et ab ijs incipiendo qui clericali
tonsura sunt initiati, iuxta sacrosancti Concilij Tri-
dentini decreta declaramus, quod in habitu, & ton-
sura incedant, & Ecclesiæ inferuiant, si volunt fori
gaudere privilegio, quod etiam de constitutis in
maioribus ordinibus dicimus, hoc addendo, quod
ostendant se ad vltiores ordines progredi velle, &
quàmprimum idonea etate, alijsque requisitis acce-
dentibus, progrediantur. Qui sunt in sacris consti-
tuti

Ps. 15. a

Cap. duo
est 12. q. 1.Cõc. Trid.
Sess. 22. c.
1. de refor.

in regula.

Sess. 23.
c. 6.Clem. quo-
niã, §. di-
gnit. de vi-
ta, & hon.Cõc. Trid.
Sess. 24. ca.
6. de refor.

Sixt. V.
Consti. qua
incip. Sa-
crofan.

tuti omnino talarem vestem induant, & tonsura
maiori vtantur, quàm etiam adhuc maiorem Sacer-
dotibus indicimus, haud tamen æqualem illi, quam
prælati deferunt, & quod eam saltem ter in mense
renouent, vt semper conspici possit. Barbam non
habeant supra labia in retortos, longosque ceros ef-
fluentem, non cuneatam in mento, sed aptè deton-
sam tam in superiori parte, vt corporis, & sanguinis
Domini sumptionem non impediat, quàm in infe-
riori, vt ipsis ornamento alijs vero sit ædificationi.
Bireta deferant non frontî, vel temporibus inclina-
ta, sed capiti æqualiter imposita. Similiter pileos
non piramidales, & qui magis militibus conueniunt,
sed planos, & depressos, & eam latitudinem haben-
tes in gulo, quæ honesta sit. Qui infirmitatis causa
bireto paruo vtuntur cum celebrant, illud ab incep-
tione canonis omnino deponant. Non vtantur col-
laribus crispis, sed simplicibus, & planis, quod etiam
in interulis circa magus, & pulsus obseruari volu-
mus. Reliquus vestitus sit niger, nec sericis vestibus
vtantur, præterquam dignitates, canonici, archi-
presbyteri, & doctores. Duas induant vestes talares
ambas, præsertim si personæ sint capitulares, vel
curatæ, & cum incedunt per ciuitatem, & loca in
quibus habitant; nam iter facientibus breui-
orem, & contractiorem habitum non de-
betimus, dummodo honestus sit, & qui clericis conueniat.

[illegible]

1942

✓

Сам

Cap. 17. *de iurisdictione* *de iurisdictione*

Clericis extra dioecesim exire, & commorari
quavis de causa absque nostra licentia mini-
me liceat, idque sub poena ducatorum decem, & su-
spensionis si celebrauerint, vel sacramenta admini-
strauerint. Abstineant a fabulis, comedijs, choris,
commensationibus, ebrietatibus, & alijs huiusmodi,
quæ eos minimè dedeant interquæ etiam adnume-
ramus quod aues, seu accipitres per ciuitatem, &
loca in quibus habitant manu non deferant: & om-
nino illis interdiciamus taxillorum, & alçarum lu-
sum, sub poenis in sacris canonibus contentis, alijsq;
nostri arbitrij, quibus etiam eos subiacere volumus,
si spectatores tantum, & non iutores fuerint, vt no-
stris edictis cautum est. Arma tam defensiva, quàm
offensiva, tam prohibita, quàm non prohibita absq;
licentia nostra in scriptis habita, nullo pacto deferre
audeant sub poena ducatorum vigintiquinque, &
carceris, quibus etiam significamus, quod vnus te-
stis dictum, fide tamen digni, seu nostri algozeni
sufficiens erit ad procedendum. Pro maiori autem
obseruantia concedimus omnibus capitaneis, magi-
stris iuratis, & algozenis tam ciuitatis, quàm dioce-
sis, vt si quos nocturnis horis inuenerint arma super
se ipsos deferre absque licentiâ nostra, illos capiant,
& eis arma auferant, quæ præsentî decreto, & ex-
tunc pro captura illis consignamus. Et si hoc acci-
derit in ciuitate, illos ad nostras carceres conducant;
si verò per dioecesim, ad baronales, & totius facti

Toto vide
vita, & bo-
nest. clerici.
& Concil.
Trid. Sess.
22. c. 1. &
Sess. 24.
cap. 12.

cap. clerici
de vita &
bon. cleric.

*Nelle suppli-
che delle
Città ec-
clesiastiche nel di-
stretto del vn-
uerso Ray:
Della Camera
apostolica
Roma Cle-*

*ria colli au-
roria di
del Bonardi
ma qui no
se ne por-
ta*

N 2 suc.

*se per ne s'intende quel porcare
in mano p. iurato etc. Accipitres*

de cætero cum eisdem habitent, versentur, neque etiam eas alloquantur, idq; sub pœnis in sacro Concilio Tridentino contentis, alijsque arbitrarijs; pro delicti, & personæ qualitate, quibus etiam protesta-
mur nullam nos admissuros esse excusationem, quod sunt senes, impotentes, quodque cum illis commercium non habent, nec peccant. &c. Qui verò fragilitate propria ducti, & aliorum pœnis minime perterriti concubinas, seu meretrices retinent, de quibus adhuc non fuerunt inquisiti, ab huiusmodi de cætero cauant, ne cogamur eos pœnis à sacris canonibus comminatis affligere. Demum recordentur status, & officij proprii, & vanis relictis, sacramentorum, caeremoniarum studio, sacræ Scripturæ, nec non casuum conscientiarum vacent, ut Deo seruire, & proximo beneficio esse possint.

*Sess. 25. ca.
14. de re-
form.*

DE CAPITULO, ET PROCURATORE

Tit. XXII. Cap. I. **H**ic agitur de Capitulo, & Procure-
tore. **C**onstat capitulum hieracense ex octo dignita-
tibus, & sedecim canonicis, quem numerum
nec diminueri, nec augere intendimus, prout etiam
nec posse credimus: optamus tamen, ut quemad-
modum alijs omnibus proximiores sunt Episcopo,
ita bonitate vitæ, prudentia, & doctrina ceteros an-
tecellant, ut in omnibus ipsi consilio, & adiumento
esse possint. Studeant igitur se tales reddere, nec
non cathedralis Ecclesiæ, cuius sunt præcipua mem-
bra curam habere, ipsique in horis canonicis, & Ec-
clesiæ

clēsiae obsequio inferuire, se ipsos inuicem diligere, honore praeuenire, & ea æmulari, quæ sunt charitativa meliora, bonorum capituli fideles administratores esse, ac illis satisfacere debitis, quibus ex proprio officio, & piorum legatorum dispositione tenentur. Impensis canonicorum, qui nunc superstites sunt, sacristiam pro parte restituiimus, eorundemque accommodauimus vsui, quorum exemplum ut sequantur posterius, hortamur eos, qui de cætero in eorum consortium erunt eligendi, ut primo assumptionis anno quatuor, aut tres decatos ad minus pro sacristiæ reparatione expendere velint, & eas imitari Ecclesias, in quibus canonici de nouo assumpti hoc grati animi, & honoris etiam ergo libentissimè faciunt.

Cap. II.

Habet Capitulum vnum procuratorem cum duobus deputatis, quorum est negocia ipsius tractare, & de quibusdam leuibus disponere; nam grauiora ad ipsum sunt referenda. Procurator eligitur singulis annis, vel confirmatur, ut tamen nihil desit officio nostro eorum, quæ pro beneficio capituli decerni possunt, præsentis constitutione sancimus ne ille, qui currentis anni procurator electus fuit, possit nisi per alium annum confirmari, ita ut biennio tantum administret; & qui procuratoris officio sunt functi, ad idem non reassumantur, nisi post decennium. Quod si aliquis contra huius decreti formam electus fuerit, eius electionem ex nunc, prout

provt, ex tunc cassamus, eidemque administrationem dicti procuratoratus officij interdiciamus sub poena excommunicationis, & ducatorum centum. Huic tamen decreto non ob stare declaramus veterem capituli nostri morem, quo procurator in fine officij sui duas personas eligendas proponit, deinde decanus vnā, & successiue singuli ex dignitatibus, & canonicis vnā, pro quibus omnibus sunt eodem ordine recipienda vota, quo fuerunt propositæ, dummodo illæ non proponantur, quibus huius decreti forma est contraria. Procurator fideliter negotia capituli peragat, & æqua lance bona distribuat, provt distribui debent; & in fine sue administrationis futuro procuratori intra mensem rationem reddat, ab eoq; cum deputatis præteriti, & futuri anni significetur in scriptis, & significatoria manu nostra sit subscripta, & sigillo ob signata, idq; sub poena ducatorum viginti quinque tam excusati ab officio, si rationem non reddiderit, quā nuper electo, si in ea requirenda negligens fuerit.


Cap. II. I.

AD capitulum ex antiqua huius Ecclesiæ consuetudine non pulsabitur campana, nec ipsum villo pacto congregabitur absque licentia nostra, vel generalis Vicarij, cum nos abesse contigerit; volumus enim & nos quandoque ipsi adesse, & negotia pertractanda scire, præsertim cum ea sunt, in quibus de nullo interesse nostro, aut nostra me-

florant

sa cum

præest; procurator capituli proponat, quæ sunt proponenda. Quò facto quilibet suo loco, & ordine dicat quæ sibi occurrunt rationes pro, & contra, & causa ab omnibus discussa reddantur vota per fabas albas, & nigras, quibus receptis, & facta collatione numeri existentium in capitulo ad numerum votorum, si repertus fuerit numerus maior fabarum albarum, intelligatur conclusum pro affirmatiua, sicut per oppositum pro negativa: & si aliter de cæterò factæ fuerint conclusiones, illas nunc, prout ex tunc tanquam inualidas, & nullas cassamus, & annullamus, nec Notarius aliter factas describat, sub poena ducatorum decem, & priuationis officij. Dum de causis disseritur nemini liceat locum mutare, ab hac ad illam partem discurrere, vota procurare, alicui iniuriam inferre, seu quouis modo libertati eorum, qui reddituri sunt vota, violentiam facere, sub poena contrasacienti amissionis omnium fructuum illius anni. Ut autem à prædictorum obseruatione, quæ ad maximam inter capitulares personas pacem, & capituli commodum pertinent, aliquis per ignorantiam excusari nequeat; procuratoris erit curare, ut semel in anno, videlicet in die qua confirmandus, vel nouus est eligendus procurator, hæc quæ de capitulo, & procuratore diximus, publicè omnibus telegantur.



DE PAROCHIS, BENEFICIATIS,
ET CAPELLANIS.

Tit. XXIII. Cap. I.

*Cle. Trid.
Sess. 23. c.
1. de ref.*

*c. cum ex
eodem de
cler. in 6.*

Parochi, qui vnà cum Episcopo in partem sollicitudinis sunt vocati, & quibus pascendi oues Christi est demandata cura, omnem debent diligentiam adhibere, vt fideliter suum exerceant officium. Igitur ipsi præ alijs lectioni sacrorum canonum, casuum conscientiarum, & constitutionum huius Synodi incumbant, earum præsertim, quæ ad sacramentorum administrationem, & eorum auctoritatem pertinent. Nostram iurisdictionem, & multo minus summi Pontificis haud usurpent, vel ledant, in his præsertim quæ ad conscientiarum forum spectant; alijs parochis non sint infesti, aut eos quouis modo perturbent, regularium priuilegia non offendant, nec ab eis quæ sunt parochorum, vindicari sinant. Sint solliciti, & prouidi tam in persoluendis diebus festiuis Missis, his horis quæ populis commodiores erunt, quam in renunciandis hebdomadæ festiuitatibus, & ieiunijs, nec non visitandis infirmis, & cum oportuerit sacramentis administrandis. A proprijs curis non discedant nobis in seijs, & non relictis Vicarijs, seu substitutis ijs, qui per nos fuerint approbati. Qui in ciuitate commorantur per singulos menses nos teneantur adire, & spectantia ad suas parochias docere, qui verò in diocesi bis in anno, eo tempore quo eis magis commodum fuerit, idque sub poena contrasacientibus ducatorum decem, quod etiam

de

de capellanis curam animarum gerentibus intelligi volumus. Doctrinam Christianam doceant, & diligenter notent concubinos, vsurarios, aliosque facinorosos homines, & presertim qui in paschate non fuerint confessi, & sacra communione refecti. Idem faciant erga sponfos, & sponfas, qui ante edictorum publicationem, & matrimonij contractum inuicem se cognouerint, aut insimul habitauerint, seu conuersati fuerint, deque omnibus nos, seu Vicarios foraneos certiores faciant. Multa quæ ad ipsos attinent superius dicta, breuitatis studio omittimus, ad illa nos metipsos referentes.

*Cœ. Trid.
Sess. 5. cap.
2. de ref. et
Sess. 24. c. 2*

Cap. II.

Qui beneficia habent Ecclesiastica cuiuscunque; illa sint tituli, meminerint se ad canonicas horas persoluedas obligatos esse, sub poenis in constitutione Pij Quinti fel. rec. contentis; nec non iuramento se obstrinxisse bona Ecclesiæ non alienaturos, quinimmo pro viribus ea, si quæ alienata fuerint recuperaturos. Omnino ut superius dictum est inuentarium bonorum Ecclesiarum, seu capellarum conficiant, & ad nos transmittant, sub poena amissionis decimæ partis fructuum vnus anni, applicandorum reparationi dictorum beneficiorum, & alijs locis pijs; nec eos excusari volumus, quod alias huiusmodi inuentaria construxerint, quia intendimus in vnum, vel duo volumina omnia tam Cathedralis, quam aliorum beneficiorum bona cum

Quæ incipit ex proxi.

Cap. III.

fuis confinibus, & terminis redigere. Sciant se tene-
 ri ad Ecclesiarum reparationem, & quòd fructuum
 restitutioni sunt obnoxij, eo quòd redditus omnes
 in alios vsus expendunt, & beneficia vel sunt diru-
 ta, vel in dies ruinam minantur. Quare ea quæ in
 præcedentibus tam à nobis, quàm à prædecessore
 nostro visitationibus sunt mandata, exequantur, nisi
 velint nos acriori iudicio cum ipsis agere, præsertim
 quòd semel, & bis eis condonauimus transgressio-
 nem termini, qui fuit Ecclesiarum reparationi præ-
 scriptus. In diebus festiuis Ecclesiarum, seu capel-
 larum ea adimplere studeant circa Vesperarum, &
 Missarum, aliarumq; solemnitarum celebrationem,
 ad quæ tenentur; alioquin æconomum deputabi-
 mus, qui eorundem beneficiorum impensis hæc
 adimplere curèt. Demum omnes diligenter ea ob-
 seruent quæ debent, præsertim circa numerum Mis-
 sarum tam per annum, quàm per mensem, siue heb-
 domadam dicendarum, quas omnino siue per se ip-
 sos, siue per alios persolvere habeant, idque sub pe-
 na deputationis æconomi, vt dictum est.

DE SEMINARIO.

Tit. XXIIII. Cap. I.

sess. 23. c. 8

*Laudat in
 synodo vin-
 cerni in p.
 135. =*

INter alia quæ pro morum reformatione sacro-
 sanctum Concilium Tridētinum decreuit, haud
 contemnenda, vel infimo loco reponenda est semi-
 narium instituto: ex ipsis enim iam erectis pro-
 dierunt, & in dies prodeunt clerici, & Sacerdotes
 mori-

moribus, & literis insigniores, quique disciplinam, quam docti sunt retinentes, eam in animarum seruitium impendere curant. Quo circa ut huic etiam muneri satisfaceremus, quam primum ad hanc Ecclesiam accessimus, nihil nobis ita cordi fuit, quam Seminarium à bo. me. Andrea Candida Episcopo Hieracensi anno Domini M. D. LXV. institutum, reassumere, atque eius redditus ad eam taxam, quæ in ipsius prima institutione imposita fuit, exigere. Et iam Deo dante domus emimus. Ludi Magistrum, Cantorem prouidimus, nonnullosque erudiendos elegimus, non absque spe meliora in dies faciendi, si vires suppetierint. Hortamur itaque omnes, ut prompto, & alacri animo huic operi nobis sint auxilio; qui tametsi grauib. operemur pensionibus, nihilominus summo opere delectamur huiusmodi contributione. Ut verò exigui redditus maiori quo fieri potest emolumento expendantur, nec ex morosa solutione eorum qui soluere habent, cogamur extra tempus, & etiam carius emere quæ oportet, de cætero volumus, quod in tribus tertijs ad summum, portiones quæ à singulis beneficiatis debentur, soluantur, videlicet in Paschate, Augusti mense, & Natiuitate Domini. Qui verò vnica, vel duabus tantum solutionibus hoc fecerint, nobis magis gratificabuntur, dummodo id faciant in mense Augusti, & non expectent ad finem anni. Protestamur autem omnibus, & singulis, qui morosi erunt, quod eorum expensis mandata, & executoria, si quæ necessaria fuerint, expendantur.

manu scriptum *Cap. II.* *De seminariis*

Q Via comparatis seminarij redditibus ad numerum clericorum pauperum, qui tam in ciuitate, quam per dioecesim reperiuntur, dicere possumus, sed hæc quid sunt inter tantos? ne contingat qui primitus electi fuerunt, illos tanto temporis spatio in eo commorari, vt secundo loco eligendis vix suppetat tempus: ideo nolumus minores quindecim, nec maiores viginti annorum in seminarij alumnos assumi. Hi vero erunt legitimis natalibus orti, pauperes, & qui aliunde non habeant, vt sustentari, & addiscere possint. Et cum paucos admodum propter vicissitudinem mensium, alijsq; de causis de beneficijs providere possimus, & assumendi eo fine eliguntur, vt in Sacerdotes promouentur, haud extra rem erit cognoscere, si ex patrimonio, vel donatione sustentari poterunt, cum erunt ad subdiaconatum prouehendi. In seminario commorabuntur vsque ad quartum annum, nisi vel eorum ignauia, vel mali mores aliud suaserint; quapropter curabimus eos eligere, de quorum vite bonitate, & ingenio spera habere possimus proficiendi. Haud tamen propter hoc excludimus diuites, dummodo bonæ sint indolis, & qui proprijs sumptibus sustineri velint; quod non intendimus fieri excultis, & poculentis, quotidie per parentes transmissis; sed conuentione facta cū seminarij procuratorib. de huiusmodi expensis, & re nobiscū collata, quādo quidē volumus in seminario omnes communē vitam agere.

Cap.

Ioan. 6. c

*Cōc. Trid.
vbi supra.*

Rectoris erit curare ut honestè, & modestè vi-
 uant non solum ipsi alumni, sed etiam om-
 nes qui illis quouis modo inferuiunt; & si quid scan-
 dali occurrerit, ad nos referre. Curabit insuper ut
 singulis mensibus semel saltem confiteantur pecca-
 ta sua, vel ipsimet rectori, vel confessorio per nos
 deputando, & pro arbitrio eorundem, sacram-
 Communionem recipiant, quod optamus fieri in-
 celebriori solemnitate illius mensis, & in Missa ma-
 iori Cathedralis Ecclesiæ. Singulis diebus Missam
 audient omnes simul, & in festiuis de præcepto ad
 Cathedralē conveniunt, ut horis canonicis, & Mis-
 sâ intersint; quibus etiam locum assignamus in vlti-
 mis scabellis, ex parte tamen superiori chori. Volu-
 mus etiam quod ad processiones generales acce-
 dant loco, & ordine eis per nos deputando, simili-
 ter ad defunctos sepeliendos; si tamen à defuncto-
 rum propinquis requisiti fuerint, & aliquid plus vo-
 luerint exponere, ne huiusmodi accessus onerosus
 sit alijs, quibus iam est acquisitum ius in eleemosi-
 nis. Cætera ad eorum convictum opportuna, in pro-
 prijs seminarij regulis habentur, quas addimus, &
 a quarum observatione ut per ignorantiam
 excusari nequeant, volumus quod per
 singulas hebdomadas semel in
 communi legantur, dum sunt
 in mensa.

DE CLERICIS, QVI VVLGARI NOMINE:
 DIACONI SYLVESTRES
 NVNCVPANTVR.

Tit. XXV. Cap. I.

*c. 1. de cle-
 ric. coniug.
 in 6. c. 10.
 extr. de
 cler. coniug.
 Cōc. Trid.
 Sess. 23. c. 6*

EX antiqua admodum, & immemorabili p̄edum
 diocesis huius, sed totius Prouinciæ consue-
 tudine adfunt pro seruitijs Ecclesię, & mandatorum
 Curia Episcopalis executione Clerici, qui Diaconi
 syluestres dicuntur, quibus non prohibetur coniu-
 gatos esse, & fori, & canonis priuilegio gaudere, es-
 sequē a solationibus capitalibus (dictis) exempti.
 Hos decet vt tonsura, & habitu ostendant se cleri-
 cos esse, more tamen loci circa habitum seruato,
 volumus autem quod omnino collaribus vtantur
 planis, similiter pileis, & per Ecclesiam biretis cleri-
 calibus, & quod vestes longiores alijs laicis deferant,
 & seruitijs Ecclesię vacent, nec non Vicarijs fora-
 neis, seu alijs rectoribus, vbi non sunt Vicarij, ad
 nutum obediant, præsertim cum illos ad nos trans-
 mittere volunt. Eorundem est campanas pulsare,
 Ecclesias verrere, luminaria accendere, solles cum
 organa pulsantur tractare, ignem pro thuribolo in
 Ecclesia præparare, Missis seruire, Crucem ad fu-
 nera deferre, in diebus festis laborantibus, eosque
 non seruantibus executionem facere, quarum deci-
 mam partem illis assignamus, vt in hoc magis inui-
 gilent, & attendant: & demum ea omnia facere,
 quæ tam ex lege, quàm ex consuetudine ad eorum
 officium spectant. Horum diaconorum numerum

DE

vt non

ut non auximus, ita nec diminuere volumus. Nulli igitur Vniuersitati liceat, sub interdicti poena, eos propria auctoritate cassare, aut reijcere, etiam sub pretextu alios reponendi magis idoneos, nobis in-consultis, & causis non expositis cur eos mutare velint, nec enim deerimus iustitiæ, aut gratiæ, prius causa cognita.

DE VICARIIS GENERALI, ET FORANEIS.

Tit. XXVI. Cap. I.

Generalis Vicarius licet potestatem habeat ordinariam, haud tamen decet eum in omnibus parem esse Episcopo; quare nobis presentibus cum ipsum abesse contigerit, nolumus alium nobis in-consultis substituere posse, & similiter cum in ciuitate, fuerimus à censuris, & casibus reseruatis absolueret, seu absoluendi facultatem concedere, præsertim si ad effectum reuelandi facta fuerit excommunicatio; quod etiam dicimus de grauioribus quibusdam, super quibus moeritò consulendus est Episcopus. Diligenter aduertat ne plus æquo, magistri actuarij, vel reos, vel actores in causis agendis grauent, & pauperibus personis, quæ longam iudicij telam contexere nequeunt, summariam quantum fieri potest iustitiam adipisceret. Arguendo, obsecrando, increpando in omni patientia, & doctrina suum exerceat officium; semperquæ præ oculis habeat, quod quemadmodum capiti est coniunctum colum, ita & ipse, ut est Episcopo proximus, eidem in

-1003 sh. 2. 2
-1003 sh. 2. 2
-1003 sh. 2. 2
-1003 sh. 2. 2

ca. 11. c. 11
seq. de po-
rest. Vic. in
6.

et id

P

omni-

*c. 2. de con-
sue. ext. ca.
romana de
appe. in 6.*

omnibus præsto esse debet, qua de causa sapientissi-
me dictum est Vicarium cum Episcopo vñum tri-
bunal efficere. Ipsi tanquam nobis obediant omnes;
eumq; revereantur, quem etiam hortamur, vt om-
nes paterno recipiat affectu; & filios castigare non
vereatur, esse inobedientes fuerint, vel contumaces.

Cap. II.

DE VICARIIS GENERALIBUS ET FORANIS.

Vicarios foraneos in diuersis diocesis locis eos
esse volumus, quos ipsi deputabimus, & cum
eâ facultate, quam eis concedendam fore iudicaue-
rimus. Horum est omnium suæ iurisdictionis curam
habere siue clerici sint, siue etiam laici; & contra
quos inuenerint, vel sciuerint deliquisse super com-
missis, seu omisis, informationem suscipere, & ad
nos transmittere. Si quando verò casus talis occur-
rerit, qui fortè melius secretò tractari poterit, nobis
id significent, habituri mandatum super procedendi
modo. In grauioribus excessibus, & cum repertis
in fragranti, & præsertim si timetur de fuga, quam-
primùm carceribus, vel sufficienti cautione, omni-
no curēt asscurare se de persona; idque sub eadem
carceris poena si contrafecerint. Animaduertant, vt
diaconi syluestres suo non desint officio, nec tamen
insolenter illud exequantur. Curent sub poenis su-
perius expositis, vt beneficiati eorum iurisdictionis
quamprimum inuentaria conficiant, vt dictum est.
Non ab re erit, si semel saltem in mense curatos cō-
gregabunt, & cum ipsis consilium habebunt super
his,

his, quæ pro fidelium salute, & vitiorum extirpatione fieri à singulis in proprijs curijs opportunum esset. Demum constitutiones has præ manibus habeant, sibi que metipsis familiares faciant, curentque pro viribus eas executioni mandare.

Neminem prædicare sinant, qui non fuerit à nobis, vel Vicario nostro approbatus; aduenas, suspectos, vel statim eijciant, vel etiam si id iudicauerint oportere, carceribus mancipent. Idem faciant, cum portantibus saccululas plebas libellis, orationibus, cantu, aliisque huiusmodi, quæ doctrinam prauam, bonisque moribus contrariam continere solent. Sacerdotes externos celebrare non permittant absq; Ordinarij diuinitatibus, nec Sacramenta administrare sine licentia nostra. Cuiusvis ordinis regulares, quos repererint absq; suorum superiorum licentia vagare, statim eijciant, & si non paruerint, carceribus mancipet: iuxta Sixti Quinti fel. rec. constitutionem, & sacre Regularium Congregationis decretum. Quæstuarios omnes, quos inuenierint absque licentia, & approbatione nostra prædicare, indulgentias publicare, elemosinas quærere, in carceres conijciant, ablata ab eis pecunia, quam collegerunt, & de huiusmodi executione quamprimum nos certiorem faciant; multos enim iam cognouimus indulgentias, quas non habent publicare, & sub pietatis specie homines Christi sangui-

*Cœc. Trid.
Sess. 5. c. 2.*

*Vbi supra
Sess. 23. c.
16. de ref.*

*Incipit cœ
de omnib.
Vbi supra
Sess. 5.*

ne redemptos decipere. Si ad eos declinauerint fabricæ principis Apostolorum commissarij, priusquã nos adierint diligenter inquirant quid velint, tentent, quærant, nobisque quam primum significant. Super controuersijs, quæ ratione præcedentiæ; quartæ, alijsque huiusmodi oriri possent, nihil definiant, sed mandato facto partibus, ut eo exequatur modo, quo olim fiebat, rem ad nos cum informatione transmittant. Curent obseruari dies festos, & Ecclesiæ mandata; reliqua verò eorundem prudentiæ; & iudicio committimus.

DE SANCTIMONIALIBVS, ET EORVNDEN MONASTERIIS.

Tit. XXVII. Cap. I.

2. Cor. 10.
d

Con. Trid.
Sess. 25. c.
11. de reg.

SANCTIMONIALES virgines Deo dicatæ, ut à populo omni honore sunt prosequendæ, ita & ipsæ memores semper Christo desponsatas esse; tales se exhibere debent, ut tanquam res sacras eas veneretur, nec minimum quid de eis suspicari, aut obloqui possit. Quamobrem sicut regulam vitam elegerunt, quam etiam professæ sunt, & clausuræ legibus semetipsas obstrinxerunt; ita moribus, & vita, ab omnibus sæculi vanitatibus, & pompis alienæ esse debent, solius Dei seruitio semper intentæ. Regulam quam sunt professæ diligenter obseruare studeant, nec non sanctos viros, sanctasque virgines, quæ sub ea profecerunt, imitari, eorumque exempla attendere. Sique igitur à regulari obseruantia deflexe-

runt,

runt, eandem reassumere non negligent; & quæ ad reformationem pertinent, tam in sacra Tridentina Synodò adita; quàm in alijs constitutionibus, executioni mandare curent. Vota quæ vouerunt Domino reddant; ceremonias Ecclesiæ, Psalmodiam; diuinum recitare Officium addiscant, cæteraq; mulierum exercitia haud scire negligent, ne ociosam vitam agant, quæ multam malitiam docere solet.

Eccl. 33. d

Cap. II.

IN quolibet Monasterio adsit Abbatisa canonica electione electa, circa cuius ætatem, qualitates, electionem, & cætera, nec nō durationis officij tempus ea obseruentur, quæ in Concilio Tridentino, & constitutione Gregorij XIII. sanctę memoriæ habentur. Post Abbatisam sit Vicaria, quę eius vices suppleat, eiquæ in omnibus sit adiumento; & hæc una sit ex senioribus; & magis discretis. Volumus quouquē dispensatricem adesse, cuius sit redditus Monasterij recipere, & exponere, illorumq; rationem reddere; cui si iudicauerit Abbatisa bonum esse sociam adiungere, id nos etiam melius fore arbitrabimur. Adsint aliæ officiales pro loci, & personarum opportunitate, nec non quatuor, vel sex ex senioribus monialibus, sine quarum consilio Abbatisam de grauioribus Monasterij negocijs disponere nolumus, & hoc consilium seniorum congregari volumus, non obstante quod res, de qua agitur absque licentia nostra, non sit executioni mandanda. Inuenimus in-

fingu-

*Sess. 25. c. 6
7. Incipit
expositio
debitum.*

*37. 2
5. 11*

singulis Monasterijs procuratores clericos, qui eo-
 rundem negocia tractant: & vt laudamus hoc insti-
 tutum, ita aliarum personarum, nobis experiendarum sunt. Qua-
 re mense Augusti proximo elapso, volumus quod
 singuli mutentur, alijque in eorundem locum suffi-
 ciantur clerici similiter, qui in posterum non nisi per
 triennium in dictis officijs perseverabunt; & ad om-
 nes clamores, supplicationes, quærelas, inquierudi-
 nes tollendas, ex nunc, prout ex tunc illos cassamus,
 & eo tempore elapso, cassatos esse declaramus. Vo-
 lumus tamen quod propriè administrationis ratio-
 nem reddant, & significantur scriptura manu po-
 stra subscripta, sigilloque obsignata.

Cap. I I I. De monachis & de alijs personis in
 Monasterijs habitantibus.

In X.

QUæ in sanctimonialium numerum, & consor-
 tium recipiendæ erunt, ætatem, & qualitates
 præscriptas à sacra Tridentina Synodo ha-
 bere volumus, & quod ex eiusdem decreto exami-
 nentur, liberæ nè, an coactæ hoc vitæ, genus eli-
 gant. A maiori professarum numero acceptari de-
 bent; & cum primum religionem ingrediuntur, vo-
 lumus aliquo habitu ab alijs distingui, per quem
 assignetur eis annus probationis, quo elapso, profes-
 sionem emittant; nec enim probamus, quod omni-
 nò seculares vestes induant, quemadmodum mulie-
 res laicæ, quæ in Monasterijs degunt, & hucusque
 Hieracijs, haud absque abusu, factum est. Quicquid
 pro earum dote dandum erit, siue pecunia sit, siue

stabili-

stabilia bona, nec distrahat, nec alienetur, aut à monialibus recipiatur, sed pœnes fidelem personam deponatur, ut cum professæ fuerint Monasterio cõsignetur, sub pœnis in sacra Synodo Tridentina, & Congregationis super eandem, siue etiam Prælatorum decretis contentis; interim parentum erit eas educare, & de necessarijs providere. Præter dotem assignanda erit suppellex sufficiens pro loci, & personæ consuetudine, & qualitate. Nulli sanctimonialium liceat redditus eorum bonorum, quæ pro earum dote assignata fuerunt per semetipsam administrare, etiam sub prætextu quod in communem alijs non viuat, idque sub pena, quæ religiosis proprietarijs debetur. Siquid verò citra dotem à parentibus eis datum fuerit, quod pro annuo redditu computari possit, volumus in commune depositum recipi, & de licentia nostra pro ipsius monialis necessitatibus expendi. Elapso probationis anno, examineq; prius peracto, profitebuntur in manib. Nostreis, vel Abbatissæ, suo tempore sacrum velum susceptræ. Curent Abbatissæ in singulis Monasterijs adesse libros, in quibus conscribantur nomina, cognomina, parentes, dies, & annus, in quo singulæ in sanctimoniales receptæ, annum probationis inceperunt, & suo tempore sunt professæ, nec non quid in dotem Monasterio dederunt, & quotannis à professione elapsis, sacrum velum susceperunt.

*Sess 23 63
Pius V.
Const. quæ
incipit cir-
ca pasto-
ralis.*

*Cõc. Trid.
ubi supra.*



Cap. I V.

VT non improbamus quòd in monialium Monasterijs æducationis causa puellæ retineantur, & cum sanctimonialibus commorentur; ita nolumus eas Monasteriorum expensis sustentari, & præsertim cum experimento cognouerimus, quòd plerumquè parentes earundem obliti, de omnibus magis, quàm de illis cogitant, ipsæque annis gravatæ, & fere sene, nesciunt an ad sæculum sint redituræ, vel moniales futuræ. Quo circa cum voluerint aliqui filias, sorores, nepotes, seu quasvis consanguineas, aut affines in Monasterijs educandas collocare; post habitum à maiori moniali parte consensum nec non pacta mercede, quam pro eius victu Monasterio solvere debent, à sacra Congregatione Romana, quæ Episcoporum negocijs est præfecta, licentiam obtinebunt eas introducendi, vt id suo tempore fieri possit si tamen requisitæ concurrant conditiones. Declaramus verò nos omnino velle abusum qui insurrexit abolere; quo in magnum Monasteriorum præiudicium, qui puellas educandas tradunt, vel singulis hebdomadibus, vel etiam diebus, victum subministrant, sed volumus quòd vel in pecunia numerata, vel in tot victualijs tribuant, quicquid pro earum sustentatione oportet, idque singulis annis, vel semestribus anticipata solutione, pro qua etiam aliquis ex clericis fideiubeat. Nec intendimus quòd in posterum huiusmodi siue pecunia, siue victualia sint, particularibus monia-

monialibus consignentur, sed Abbatissis, quarum sit de puellis educandis, ut de alijs monialibus curam habere; indecens enim valde est, ut sanctimonialis, quæ pauperatē est professa, in secularis puellæ seruitium proprietaria uiuat. Volumus etiam, quod de cætero ultra victum puellæ introducendæ, præbeant parentes singulis annis tres ducatos pro Monasterij reparatione, quod pro secularibus, sicut pro monialibus quotidie consumitur, & aliqua indiget restauratione, & auxilio; Demum habeant Abbatissæ librum, in quo huiusmodi puellarum nomina, cognomina, ætas, parentes, sint descripti, nec non prouisio, quæ pro ipsis alendis fuit assignata, & nomina eorum, qui fideiusserunt cum die, & anno, alijsque requisitis.

Cap. V. Nolo ob idcirco uiuere

Post vororum observationem quæ essentialis est sanctimonialibus omnibus, nihil illis ira cordi esse debet, ut claustralis clausura, de qua Summi Pontifices, sacra concilia, & præsertim Bonifacius VIII. Et Tridentinum Concilium multa cum prudenter, tum iustè sanxerunt, grauissimis apposis poenis eam quouis modo violantibus. Quare ut iam ordinauimus, volumus hostia, & portas Monasteriorum duabus muniri clauibus, quarum quæ in interiori est parte, poenes Abbatissam perpetuo seruetur, quæ vero in exteriori, sub cura sit discretæ, aliquius, & honestæ personæ, quæ de mane sole iam

*c. periculo
so de stat.
mo. 16.
sess. 25. c. 5*

Loup 20

Q

orto

orto ipsam aperire, & in sero occidente claudere curabit. Insuper erunt in singulis Monasterijs deputate vna, vel duæ moniales ex senioribus, magisque discretis, quæ ianitrices officio fungantur, dummodo eæ non sint quæ sorores; aut neptes in eisdem Monasterijs habeant, & his exceptis, vel absentibus, nulla audeat hostium aperire, vel ad ipsum accedere, sub carceris poena. Si cui ex sanctimonialibus, vel puellis, necesse fuerit personam aliquam alloqui, id fiat in communi parlatorio, & ad Monasterij crates: nullo verò pacto ad ipsius ianuam, ad quam nec monialibus, nec secularibus tam in Monasterio manentibus, quam ab extra venientibus liceat colloqui facere; & multo minus comedere, seu bibere, idq; sub violatæ clausuræ poena, & quod in exemptionem inciderint declaratione. Nemini sub quouis prætenso colore, seu causa, quamvis sit physicus, chirurgus, confessarius, capellanus, etiam ad Sacramenta administranda, mulio, carpentarius, & cuiusvis generis faber, aut quiuis alius, liceat Monasteria ingredi absque licentia in scriptis, quam aliquibus ad tempus, aliquibus vero toties, quoties habito respectu ad frequentem, & raram eorundem necessitatem dabimus. Declarauimus contra clausuram esse, quod in Monasterijs commorentur mulieres, quæ pro sanctimonialium necessitatibus egrediebantur, & ingrediebantur; & responso accepto super hoc à sacra regularium Congregatione, quod fieri nequeat, eas in clausuram vt conuersas redegitimus: idem verò præsentî constitutione declaramus, & quod.

*In regi. li-
brarium.*

& quod omnino obseruetur præcipimus. Volumus in singulis Monasteriorum Ecclesijs, quamprimum fieri rotas paruas ad paramenta, calicem, lumen, aliaque necessaria celebraturo Sacerdoti subministranda, & quod in posterum pro huiusmodi ministerio non aperiatur fenestrella, qua sacra communio recipitur, quam clauē clausam semper esse volumus, præterquam sanctissimæ communionis tempore. In cratibus etiam parlatorii volumus fieri fenestras, seu telaria lignea, quæ erunt tela cooperta, & clauē obsignata: nec eas indifferenter, & ad libitum aperiri volumus, sed tantum quando personas in primo, & secundo gradu coniunctas sanctimoniales alloquuntur, pro alijs verò consanguinitate, vel affinitate remotioribus, nolumus, aperiri nisi de licentia nostra. Nemini cuiusvis gradus, & conditionis liceat ad Monasteria accedere, & sanctimoniales alloqui, etiam sub prætextu quod ad seculares puellas accedunt, quarum sunt personæ coniunctæ, nisi sint in primo, & secundo gradu consanguineæ, vel affines; idque sub excommunicationis poena, si absque licentia nostra, quam non nisi in scriptis dabimus, accedere præsumpserint. Regulares verò etiam in secundo gradu coniuncti, sciant illis sub grauissimis poenis à sacra Congregatione huiusmodi accessum interdictum fuisse, & quod non nisi ab eadem habita, & obtenta licentia accedere possunt. Abstineant etiam à pueris, & puellis introducendis, in Monasterium, etiam sub prætextu puerilis, & minoris ætatis, quandoquidem minime sufficit ad eas

*Miss. imp. 2
Et. 1012
Coc. Trid.
Sess. 25 c. 5
de reg. Greg.
gor. XIII.
Consti. qua
incip. ubi
graua.*

excusandas, quin clausuram violauerint, & in pœnas inciderint. Demum fenestras si quas habent super vias respicientes, à quibus & ipse prospicere, & prospici possunt, claudant, vel eleuent. Si quæ verò sunt secularium domorum, quæ intus ipsa Monasteria prospiciunt, hortamur excellentes Dominos Sindicos, & Electos, vt nobiscum obseruari faciant regiam pragmaticam super hoc editam, vt sanctimonialium honestati, & clausuræ in omnibus quantum fieri potest benè consulatur.

Cap. VI.

6. qui reli-
giosus, 18.
g. 2.

Cœc. Trid.
Sess. 25. c.
10.

IN singulis Monasterijs hi tantum Sacerdotes à sacris confessionibus erunt, quos nos deputabimus; quos etiam ad nutum volumus esse amouibiles, & nullo pacto perpetuos, nec etiam volumus deputatum confessarium pro vno Monasterio, per sonarum alterius Monasterij confessiones audire absq; licentiâ nostrâ. Omnino etiam volumus quod oblato semel, vel bis in anno extraordinario confessorio omnes peccata sua eidem confiteantur; nec admittendum ducimus quod ab aliquibus dicitur, eo non indigere; etenim scimus quod id querere religiosas mulieres pudet, & absque rubore, alium præter ordinarium, petere non valent, & nostræ curæ incumbit etiam timidis, & inualidis conscientijs satisfacere. Caueant ordinarij confessores ne eas absoluant à censuris, & casibus reservatis, & præsertim ab his, quibus vota, & clausuram violauerunt. Ca-

pella-

pellant ad Missas dicendas, & Sacramenta admini-
stranda deputati, non protrahant cum eis longos
sermones, aut earundem negocijs se ingerant, siue
etiam ad eos colloquendas alijs horis accedant absq;
licentia nostra, idque sub priuationis officij poena.

Cap. VII.

Nemini liceat circa Monasteriorum ambitum
noctis tempore cantilenas canere, musicalia
instrumenta pulsare; obscœna obloqui, voces cla-
morosas emittere, aliaque scurrilia, & leuia facere,
quæ nec locum, nec tempus decent; idque sub vi-
ginti ducatorum, & excommunicationis poena. Se-
mel in anno tam Abbatis, quàm dispensatrices, &
Monasteriorum procuratores suæ administrationis
rationem reddere teneantur, & quæ in capitulo de
clericis circa bonorum Ecclesiasticorum alienatio-
nem, permutationem, locationem, &c. superius di-
ximus, ad sanctimoniales etiam extendimus, & pro
ipsis hic adiecta, & extensa esse volumus. Demum,
nemini liceat Monasteria de nouo fabricare, seu Ec-
clesias construere, vel iam fabricatas demoliri, aut
circa eas notabilem aliquam mutationem, seu re-
stitutionem facere nobis inconsultis, sub poena
priuationis officij Abbatissis, & procuratoribus;
alijs verò exteris, ad Monasteria non accedendi,
etiam si parentes, & in proximiori gradu coniuncti
suerint.

*Cœc. Trid.
Sess. 25. c. 3
c. de Mo-
nasticis, cap.
quadam,
18. q. 2.*

DE CONFRATERNITATIBVS
LAICORVM.

Tit. XXVIII. Cap. I.

*Psalms.
132. i*

*Ecc. 4. c
Math.
18. b*

AD experimento probandum verum esse, quòd
regius Propheta dixit, Ecce quàm bonum,
& quàm iocundum, habitare fratres in vnum, insti-
tuta sunt laicorum Confraternitates, vbi in illis con-
scripti cum ceciderint, habeant subleuantés, eosque
in seruitio Dei fouentes, & eis in nomine Christi cõ-
gregatis, ipse sit præsens, eos adiuvans, nec non pe-
titionibus eorundem satisfaciens. Harum cum non
parvus numerus sit tam in ciuitate, quàm per dioe-
cesim distributus, optamus vt ad suatum confrater-
nitatum instituta conformiter vivant, & quemad-
modum titulis, insignijs, habitu à cõteris distingu-
untur christianis, ita vna, morumque probitate il-
lis antecellant, quòd vt fiat, nemini licere, volumus
cuiusvis confraternitatis habitum prohibito, indue-
re, sed tantum de confratrum consilio, & assensu,
quorum vt erit probos, & morigeratos admittere,
ita discolos, & facinorosos ab eorum societate ex-
cludere, quòd etiam facient his, qui in societatem
admissi, tales euaserint, vt iam non nisi scandalo
alijs esse possint. Oratoria frequentent, & in ipsis
orationes, & Missas persolui curent, quæ ex eorum
institutis debentur, ita tamen, vt hæc non omittant,
& quæ facere oportet faciant, accedere scilicet ad
Ecclesias, & in eis Missas, sacrasque conciones au-
dire,

dire, nec non sacramenta fufcipere, etenim quæ ab ipsis in oratorijs fiunt, tanquam fupercrogationis bona cenferi debent.

Cap. II.

L Audamus valde confraternitatum morē quem habent tenendi capellatum, qui pro eis Miffas perfoluat, eorundemq; confessiones audiat, quod ut ab omnibus fiat, hortamur, & monemus. In poffertū volumus, quod fingulis annis cum noui electi fuerint officiales, illos nobis fignificent, & à procuratoribus ratio reddatur fuæ administrationis, fignificatorijs literis à nobis receptis. Quod fi repertum fuerit, redditus expenfas fuperare, id totum pro oratorij reftauratione, feu quouis alio confraternitatis beneficio expendi volumus: idquē quamprimum, ne pecunia diu retenta pœnes tertiam perfonam, vix poftea exigi poffit, quod quandoque etiam accidit. In proceffionibus eum præcedentiæ ordinem feruent, qui vſq; adhuc tam in ciuitate, quàm per diocēſim ſeruatur, nec eum alicui perturbare, vel immutare liceat, ſub pœnis ſuperius expreſſis, & à Nobis, vel generali Vicario noſtro ad proceffiones vocatæ præſto eſſe curent, ſub pœnis quibus ſupra. Si quæ adhuc in oratorijs, aut eorum Eccleſijs conuiua, ſiue ientacula fiunt, aut etiam extra Eccleſias, & oratoria munuſcula, & bellaria donantur confraternitatum expenſis, ea omnino tolli, & aboleri volumus, quauis conſuetudine, etiam in memorabili

*Clem. quia
contingit.
§. ut ante
premiſſa
de religio.
dom.
Cōc. Trid.
Seſſ. 24. c.
8. & 9.*

*Tit. de pro
ceſſionibus
cap. non
oportet. 43.
diſt.*

non

non obstante. Nouas confraternitates nobis inconsultis, & absq; nostra licentia erigi nolumus, & donec de earum titulis, habitu, institutis plena informatio suscepta fuerit, ad facilius probandum quod bonum est, quod verò malum reiiciendum.

DE HOSPITALI LIB. V. S.

Tit. XXIX. Cap. I.

Hebr. 13. **C**haritas fraternitatis, inquit Apostolus, maneat in vobis; & hospitalitatem nolite obliuisci, per hanc enim placuerunt quidam Angelis hospitio receptis; vt igitur hæc bona acquiramus, hospitalitatem sectemur oportet, ipsummet Dominum recipientes; qui vt impios in die nouissima arguet, dicens hospes eram, & non collegistis me, ita & bonos laudabit, quod ipsum hospitem susceperint. Ita-
Matth. 25. que hortamur omnes qui in Diocesi nostra beneficiâ secularia, siue regularia obtinent, vt hospitalitatis officium à sanctis Patribus frequenter commendatum, quantum per eorum prouentus licebit, promptè, benignequè exercere assuescant. Vna etiam cum eis hortamur vniuersitates omnes, vt hospitalia construant pro peregrinis, & aduenis recipiendis, nec non infirmis curandis. Vbi verò iam sunt erecta, monemus omnes eorundem officiales, & ministros, vt cum meminerint hospitalium bona, & eleemosinas Christi esse, ea fideliter, & diligenter administrent, nec in alium, quàm peregrinorum, & infirmorum usum expendant, & singulis annis etiam ipsi,

ipſi, eius quòd adminiſtrauerint rationem reddant. Foeminas hoſpitio non recipiant, niſi loca habeant ab hominibus diſtincta, & ſeparata, & de infantibus, qui exponuntur nos certiores faciant, quatenus diligentiā adhibere poſſimus ad parentes inueniēdos, eiſdemque alendis providere. Curent etiam procuratores, ut cum peregrini ad eos hoſpitij gratia declinauerint, in omnibus deuotè, & modèſtè ſe gerant, & quòd quàmprimū ſe expediant, atque ſuum iter proſequantur.

DE DIEBUS FESTIS OBSERVANDIS.

Tit. XXX. Cap. I.

I Vſto Dei iudicio fieri credimus, ut qui ingrati-
tudinis nota ſig nati, auaritiæque ſtimulis agitati, *Coloſſ. 3. 4*
quæ Apoſtolo tēte eſt ſimulachrorum ſeruitus, dies feſtos obſeruare negligimus, quos pro tot, tantiſque receptis beneficijs præſertim creationis, conſeruationisquæ noſtræ, grati animi cauſa ſanctificare iubemur, ipſe Dominus bonorum omnium largitor à nobis ingratuſ auferat, quod dederat gratis, & expectari nos faciat cœlum æneum, & terram ferream; nec amplius mirari liceat annos ſteriles, peſtilentias, ſiccitates, inundationes, & alia multa mala, quibus nos in virga viſitat, & affligit. Igitur ut Deo debitum perſoluamus cultum, & honorem, & quem intimis ſenſibus pie colimus, exterioribus etiam ſignis veneremur, eiſdemque gratias agendo, à nobis ipſis manum vlticem auertamus, dies feſtos obſeruā-
dos

Exo. 10. b
Pius V.
Const. quæ
incipit. cū
Apostol. §.
cum vero.

dos proponimus, omnibusque in memoriam redu-
 cimus, quod sub peccati mortalis reatu ad eorum
 obseruationem tenemur, nec excusari possumus,
 nisi vel vrgens necessitas, vel conditio temporis aliud
 requiratur. Abstineri itaque debemus festiuis die-
 bus ab omni seruilis opere, siue mechanicum sit, siue
 rurale, nec non ab omnium illiberalium artium exer-
 citio, à contractibus ineundis, iuramentis præstādis,
 causis dicendis, sententijs ferendis, mercibus, alijsq;
 rebus cuiusuis generis emendis, aut vendendis, his
 exceptis, quæ pro illius diei victu, & agrotorum cu-
 ratione erunt necessaria, officiois item aperiendis,
 oneribus portandis, seu asportandis, etiam quod id
 animalium ministerio fiet, & cæteris quæ latius in-
 edictis per Nos æditis sub die 19. Januarij. M. D.
 XCII. continentur, idq; sub poenis in eisdem edic-
 tis contentis, quæ vt omnibus innotescant, volumus
 tam in Cathedra nostra, quam in alijs totius dioc-
 cesis curatis Ecclesijs bis in anno publicari, semel,
 scilicet prima dominica Mensis Nouembris, & item
 in octaua Paschatis, & quod teneantur affixa in Ec-
 clesijs, in quibus publicantur, idque sub poena du-
 catorum denariorum his, qui tam in publicandis præ-
 dictis edictis, quam in eisdem affixis habendis negli-
 gentes fuerint.

Cap. II.

Non solum diebus festiuis à seruilibus operibus
 est abstinendum, vt adimpleamus quod scrip-
 tum

tum est, omne opus seruire non facietis in eo; verum etiam & ea obseruare debemus, quæ Ecclesia sancta præcipit, & omni studio curare, vt sicut dies, ita etiam nos metipsos sanctificemus. Est igitur nobis diebus festis audienda Missa, quam absque peccato mortali omittere nequimus; nisi graui admodum necessitate excusemur. Debemus etiam Ecclesias, præsertim Parochias frequentare, diuinis interesse officijs, sacramenta recipere, verbum Dei audire, processiones associare, orationibus, & meditationibus, alijsque pijs operibus plus solito attendere, & quantum fieri potest à choreis ducendis, tripudijs, saltationibus, commensationibus, æbrietatibus, alijsque scurrilibus, & leuibus abstinere; nec enim propter huiusmodi quibus offenditur Deus, instituta sunt festa. Hortamur etiam omnes, vt diebus festiuis Cathedralē Ecclesiam frequentent, præsertim cum solemniter celebramus, vel sacras conciones habemus ad populum; & idem respectiue dicimus de Matricibus, alijsque parochialibus Ecclesijs. Abusum verò in magnam animarum perniciem introductum, quod viduæ, aliæque personæ pro charorum obitu mœrentes, aliquando per plures menses, & etiam per annum ab accessu Ecclesiæ, & audienda Missa abstineant, abolentes; omnibus huiusmodi præcipimus sub pœna soluendi rotulos cere decem, & in subsidium excommunicationis, vt ultra mensem accedere ad Ecclesiam, & Missam audire non differant; declarantes nihilominus eas etiam intra prælatum mensem communi præcepto

Exod. 10.
b

Cæt. Missas de cōf. d. 1. & c. omnes si-deles.

cap. nulli-
cū um de
conf. d. 3.
& c. si quis
etiam ex-
tra de cōf.
Cōc. Trid.
sess. 22. dec.
de obs. in
Missa.

bon. 210
O. A. d. q. 3.
int. 2. h.
absm. p. il.
q. 1. m. 1.
+ m. 1.
- 1. m. 1.
- 1. m. 1.
- 1. m. 1.
- 1. m. 1.

suplida

R 2

Eccle-

Ecclesiæ teneri ad illam audiendam, & peccare mortaliter quoties eas omittunt, Nosque poenam adieciſſe hac tantum ratione, vt quamprimum à graui hoc omiſſionis peccato declinent. Reliqua vt dictum eſt latius in edictis ſunt expreſſa, ad quæ nos referimus, & quæ non minus quàm præſentes conſtitutiones vim obligandi habere decernimus, & declaramus,

DE BLASPHEMATORIBVS.

Tit. XXXI. Cap. I.

PEccata omnia inuiſa eſſe Deo qui eſt ſumma puritas, nemo ambigit, ſed ſummopere eidem diſplicere blaſphemiam ſicra Scriptura docet, cum pluribus locis ipſam deteſtetur, & poenas grauiſſimas, etiam lapidationis, & mortis ſanctiſſimum Dei nomen blaſphemantibus comminetur, & quidem iuſte, cum minimè deceat paruulum vermen Deum atriſſimū blaſphemare, & hominem qui à Deo munificentiſſimo ſuſcepit omnia, gratiarum vice blaſphemias eidem rependere. Ad eliminandum igitur, & prorfus eradicandum tantū ſcœlus, quod Sancto Auguſtino affirmante, peius eſt quàm peiorare, & cui vt inquit gloſſa, omne peccatum comparatum leuius eſt; monemus omnes, hortamurquæ ad nomen Dei ſanctificandum, & vt prorfus ab eo blaſphemando abſtineant. Quod ſi contra ſecerint, ſanctumque Dei nomen, Deiparæ Virginis eius Matris, nec non ſanctorum blaſphemare veriti non fuerint, aut quod peius eſt, hoc in conſuetudinē duxerint, ſciant quod abſque

Exod. 21.

b. 2.

Leu. 24. c

*Gloſ. ad
Eph. 4. &
eſt S. Aug.
li. 9. mēda-
cium c. 19.
tom. 4.
Gl. Iſa. 28.
ibi ad po-
pulum ter-
ribilem.*

absque vlla personarum exceptione ad poenas contra huiusmodi statutas, & præsertim constitutiones, sel. rec. Pij Papæ V. infligendas procedetur.

Cap. II.

Non solum sanctissimum Dei nomen blasphemare grauissimum peccatum est; verum etiam peccant omnes, qui peierant, qui vanè iurant, & quouis modo ipsam in vanum assumunt; etenim scriptum est, quod non habebit infontem Dominus eum, qui assumpserit nomen Domini Dei sui frustra; & iterum, non assumes nomen Domini Dei tui in vanum, & licet Apostolo id affirmante, omnis questionis finis sit iuramentum, obseruandum nihilominus est, quod Hieremias Propheta dicit, iurabitis in iudicio, in iustitia, & veritate. Vt igitur iuramento, quod sancte exercetur præstemus obsequium Deo, eodemque vanè, seu etiam falso assumpto, ipsum non offendamus, omnibus dicimus quod Christus dixit, nolite iurare omnino, idque ea ratione, vt si quando iurandum est, non nisi requisitis, & debitis circumstantijs concurrentibus iuremus. Hortamur itaque omnes, vt in societatem Sanctissimi Dei Nominis iampridem in hac ciuitate erectam, sua nomina conscribi faciant, & toto pectore societatis instituta obseruare studeant, vt nedum pessimum blasphemix vitium, verum etiam peierandi; & quouis modo nomen Dei frustra assumendi eliminetur à nobis. Et ad gratias, indulgentiasque consequendas,

-obit

-quæ

Exo. 20. 6

Hebr. 6. 6

Hier. 4. 6

Matth. 5.

6.

*Pius IV.
5. Const.
qua incip.
iniunctum,
nobis. Gre-
gor. XIII.
Consti. qua
incip. alias
per*

quæ à summis Pontificibus huic societati concessæ fuerunt; volumus ut in posterum omnibus secundis dominicis singulorum mensium in Ecclesia Sancti Iacobi, in qua hæc societas est erecta, celebretur Missa cum oratione de nomine Iesu, & hora competenti fiat processio. Idem observari volumus per totam Diocesim, præcipientes omnibus Archipresbyteris, ut intra duos menses hanc Confraternitatem in suis Ecclesijs erigant, quas ideo volumus esse sine saccis, quia summo opere optamus omnium nomina indifferenter in eis conscribi, & confratres esse.

DE CONCVBINARIIS.

Tit. XXXII. Cap. I.

DE Phineas legimus, quod ad aduertendâ Dei vindictam ab Hebreorum populo, fornicarum qui eam concitauerat, zelo Dei ductus occidit. Quod si vnum simplicis fornicationis peccatum tantum Deo displicuit; quid de frequenti concubinariorum usu dicendum? Certè eo maiora, quod frequentius peccant, quinimmo in perpetuo peccati statu commorantur: & quod peius est, sæpè sæpius fornicationi adiunctum habent adulterium, vel etiam sacrilegium. Quamobrem ad evitandam Dei iram, iuxta sacrosancti Concilij Tridentini decretum volumus concubenarios omnes tam solutos, quàm coniugatos cuiuscunque status, dignitatis, & conditionis sint, concubinas dimittere, & si ter moniti ab earum consuetudine se ipsos non seiunxerint, à sacramentorum, fide-

fideliūque communionē arceri, nec absolutionis beneficium consequi posse, donec re ipsa admonitioni factæ paruerint. Si verò excommunicatione neglecta per annum in ea inforduerint, nec moniti, semetipsos retraxerint; in eos nedūm tanquam concubinos, verū etiam Ecclesiasticarum censurarum contemptores, pœnis à iure, & præsertim Tridentina Synodo statutis, procedemus. Mulieribus autem, quæ mouit adhuc perseuerare ausæ fuerint, præter prædictas pœnas, alias etiam fustigationis, & exilij comminamur. De clericis verò in hoc delinquentibus satis superius diximus, ad quæ nos referimus.

DE LOCIS IN SYNODO ACCEPTATIS,

SEU TRANSLATIS.

Tit. XXXIII. Cap. I.

Aceptamus, & intra terminos huius nostræ Hieracentis diocesis contineri declaramus Casale Fabritiæ, nuper ab Illustrissimo Domino, Don Fabritio Carrata Marchione Castri veteris, in centro montium ipsius Castri veteris, in loco qui dicitur delle Prunare, & ex ea parte qua flumen Alari decurrit, erectum, & ædificatum. Et vt valde commendamus præfati Domini Marchionis pietatem, qui ne homines pecudum, animaliumque more in montibus, & syluis latissimis errarent, eos in vnum colligere studuit; ita eundem hortamur, & in Domino requirimus, vt quamprimum operam

adhi-

adhibere velit ad tot redditus subministrandos, qui
sufficere possint ut ibidem Parochialis Ecclesia eri-
gatur, rectorque instituat, qui animarum saluti in-
prædicto casali habitantium intendat.

Cap. II.

EX parte Blanci inter alia diocesis loca, aderat
Potamiæ terra posita sub ditione Illustrissimi
Domini Sigismundi Loffredi Marchionis Bubolini,
quæ ferè inaccessibilis erat, nec sine magno incola-
rum incommodo habitari poterat, præterquã quod
magna ex parte ruinam minabatur vnâ cum mōte,
super quem ædificata erat. His, alijsque ibidem ha-
bitantium necessitatibus, ut prouidus Dominus, po-
pulique sui amator occurrens prædictus Dominus
Marchio in vberiori loco, salubriorique cœlo ter-
râ ædificauit sub inuocatione S. Lucæ, quæ ab orien-
te Adriaticū mare respicit, à meridie flumen habet,
quod dicitur Potamiæ; ab Aquilone verò, & Occidē-
te ab altissimis montibus ad quorum radices est po-
sita, defenditur. In hanc cum anno Domini 1592.
Nobis annuentibus in festo eiusdem Sancti transla-
tus fuisset populus, vnâ cum Sacerdotibus, & Sanc-
tissimis Sacramentis, nunc præfatam translationem
approbamus, & in Ecclesiæ ipsius pouæ terræ, auc-
toritate nostra ordinaria si possumus, sin autem con-
sensu Sedis Apostolicæ accedente, (quem statim ut
opus esse cognouerimus, requirere procurabimus)
reductus omnes, & iura Archipresbyteralis Ecclesiæ

Pota-

Potamiæ transferimus, & incorporamus. Nec non Reuerendum Abbatem Io: Baptistam Adamum Potamiæ Archipresbyterum, huius nouæ Ecclesiæ Archipresbyterum declaramus, cum omnibus alijs titulis, & honoribus, quibus in Potamiæ Ecclesia gaudebat. Faxit Deus, vt sancti Lucæ precibus, & meritis in dies augeatur, atque eius incolæ quietam semper, & tranquillam vitam agant, vna cum Illustrissimo Domino Marchione eorum patrone.

DE EXAMINATORIBVS, ET IVDICIBVS
IN SYNODO DEPUTANDIS.

Capitulum primum.

Sacro sancti Concilij Tridentini decretis inherendo, opere pretium est examinatores deputare, tam pro eis examinandis, qui nomina ad beneficia per concursum obtinenda dabunt, quam pro Sacerdotibus qui à sacris confessionibus erunt, verbi Dei concionatoribus, nec non his qui minores, aut etiam sacros ordines suscepturi coram nobis presentabuntur. Ex his vocabimus modò plures, aliquando etiam pauciores, & semper saltem tres ad minus numero, prout rei, & negocij tractandi grauitas postulabit. Proponimus autem.

Admodum Reuerendum D. Abbatem Marcellum Malarby decr. doct. & Vicariū nostrum generalē.
Reuerendum D. Abbatem Philippum Galitiani V. I. D. huius Ecclesiæ Archidiaconum.

Reuerendum D. Abbatem Hanibalem Claremontium

Sess. 24. ca.
18. & sess.
23. c. 5. &
7. & c. 15.

tium Cathedralis nostræ Archipresbyterum
Reuerendum D. Abbatem Petrum Mercurium
Magistrum Ceremoniarum.

Reuerendum D. Abbatem Carolum Creti V. I. D.

Reuerendum D. Abbatem Ioannem Casarem Cur-
rialem Vtriusque Iur. Doct.

Reuerendum D. Abbatem Petrum Thomam Bal-
simum. Vtr. Iur. Doct.

Reuerendum Patrem Sacr. Theol. Magistr. Fr. Ber-
nardinum Barbatanum Ord. Conuēt. S. Francisci.

Ex dioccesanis incipiendo à parte Castriueteris.

Reuerendum D. Abbatem Ioannem Baptistam Pa-
normitam, Archipresbyterum Argypteria, sacrę
Theologiæ doctorem.

Reuerendum D. Abbatem Ambrosium Candidam,
Sacrę Theologiæ Doctorem.

Reuerendum D. Abbatē Simonē Angelettā V. I. D.

D. Abbatem Vincentium Manfrè, Archipresbye-
rum terræ Roccellæ.

D. Abbatem Petrum Manna Parochum.

Ex parte vero Blanci.

D. Abbatem Ioannem Iacobum de Medicis Archi-
presbyterum terræ Blanci.

D. Abbatem Consaluum Papacodomum Archi-
presbyterum Carerij.

D. Abbatem Ignatium Condarcudium Theologum,
& Concionatorem.

Hi cum acceptari debeant à vobis, vota vestra mor-

ritò

ritò sunt audienda, vt cum vobis placuerint admit-
tantur, sin autem, eorum loco alij subrogentur. Di-
cat igitur quilibet clara voce votum suum per ver-
bum placet, vel non placet. Et cum respondissent
omnes placet, admissi pariter omnes fuerunt.

DE IUDICIBVS.

Capitulum secundum.

EX eiusdem sacri Concilij decreto deputare de-
bemus iudices, quibus causæ Apostolicæ sunt
delegandæ. Proponimus autem.

Admodum Reuerendum D. Abbatem Marcellum
Malarby decretorum doctorem, & Vicarium no-
strum generalem.

Reuerendum D. Abbatem Philippum Galitiam;

Archidiaconum Cathedralis Ecclesiæ. V. I. D.

Reuerendum D. Abbatem Carolum Creti. V. I. D.

Reuerendiss. D. Abbatem Cæsare Currialem. V. I. D.

Hi etiam cum per vos acceptandi sint, sententias ve-
stras quærimus, vt sciamus an vobis placeat, nec ne.
Et cum ab omnibus responsum fuisset placet, singu-
li ex propositis, iudices declarati fuerunt.

DE PRAEFATIS SYNODI HVIVS
CONSTITUTIONIBVS.*Tit. XXXIV. Cap. I.*

HActenus de presentis Synodi constitutionibus,
& decretis, non quidem ea ratione, vt omnia

cap. statu-
tum de re-
sc. 16. Sess.
25. c. 10.

quæ pro morum reformatione, vitiorumq; extirpatione proponi possent, dicta sint; sed potius quod cū (Deo dante) alias Synodos statuis à iure tēporibus habituri simus, minimè iudicauimus omnia vno verbo absoluenda, & magno, grādiq; cibo assumpto, infirmas vires debiliores reddere. Hæc verò quæ proposuimus, sūm opere optatiss observari ab omnibus, executioniq; demandari; nec enim tot expensis, laboribus, itineribus, molestijs Synodum coegimus, vt decreta conscripta remaneāt in folijs, haud tamen operibus adimpleantur à nobis; frustra quæ ad inobedientes comprimendos appositæ fuissent poenæ, nisi Synodaliū decretorū observantia requireretur. Iustos siquidem Apostoli dicto lege non indigere scimus, & quod bona faciant virtutis amore proprium ipsorum est. Volumus tamen hæc omnia iudicio, & correctioni Sanctæ Romæ Ecclesiæ, eiusque summi Pontificis Christi Domini nostri Vicarij subiacere, vt ne minimum quidem deslectamus à regula, & à recta aberremus via.

Cap. II.

SI quid his constitutionibus omissum fuerit, aliàs in generali Visitatione, vel particularibus edictis decretum, haud volumus hac ratione legis vim non habere, & de cætero nobis subiectos ad ea observanda non teneri. Sed omnia aliàs à nobis, vel à generali Vicario nostro mandata, dummodo huius Synodi constitutionibus non sint contraria, in suo

volu-

voluimus robare, & virtutei manere, etiam quo ad poenas in transgressores appostas. Poenas neminem subire vellemus, & multo minus errare, si quos verò contigerit delinquere, æquum etiam erit poenas luere. Quas ut de iure debetur, locis pijs, Cathedralis Ecclesiæ, & sacrificiæ reparationi, & ornamento applicabimus. Nec eas tantum exigemus poenas, quæ in decretis sunt expressæ, sed alias à sacris canonibus impositas pro delictorum, & personarum qualitate. Tandem decernimus propter celebratam Synodum, minimè nobis præclusam esse viam, aut ligatas manus alia statuendi, decernendi, prohibendi, prout loci, & temporis ratio, casuumque obuenientium necessitas postulabit. Quæ verò his decretis continentur, post mensem ab impressione, & distributione præsentis Synodi, omnes obligare volumus. Sequens Synodus celebrabitur hac eadem dominica sequentis anni, nisi in aliud magis opportunum tempus eam transferri contigerit.

**DE ORDINE IN CELEBRATIONE
SYNODI OBSERVATO.**

Tit. XXXV. Cap. I.

Cum ex omnibus antea actis Dioecesanis Synodis Hieracensibus, hæc prima sit, quæ impressioni mandatur, non ab re erit ordinem, qui in ea celebranda seruatus fuit, publicè omnibus ad eam spectantibus referre, ut in posterum singuli sciant quid

quid ipsis faciendum erit; & facilius congregari possit Synodus iam decreto ordine, quo forsan factum est, ut paucae admodum Synodi ab antecessoribus nostris habitae sint. Die igitur antecedente inchoationem Synodi publicatum fuit edictum de praecedentia, nonnullisque alijs in Synodo obseruandis, quod habetur in archiuo Hieracen.

Die sequenti, qua initium Synodo dandum erat, summo mane Illustris, & Reuerendissimus D. Episcopus cappâ pontificali indutus, Capitulo, & Clero comitante descendit in Ecclesiam, & Sanctissimo Sacramento adorato, processit ad solitum locum suae residentiae, ibique paramentis sumptis, prout in Pontificali habetur, iterum publicatum fuit edictum Synodi, & inchoata Missa de Spiritu sancto per Reuerendum D. Abbatem Narcisum Panettanum Cathedralis Ecclesiae Decanum. Cantato Euangelio, idem Reuerendissimus D. Episcopus sermonem solemnem habuit ad populum, in quo discrete admodum, multa de Christo Pastore, suisque ouibus disseruit; deinde facta de more absolutione, fuit finita Missa. Et his obseruatis ceremonijs, quae in Pontificali habentur, omnibus in suis locis residentibus, incepta fuit lectio Synodaliū Constitutionum per DD. Antonium Lucissam, & Iacobum Cerattum, alternatiue, qui deputati fuerunt in Synodi Secretarios. Cum vero lectum fuisset plus quam per horam, citati fuerunt absentes, facta protestatione quod per totam sequentem diem compareant, nisi vellent poenas in edicto propositas subire, & dimissa fuit sessio.

Post

Post vesp̄as solemnes, quibus præsens fuit idem Reuerendiss. D. Episcopus cum suo clero, habitus fuit sermo per Excellen. D. Iosephum Ranerium, Seminarij Hierac. Iudi magistrum deinde prosecuta fuit lectio vt supra vsquē ad vigesimam secundam horam illius diei. Alijs autem horis suscepti fuerunt supplices libelli, & auditæ controuersiz, & lites quæ suboriebantur, & successiuē pro rerum, & personarum qualitate terminatæ, & decisæ.

Sequenti mane descensum fuit in Ecclesiam more solito, & cantata Missa per Reuer. D. Abbat. Petrum Manna Vicarium foran̄um ex parte Castriueteris; habitusquē sermo per Reu. D. Ioannem Iacobum de Medicis Archipresbyterum Terræ Blanci, præcibusquē, & suffragijs recitatis post Missam, quæ in Pontificali habentur, facta fuit processio sollemnis ab omnibus sodalitatibus, regularibus, & Clero, qui totus sub vna Cruce, & eo ordine qui dispositus fuerat in Edictis, incessit cum silentio, & deuotē, absq; eo quod vllus repugnaret, aut quouis pacto renitteret. Et finita processione data fuit benedictio sollemnis, & publicatæ indulgentiæ. Post vesp̄as subsequuta fuit lectio vsque ad horam competentem.

Die tertia fuit cantata Missa per Reu. D. Abbatem Iacobū de Medicis Archipresbyterum Terræ Blanci, & habitus sermo à Reu. D. Abba. Ambrosio Candida Sacræ Theologiæ Doctore, & his ritibus obseruatis qui in Pontificali mandantur, prosecuta fuit lectio ferē vsque in finem. Post Vesp̄as solemnes finita fuit lectio, & mandatum omnibus vt se subscri-

scriberet, prout propria manu se subscripserunt omnes Synodo praesentes, & pro absentibus eorundem procuratores, hoc facto, reliquis omnibus, qui vel per se, vel per procuratorem non comparuerunt, fuit per promotorem fiscalem accusata poena, & impositum eidem ut eam exigeret, mandatumque fuit D. Ascensio, & Iulio Appollonio Curiae Episcopalis Actuarijs, ut nomina eorum, qui se subscripserunt una cum Synodi constitutionibus in archiuo diligenter, & fideliter asseruarent. In fine sumptis, per Reuerendissimum D. Episcopum solitis paramentis, & Mitra, omnibusque per eundem requisitis, an Synodo finis imponendus esset, & respondentibus quod sic, factae fuerunt ordinariae acclamationes omnibus coram Altari genuflexis. Deinceps incepto Te Deum laudamus, per ambitum Ecclesiae circumprocedendo, reduxerunt eundem Reuerendissimum D. Episcopum in Palatium suae residentiae, qui Synodo benedicta dimisit omnes in pace.

LAVS DEO.

Haec Synodus Bonardi primo citata fuit. Tomo
decolati muni 1598. in 12.º pag. 266. = 2.º Tomo
de. Respon. ad. Decret. pag. 349. = et 3.º ex-
tra in Reg. Antiquar. Paris. in hoc. Titulo.
Synodus prima Hieracensis sub Ann. 1144. et Anno
8.ºº regnantis Bonardi Episcopi Civitatis Ep.